

El santo evangelio según San Juan

Dios oca gotiroc masa rãca Cristo ï ñare gaye

¹ Cajero ñe manirajuti Cristo, Dios oca goti rëto**bu**rocü ñacãyijü. Ì Dios rãcati ñayijü. Ito yicõri ïti ñayijü Dios.

² Adi macãrücũro ï rujeoroto riojüajü Dios rãca ñacãyijü

Cristo. ³ Ìna suoriti macãrücũro gaye jeyaro rujeoyijü

Dios. Ñejua gaje Cristo manoti rujeobisijü Dios. ⁴ Ìti

ñami catitĩñare rucogu. Ito yicõri ïti ñami busurise

rucogu. Ito bajigü ñari masa ïna tuo masiroca yi masiami ï.

⁵ Rãitĩarojü masa ïna ñeñaro yibojaja cuni busu masiguĩji

Cristo. “Ñeñaro yirã ña mani”, ïna yi masiroca, yigü

yiguĩji Cristo. Ito bajiri ïre rëto**cũ** masibicü yiguĩji rãitĩaro

ñagũ rũmúa ujü.

⁶ Sīgũ ãmũgũ ñaquĩ gua masare ï riasotoni Dios ï cũra. Ì

wame cutiquĩ Juan idé guri masü. ⁷ “Cristo ñami busurise

rucogu”, masare yi riasorocü wadiñi Juan idé guri masü.

Cristore masa ïna tuorũnũtoni Dios ocare gotigü wadiñi

Juan idé guri masü. ⁸ Ì meje ñañi busurise rucogu. Cristo,

busurise rucogure busi ïsigũ wadirü ñañi Juan. ⁹ Busurise

rucosagü ï ñaquĩ Cristo. Jeyaro masa ïna tuo masitoni

wadirü ñaquĩ Cristo. Ito bajigü ñari ñajediro masa ïna tuo

masitoni wadiñi ï.

¹⁰ Adi macãrücũro rujeoroto riojüajü ñacãyijü ï Dios oca

gotiri masü. Ìna suoriti adi macãrücũrojü Dios ï menire

ñabobarocati adi macãrücũro gãna masa ïre ti masibisjarã

maji. ¹¹ Adi macãrücũro ï rujeore ñabobarocati ï ñarãjua

ïre boca ãmibisjarã. ¹² Gãjerã coriarãma ïre queno boca

ãmiyjarã. Ito yicõri ïre tuorũnũyjarã ïna. Ito bajiri ïre

ĩna tuorũnũjare Dios rĩa ĩna ñaroca yiyijũ Cristo. “Yũre masogũ yiguĩji Cristo”, yi tuorũnũrãre Dios rĩa ĩna ñaroca yiyijũ Cristo. ¹³ Ito bajiri Dios rĩati ñama ĩna ĩja. ĩre boca ãmicõri ĩ rĩa ñama ĩja. Masa ĩna rĩa cutirona ĩna yiro bajiro meje ña. Dios rĩati ĩna ñaroca Cristo ĩ yiana ñama ĩna. Ito bajiri Dios rĩati ñama ĩna ĩja. Ito yicõri Dioti ñami ĩna Jacũ.

¹⁴ Dios oca gotiri masũ manire bajiroti ruju cuticõri, mani wato ña ucuquĩ. ĩti ñami masare ti maigũ, ito yicõri riojo gotigu. ĩ, Dios Macũ sīgũ ñagũre ticõri, “ĩti ñami busurise rucogũ. ĩ Jacũre bajiroti rētoro ñasagũ ñami ĩ cuni”, yi tuoĩa mani. ¹⁵ Juan idé guri masũ, Cristore busi ĩsigũ ado bajiro masare gotiquĩ ĩ ejaroca:

—Ñani gaye gotisũogũ, ado bajiro mũare goticũ yũ. “Yũ berojua sīgũ ejagũ yiguĩji. Yũ berojua ejagũ ñabojaguti, yũ rētoro ñasagũ ñagũ yiguĩji ĩ. Yũ riojuaju ñacãni ĩ”, yi goticũ yũ, yiquĩ Juan idé guri masũ, masare gotigu.

¹⁶ Mani jeyaro queno ĩ yirise boca ãmisotia mani. Manire ĩ queno yiado bajiroti manire queno yitĩñami maji. ¹⁷ Moisés ñayorũna suoriti bũcurã ĩna rotire gaye manire ejayija. Dios manire ĩ ti mairise gayeama, ĩ oca riojo ñasarise cuni, Cristona suoriti manire ejayija. ¹⁸ Sīgũjua Diore tigu maquĩji. ĩ Macũ sīgũti ĩre tiguĩji. ĩ ñaguĩji ĩ Jacũ robo bajiroti corocõ tuoĩagũ. “Ito bajiro bajigu ñami Dios”, mani yi masitoni, manire riasogũ ñami Cristo.

Jesucristore Juan ĩ busi ĩsire gaye

(Mt 3.11-12; Mr 1.7-8; Lc 3.15-17)

¹⁹ Paia mesare ito yicõri levita masare cuni cõañi judio masa Jerusalén gãna. “¿Ñimũ ñati mũ?” Juan idé guri masũre ĩna yi seniĩatoni ĩnare cõañi ĩna. ²⁰ Ito bajiro ĩre ĩna seniĩaja tũocõri, riojo ĩnare cũdiquĩ Juan idé guri masũ:

—Yũ, Cristo Dios ĩ cõarũ meje ña yũ, yiquĩ Juan ĩnare.

²¹ Mũcana tũdi ĩre seniĩa quenocã ĩna:

—¿Ito yijama ñimujua ñasati mu? ¿Elías, Diore goti ñsiri masujua ñatite mu? yi seniñacã ñna ñre.

—Ñ meje ña yu, yiquĩ ñ ñnare.

Ito yija mucana tũdi ñre seniñacã ñna:

—¿Muti ñati Diore goti ñsiri masu, “Ejagu yiguñji”, ñna yicacu? yi seniñacã ñna Juan idé guri masure.

—Ñ meje ña yu, yiquĩ ñ.

²² Ito ñ yija tuocõri, ado bajiro yicã ñna:

—¿Ñimujua ñasati mu? yicã ñna. Guare roticõarãre oca ñmi tũdi wa ñmoa gua. Mumasiti mu gaye, ¿no bajiro guare gotiati mu? yi seniñacã ñna Juan idé guri masure.

²³ ñna ito yija tuocõri, ado bajiro cudiquĩ ñ ñnare:

—Yuti ña, yucu manojũ masare oca seoro goti ucugu: “Mani Uju ñ ejaroto riojua, mua ñeñaro yirise jidicãcõri ñre ña yucãña”, yi goti yuri masu ña yu. Isaías ñayoru, Diore goti ñsiri masu, ñ yiado bajiroti yi gotia yu cuni, yiquĩ Juan idé guri masu ñre oca seniñacãre.

²⁴ Juan idé guri masu tu oca seniñarã ejacãna, ñna ñañi fariseo gaye tuõiarã ñna cõana. ²⁵ Mucana tũdi ñre seniñacã ñna:

—Ito yija, Cristo meje ñabojaguti, Elías meje ñabojaguti, Diore goti ñsiri masu meje ñabojaguti, ¿no yija masare idé guati mu? yi seniñacã ñna Juan idé guri masure.

²⁶ ñna ito yija tuocõri, ado bajiro cudiquĩ ñ:

—Yu masare idé guja, idenagoti idé gua yu. Sīgũ ñami ado mani wato mua masibicu. ²⁷ Yu rëtoro ñasagu ñami ñ. Yu bero ejaru ñabojaguti, yu rëtoro ñasagu ñami ñ. ñre bajiro bajigu meje ña yuama. Yu rëtoro quenagũ ñ ñajare ñ rãca corocõ ñado ma yu. Ito bajiro quenagũ meje ñacõri ñ ya guaboco õja masibea yu, yiquĩ Juan idé guri masu ñre seniñacãre.

²⁸ Jordán wame cutirisa tuj̄u masare Juan idé guroca ito bajiro rētacu. Betania wame cutirij̄u ñacu itij̄u, Jordán tunima.

Oveja Macu robo bajigu ñami Jesús, yire gaye

²⁹ Ito bero gaje rumu, Jesús gua tuj̄u ï wadija tiqui Juan idé guri masu. Ito bajiri masare ado bajiro gotiqui ï:

—Tiya muu, añiti ñami Dios yagu, Oveja Macu robo bajigu. Masa ñna ñeñaro yirise waja yi ïsiroc̄u ñari Oveja Macu robo bajiro bajigu ñami ï. Ñti ñami adi mac̄aruc̄uro ḡanare ñna ñeñaro yirisere waja yi ïsiri masu. ³⁰ Ñ gaye gotis̄uogu, ado bajiro muare goticu yu: “Yu berojua siḡu ejagu yiguñi. Yu berojua ejagu ñabojaguti yu r̄etoro ñasagu ñaḡu yiguñi ï. Yu riojuaju ñac̄añi ï”, yi goticu yu muare. ³¹ Yu c̄uni, “Ñ ñaguñi”, yi masibiticu maji. Ado ña yu masare idé gugu. “Ñni ñami Dios ï c̄oaru”, mani ñar̄a c̄uni ñna yi masitoni, yi gotia yu, yiqui Juan idé guri masu Israel sita ḡanare.

³² Gaje ado bajiro masare gotiqui ï:

—Esp̄iritu Santo bujare bajigu ruji wadic̄ori, ï joej̄ure ï queda jeaja ticu yu. ³³ Ñre tibojaguti, “Ñti ñaguñi Cristo”, yi masibiticu yu maji. Yure masare idé gu roticacu, yure ï gotigore tuoia bujac̄ori, “Ñniti ñami Cristo”, yi masicu yu ïja. Ado bajiro yure gotiqui ï yure idé gu roticacu: “Siḡure Esp̄iritu Santo ï queda jeaja, mu tija, Ñti ñami masare Esp̄iritu Santo queo s̄aḡu”, yiqui yure idé gu roticacu. ³⁴ Ñre tigor̄u ña yu. Ito bajiri, “Dios Macu ñami ï”, yi masia yu, yi gotiqui Juan idé guri masu, masare gotigu.

Jesús r̄aca riasotis̄uana gaye

³⁵ Ito bero gaje rumu ito ñacu gua muc̄ana. J̄uar̄a ñacu gua Juan idé guri masu r̄aca riasotir̄a. ³⁶ Jesús ï r̄eta waja tic̄ori, ado bajiro guare gotiqui Juan idé guri masu:

—Tiya, ãniti ñami Dios yagu Oveja Macu robo bajiro bajigu, mani ñeñaro yirise waja yi ñsiri masu, yiqui Juan guare.

³⁷ Ito bajiro i yija tuocõri, Jesure suya wacu gua ija. ³⁸ Ito bajiro gua ire suya waja juda ticõri, ado bajiro yiqui Jesús:

—¿Ñere ãmarã yati muu? yiqui Jesús guare.

—Riasori masu, ¿noju ñati mu ñaro? yi seniñacu gua Jesure.

³⁹ —Adoju tirã waya maji, yi cudiqui Jesús guare.

Ito i yijare ire suya wacõri, i ñaroju ticu gua ija. Ito bajiri iti rumu i rãcati ñarã räiooacu gua. Yucu wecacõ tujauqui umacañi.

⁴⁰ Juan idé guri masure tuocõri, yu rãca Jesure suya wacu ñaquí Andrés. I ñaquí Simón Pedro ocabaji. ⁴¹ Jesure ti masicõri, i rñoru Simónre gotirocu ãmagu waqui i. I rñoru tu ejacõri, ado bajiro gotiyiju Andrés:

—Dios i cõaru Cristore bujacõa yu, yi ejayiju i.

⁴² Ito yija, Simónre gua tuju ãmi wadiqui Andrés. Simónre ticõri, ado bajiro yiqui Jesús:

—Mu ña Simón, Jonás macu. Ito bajibojarocati Pedro wame cutigu yiguja mu ija. Gãtagã yireoni ña iti, yiqui Jesús Simónre.

Natanael, Felipere cuni Jesús i jire gaye

⁴³ Ito bero gaje rumu, Galilea wame cutirita tuju waqui Jesús. Itoju ejacõri, Felipe wame cutigure bujaqui. Ito yicõri ado bajiro ire yiqui Jesús:

—Yu rãca waya, yiqui Jesús ire.

⁴⁴ Betsaida wame cutiri cuto gagu ñaquí Felipe. Pedro ocabaji Andrés cuni ña ñaro ñacu ito. ⁴⁵ Jesure tuocõri, Natanaelre ãmagu waqui Felipe. Ire bujacõri, ado bajiro ire gotiyiju i:

—Moisés ñayoru Dios i rotire uagu, i uca gotirure bujacõmu yu ija. Diore goti ñsiri masa ña ucarure bujacõmu

yü ñja. Ì ñami Jesús, Nazaret gagu, José wame cutigu ì masoru, yiyiju ì Natanaelre gotigu.

⁴⁶ Ì ito yija tucõri, ado bajiro seniñayiju Natanael:

—¿Nazaret gagu ì ñaja quenagũ ñaguñjida muca? yi seniñayiju ì Felipere.

—Waya tito, yiyiju Felipe Natanaelre. Ito bajiro yicõri gua tujü ejaçã ñna ñja.

⁴⁷ Natanael ì ejaja ticõri, ado bajiro yiquí Jesús:

—Sĩgũ Israel sita gagugoro ejaquí ado. Ìre ruore ma, yiquí Jesús, Natanaelre ticõri.

⁴⁸ Ito ì yijare:

—¿No bajiro yure ti masiati mu? yi seniñaquí ì Jesure.

—Felipe mare ì jiroto riojua, higuera wame cutiricu roca mu rügõroca tibu yu mare, yiquí Jesús ñre.

⁴⁹ Ito ì yija tucõri:

—Yure Riasogu, muti ñna Dios Macu, ito yicõri gua Israel sita gãna Uju ñna mu, yiquí Natanael Jesure.

⁵⁰ Ito ì yija tucõri, ado bajiro cudiquí Jesús ñre:

—Higuera wame cutiricu roca mu rügõroca mare tibu yu, ¿mare yu yija, yure tuorũnuati mu? Gaje iti rêto basaro bajirise tigu yiguja mu, yiquí Jesús ñre.

⁵¹ Gaje ado bajiro gotiquí Jesús guare:

—Riti mare gotia yu. Macãrucũro soje iti janaroca, Yu Masa Rĩjoru tujü, ángel mesa yu tujü ñna rujija, ñna mujaja cuni tirã yirãji mua, yiquí Jesús guare.

2

Caná wame cutiri cutoju ñna ãmo siare gaye

¹ Jua rumu bero Galilea sita Caná wame cutiri cutoju ãmo siare ñaro wado yicu. Jesús jaco cuni ñacõ itoju. ² Gua Jesús rãca riasotirãre cuni basa guare goticã ñna. Ito bajiri gua cuni Jesús rãca ñacu itoju. ³ Ito bajiro gua idi ñaroca,

uyé ide jedicoacu. Ito bajija ticōri, Jesús jaco ado bajiro yicō ñre:

—Uyé ide jedicoaju ñja, yicō iso Jesure.

⁴ Iso ito yija tucōri:

—¿Cana, no yija yure iti gotiati m̄? Tiyamani yu ñoroti ejabea maji, yiquí Jesús isore.

⁵ Ito bajiro ñ yija tucōri, iori masare ado bajiro yicō iso:

—Jeyaro ñ rotiro bajiroti cūdiya, yicō iso ñnare.

⁶ Itoju ñacu ide gōnaraduri, gūtana ñna menira soturi. Coga āmojeno soturi ñacu. Ide gōnacōri bucūrā ñna rotiado robo bajiro ñna coesotiri soturi ñacu iti soturi. Cincuenta, setenta cūni ide coari dajarise ñacu iti soturi.

⁷ Iori masare ado bajiro rotiquí Jesús:

—Adi soturire ide jio dajoya, yiquí Jesús ñnare.

Ito ñ yija tucōri, iti soturi ñarocōti jio dajocā ñna. ⁸ ñna cūdiya ticōri, ado bajiro rotiquí Jesús ñnare:

—Jabeto gōnacōri, basa ujure ñsitēña m̄, yiquí ñ ñnare.

Ñ rotiro bajiroti yicā ñna. Basa ujure ide iocā ñna. ⁹ Iti ide ñ boca idija, uyé ideti ñacoacu iti ñja. “Ito gaye ñaroja”, yi masibitiquí ñ. Iori masa riti masicā ñna āmiadore. Iti idicōri, mame manojo cutigure ji ñucaquí basa ujū. ¹⁰ ñ ejaroca ado bajiro ñre yiquí ñ:

—Gājerāma, basa ñna menisūoja, quenarise iosuocā. Jairo masa ñna idija bero quenasabiti ide iocā ñna. M̄ama gaje idire rētoro quenarise seoyija m̄. Adocāta m̄ iorise quenarise ña, yiquí basa ujū mame manojo cutigure.

¹¹ Iti ñacu tiyamani Jesús ñ ñsore Galilea sita, Caná wame cutiri cutoju. Iti ticōri, rētoro ñ masirise ñ ñoja, ticu gua, ñ rāca riasotirā. Ito bajiri ñre tucōriñacu gua ñja.

¹² Iti basa rētaja bero Capernaum wame cutiri cutoju wacu gua Jesús rāca. ñ jaco, gua ñ rāca riasotirā, ñ ñarā cūni ñ rāca wacu gua. Itoju yoa busari ña ucucu gua.

*Niyeru wasoari masare Jesús ï bucõare gaye
(Mt 21.12-13; Mr 11.15-18; Lc 19.45-46)*

¹³ Judio masa pascua basa ïna meniroti rumu riojuaca rumu Jerusalénju wacu gua Jesús rãca. ¹⁴ Itoju Dios ya wi ejacõri, ta wecua, oveja, buja ïsiri masare ti bujaquĩ Jesús. Ito yicõri niyeru wasoari masa ïna rujiadoju, ïna rujija ti bujaquĩ ï. ¹⁵ Ito bajiro ïna yi ñaja ticõri, bajera ma meniquĩ Jesús. Ito bajiro yicõri, ïna ya wecua rãca, ïna ya oveja rãca Dios ya wi ñarãre bucõaquĩ Jesús. Niyeru wasoari masa ya niyeru kujirire ware batecõquĩ ï. ïna ya casabori gaye tujuda queoquĩ Jesús. ¹⁶ Ito yicõri, buja ïsiri masare ado bajiro yiquĩ Jesús:

— Ñana mua ïsironare ãmi budi wasa mua. Yu Jacu ya wire gajeoni ïsira wi godo weobesa mua, yiquĩ Jesús ïnare.

¹⁷ Ito bajiro ï yija tuocõri, Dios oca tuti gotire tuoia bujacu gua ï rãca riasotirã: “Buto mu ya wire tuoia rucubuoja yu”, yi Dios oca tuti gotire gaye tuoia bujacu gua.

¹⁸ Ito yija ito ñarã judio masa Jesure seniãcã:

— ¿No bajiro ïogũ yigujada mu, “Dios ï rotirena waibucurã ïsiri masare bucõa mu”, gua yitoni? yi seniãcã ïna Jesure.

¹⁹ ïna ito yija tuocõri, ado bajiro cudiquĩ Jesús ïnare:

— Adi Dios ya wire mua ruyurioja, udia rumu beroti mucana tãdi iti wire jõrojogu yiguja yu, yiquĩ Jesús ïnare.

²⁰ Ito ï yija tuocõri:

— Cuarenta y seis rodori sejayjarã ïna adi wi menirã. Muãma, “Udia rumu beroti jõrojoguja”, ¿yire masiati mu? yicã ïna Jesure.

²¹ Ito bajiro Dios ya wire Jesús ï tuoia busija, ï ya ruju gayere busigu yiñi Jesús. ²² Iti Jesús ï busigore mucana tãdi Jesús ï catirocaju, ï busigore tuoia bujacu gua, ï rãca

riasotigoana. Ito bajiri Dios oca ï busigore cuni tuorũnucũ gua ïja.

Mani tuoïarise masi jeogu ñami Jesús, yire gaye

²³ Jerusalén ñacõri, pascua basa ïna meniroca jaje tiyamani masare ïoquĩ Jesús. Ito bajiro ï yijare, jãjarã masa ïre tuorũnucã ïna ïja. ²⁴ “Masa jeyaro ñeñaro yirã ñama”, yi ti masicõri, ïnare queno tuorũnusabitiquĩ Jesús. ²⁵ Masa jeyaro ïna ya usiju ïna tuoïarise ti masigũ ñaquĩ Jesús. “Ito bajiro bajirã ñama masa”, yi tuoïa masicãñi Jesús.

3

Nicodemo Jesús tu ï ejare gaye

¹ Sīgũ fariseo gaye tuoïagũ, Nicodemo wame cutigu ñayiju. Judio masa rãca ñasagu ñayiju ï. ² ï Nicodemo, ñamiju Jesure tigu ejayiju. ï tu ejacõri, ado bajiro yiyiju ï Jesure:

—Riasori masu, “Guare riasotoni mure cõañi Dios”, yi tuoïa gna mure. Mu rãca Dios ï ñajare tiyamani ïo masia mu. Ñimujua gãji tiyamani mu ïoro bajiro yibiquĩji, Dios ï rãca ñabeja, yiyiju ï Jesure.

³ —Riti mure ado bajiro gotia yu. No mucana tũdi rujea quenobicu Dios ï rotiroju tibiquĩji, yiyiju Jesús Nicodemore.

⁴ Ito ï yija tuocõri, ado bajiro Jesure seniïayiju Nicodemo:

—¿No bajiro ãmugũ jaigu ñacãbojaguti mucana tũdi rujea quenoguĩjida? ¿Jacore sãjacõri, mucana tũdi rujea quenoguĩjida? yi seniïayiju ï Jesure.

⁵ —Riti mure gotia yu. Masa jeyaro jacona rujearãji. Ito bajibojarocati Espiritu Santona rujeabicu Dios ï rotiroju ejabiquĩji. ⁶ Masana rujeana, masati ñarãji. Espiritu Santona rujeana ï ya usina catitĩñarã yirãji ïna. ⁷ “No Dios tujũ eja ãmoja, mucana tũdi rujea quenoja quena”,

ya yu mure. Ito bajiro yu yija, tuo ucabesa mu. ⁸ Mino iti amoro bajiroti wea nucaroyiroja. Mino iti udija tuo mani. Ito bajibojarocati, “Ito gaye wadiroja, ito waroja”, yi masibea mani. Ito bajiroti bajigu nãami Espiritu Santo cuni. “Ñimujare itocõ rujea quenogũ yiguĩji Espiritu Santo”, yi masibea mani, yiyiju Jesús Nicodemore.

⁹ Ito yija mucana tãdi seniãa quenoyiju Nicodemo:

—¿No bajiro bajirojada iti? yi seniãayiju i Jesure.

¹⁰ Ado bajiro ãre cudiyiju Jesús:

—Israel sita gãnare riasori masu ñasagu ña mu. ¿Ito bajibojaguti adi gayeama masibeati mu? ¹¹ Riti mure gotia yu. Yu masirisere busia yu. Ito yicõri yu tigore mure gotia yu. Ito bajibojarocati yu gotirisere queno tuorũnubea mu. ¹² Adi sitaju gaye yu busirise mu tuorũnubeja, Dios i ñaroju gaye yu busija cuni, tuorũnubicu yiguja mu, yiyiju Jesús ãre.

¹³ Gaje ado bajiro gotiyiju Jesús:

—Sĩgũ ãmacũju mujagoru maquĩji. Yu sĩgũti ña ãmacũjuna ruji wadicõri mucana tãdi itoju mija warocu. Yu ña Masa Rĩjoru. Yuti ña itoju mija warocu. ¹⁴ Jane mejeju Moisés ñayoru yucu manojũ ña ña ucuroca yucu joe ãñare jeoyiju, masa ña ti muotoni. ãñare ti muocõri ãña cuni ecoana ñabojarãti godabisijarã ña. Ito bajiroti yu cuni Masa Rĩjoru, yucuna muo ecogu yiguja. ¹⁵ No yure tuorũnugũti godabicu yiguĩji catitĩñagũ yiguĩji, yiyiju Jesús Nicodemore gotigu.

Ñajediro masare Dios i maire gaye

¹⁶ Ñajediro masare buto maiyiju Dios. Ito bajiri i Macu sĩgũ ñagũre cõayiju, masare i goda ãsitoni. No Jesure tuorũnugũti godabiquĩji, catitĩñagũ yiguĩji. ¹⁷ Adi macãrucũro gãnare i ruyuriontoni meje i Macure cõayiju Dios. Ado robojũ bajiyiju. Masare masojaro yirocu i Macure cõayiju Dios.

¹⁸ 'No ĩ Macure tuorũnugũre waja senibicu yiguĩji Dios. No Dios Macu sigũ ñagũre tuorũnubicu, ĩ tuorũnubitire waja ĩre ruyuriogu yiguĩji Dios. ¹⁹ "Yũ Macure tuorũnũmenare ĩnare ruyuriogu yiguĩja yũ", yicãñi Dios. Ado bajiro baja: Busurise rucogu ñari masa ĩna tuo masiroca yi masiami Jesús. Ito bajiri adi tuti ejacõri, "Ñeñaro yirã ña mani", masa ĩna yi masiroca yiñi Jesús. Buto ñeñaro yi jairã ñari busurise rëtoro rãitĩarisere ãmoyijarã ĩna. Quenarise yi ãmobicõri ñeñarisejũare riti buto yi ãmoyijarã ĩna. Ito bajiri Jesure ĩna tuorũnubitire waja jeame ãjũroju ĩnare cõagũ yiguĩji Dios. ²⁰ Ñeñaro yirã ñarocõti busurise ti teama ĩna. Ito bajiri busurise rucogu yũ ñajare, yũre boca ãmimenaji ĩna. ĩna ñeñaro yirise goabe yirona yũre boca ãmimenaji ĩna. ²¹ Oca riojo gotire cudirãma, yũ busurise rucogũre boca ãmirã yirãji ĩnama. Ito bajiri ĩna queno cudija ticõri, "Ĩna queno yiroca yami Dios", yi ti masirã yirãji gãjerã, yiyijũ Jesús Nicodemo.

Juan idé guri masu Jesús gayere ĩ gotire gaye

²² Ito yija bero, gũa Jesús rãca riasotirã ĩ rãca Judea sitaju wacu. Itoju yoa busari ĩ rãca masare idé gu ñacu gũa. ²³ Juan idé guri masu cuni Salim cuto sõjũa Enón wame cutiri cutoju masare idé gu ñayijũ ĩ cuni. Itoju ide jairo iti ñajare, masa jãjarã idé gu rotirã ejayijarã. Ito bajiri ĩnare idé guyijũ Juan. ²⁴ Ito bajiro rëtayijũ, Juan idé guri masure ĩna tubiaroto riojũa.

²⁵ Ito baji ñaroca coriarã Juan idé guri masu rãca riasotirã, sigũ judio masu rãca gãmeri busi ñayijarã ĩna. "Bucurã ĩna rotiado bajiro mani cudija ticõri, mani ñeñaro yirisere coegu yiguĩji Dios", yi gãmeri busi ñayijarã ĩna. ²⁶ ĩna gãmeri busija bero Juan tu ejacõri ado bajiro seniãyijarã ĩna:

—Guare riasogu, ¿Jordán wame cutirisa siduja mu tigore are masiati mu? Í gayere guare busibu mu. Adi rumari bato masare idé guguíji. Ito bajiri masa íre riti sayaraji ina, yi gotiyijarã ina Juan idé guri masure.

²⁷ Ina ito yija tuocõri:

—Ñe manoti ñaraji masa, Dios í isibeja. Dioti ñami masa ina moaroti cõri masu. ²⁸ “Yu meje ña Cristo. Í ejaroto riojua Dios í cõa yuru ña yu”, yari muare goticacu yu. “Ito bajiro gotiqui Juan guare”, yi masira ña mua, yiyiju Juan í rãca riasotirãre. ²⁹ Goti masiore ocana ado bajiro gotiyiju Juan: “Ãmo siari rumu isore ñiagu, iso manuju ñarocu ñaguíji í. Í, ãmo siagu baba, í ãmo siare gaye í tuoja bato wanu quenagu yiguíji í. ‘Masare idé gugu yiguíji’, mua yija tuocõri, itire bajiroti wanu quena yu cuni. ³⁰ Yu rëtoro ñasagu í ñare ãmoa yu. Yure ina rucuburo rëto busaro masa íre rucubure ãmoa yu”, yiyiju Juan í rãca riasotirãre.

Ûmacuju wadiru ñami Cristo, yire gaye

³¹ Ûmacuju gagu wadiru, í ñami ñasagu. Nimu gãji í rëtoro ñasagu maquíji. Adi macãrucuroju rujearu í ñami adi macãrucuro gagu. Ito bajiri adi macãrucuro gaye busiami í. Ûmacuju gagu wadiruama í ñami ñasagu. ³² Í tigore, í tuogore cuni busiami íocũ. Ito bajibojarocati, noajua queno tuorũnubeama í busirisere. ³³ No íre tuorũnugũti, “Queno riojo yigu ñami Dios”, yi masiguíji íocũ. ³⁴ Dios í cõaruama Dios ocareti gotiguíji. Jabetacã meje í ya usi queo sãgũ yiguíji Dios íre. ³⁵ Í Macure maigũ, “Jeyaro rotijaro í”, yirocu Cristore cũni mani Jacu Dios. ³⁶ No Dios Macure tuorũnugũti catitĩñagũ yiguíji. Í Macure tuorũnubicuama catitĩñare bujabicu yiguíji. Íocũreama bato ñeñaro í tõbujaroca yigu yiguíji Dios.

4

Samaria sita gago rāca Jesús ĩ busire gaye

¹ “Juan rēto busaro masare idé guami Jesús, ito yicōri ĩre jājarā busa s̄yama ĩna”, yire gaye masiñi fariseo gaye t̄uoīarā. ² Quenogoroama Jesús meje masare idé guquĩ. Gua Jesús rāca riasotirāj̄u masare idé guc̄u gua. ³ Fariseo gaye t̄uoīarā ĩna masija t̄uocōri, Judea sitare wacoac̄u gua Jesús rāca. Ito yicōri Galilea sitaj̄u wac̄u gua m̄ucana.

⁴ Ito warā riti Samaria sitaj̄u ejac̄u gua. ⁵ Ito rēta wacōri, Sicar wame cutiri cutoj̄u ejac̄u gua. Iti cuto Jacob ñayor̄u ĩ mac̄u Josére ĩsira sita t̄u ñac̄u iti cuto. ⁶ Itoj̄u ñac̄u Jacob ñayor̄u ya ide goje. Boga wadir̄u ñari iti goje t̄u eja r̄uj̄uquĩ Jesús. Ĕm̄ua ḡudareco ejarecōro ñac̄u. ⁷⁻⁸ Guama ĩ rāca riasotirā cutoj̄u wac̄u bare waja yirā warā. Itoj̄u Jesús ĩ rujiroca, s̄gō Samaria sita gago ide gōnagō ejayijo. Iso ejaja ticōri, isore ado bajiro ide seniyij̄u Jesús:

—Ide ioya yure, yiyij̄u ĩ isore.

⁹ Ide ĩ senija t̄uocōri, ado bajiro yiyijo Samaria sita gago:

—¿M̄u no yija judio mas̄u ñabojaguti, ȳu Samaria sita gagore ide seniati m̄u? yiyijo iso Jesure. Samaria sita gāna rāca judio masa rāca queno baba cutibiticōri, ito bajiro yiyijo iso.

¹⁰ Iso ito bajiro yija t̄uocōri:

—Dios ĩ ĩsiroti m̄u masija, ito yicōri, “ĩ ñami yure ide senigũ”, m̄u yi masija, ȳujuare ide seniboroja m̄u. Ito bajiro m̄u yija, ide catitĩñare gaye m̄ure ĩsibor̄uja ȳu, yiyij̄u Jesús isore.

¹¹ Ito ĩ yijare:

—Ñena ide gōnare ma m̄ure. Jubej̄u ña ide goje. ¿Noj̄u gaye yure ide catitĩñare gaye ĩsigũ yiguj̄ada m̄u? ¹² Mani rioj̄ua gaḡu Jacob ñayor̄u adi goje ide gojere cūni ĩ. ĩ c̄uni idiñi iti goje gaye. ĩ r̄ia c̄uni idiñi. ĩ ya ecana c̄uni idiñi. ¿ĩ rēto busaro ñasaḡu ñati m̄u? yiyijo iso Jesure.

¹³ Ito bajiro iso yija tʉocõri, ado bajiro cʉdiyijʉ Jesús isore:

—No adi goje gaye ide idibojarãti, mʉcana tʉdi idi ãmocoarã yirãji. ¹⁴ No ide catitĩñare gaye yʉ ioana, mʉcana tʉdi idi ãmomena yirãji. Yʉ ãnare ide iorise ide ũmaburi goje robo bajiro ũmabato ñaro yiroja, ãna catitĩñatoni, yiyijʉ Jesús isore.

¹⁵ Ito ã yija tʉocõri:

—Yʉ ʉjʉ, iti gaye ide ãmoa yʉ cʉni, mʉcana tʉdi ide yʉ idibe yiroco. Ito yicõri mʉcana tʉdi adi goje gõnagõ wadibe yiroco, yiyijo iso Jesure.

¹⁶ Ito yija, ado bajiro yiyijʉ Jesús isore:

—Wasa, mʉ manʉjʉre jitẽña, ito yicõri adoja waya, yiyijʉ Jesús isore.

¹⁷ Ito ã yija ado bajiro cʉdiyijo iso:

—Manʉjʉ maco ña yʉ, yi cʉdiyijo iso.

—“Manʉjʉ maco ña yʉ”, mʉ yirise riti ya mʉ. ¹⁸ Co dʉjamocõ ũmʉa rãca ñagoro ña mʉ. Ito bajicõri adocãta mʉ rãca ñagũ, mʉ manʉjʉ meje ñami ã. Ito bajiri, “Manʉjʉ maco ña yʉ”, mʉ yiriseama riti ya mʉ, yiyijʉ Jesús isore.

¹⁹ Ito ã yija tʉocõri, ado bajiro yiyijo iso ãre:

—Yʉ ʉjʉ, jeyaro masigũocũ ña mʉ. “Diore goti ãsiri masʉ ñami ãni”, ya yʉ mʉre. ²⁰ Gʉa Samaria sita gãna ñicʉsabatia, adi buroja Diore rũcʉbʉoñi. Mʉa judio masama, “Jerusalénjʉ Diore rũcʉbʉoja quena”, ya mʉáma, yiyijo iso Jesure.

²¹ Iso ito yijare:

—Yʉre tʉorũnũña romio mʉ. Co rʉmʉ Diore mʉa rũcʉbʉoroti rʉmʉ ejaro yiroja. Adi buro meje, ito yicõri Jerusalénjʉ wamenati Diore rũcʉbʉo ñarã yirãji mʉa.

²² Mʉa Samaria sita gãna, mʉa rũcʉbʉorocʉre queno masibe mʉa maji. Guama, gʉa rũcʉbʉorocʉre queno masia. Gʉa judio masana suoriti masare masogũ yiguĩji Dios.

²³ Ija ñaro yiroja, ito yicõri adocãta cʉni ña, riojo Diore

masa ñna rñcũbuo ãmosaja, ñna ya usiju ñre rñcũbuorã yirãji ñna. Ito bajiro ñre rñcũbuore ãmoami mani Jacũ. ²⁴ Rujũ meje ñami Dios. Usiti ñami ñ. Ito bajiri Dios ñ ãmoro bajiro riti Espñritu Santo ñ ejabũarisena Diore mani rñcũbuoja quena, yiyiju Jesũs isore.

²⁵ Ito ñ yija tuocõri, ado bajiro yiyijo iso:

—Dios ñ cõarũ, Mesías ejagũ yiguñji, yi tuoña yũ. ñ ñaguñji Cristo ñna yigu. ñ ejagũju, guare queno goti rõtobugũ yiguñji, yiyijo iso Jesure.

²⁶ Iso ito yija:

—Yũ adocãta mure busigu, ñti ñna, yiyiju Jesũs isore.

²⁷ Ito bajiro ñ yi ñaroca, tũdi ejacũ gua ñ rãca riasotirã. Romio rãca ñ busija ticõri, jabeto ti ucacũ gua. Ito bajibojarocati, “¿Ñe gaye ñre ãmoati mu? ¿Ñe gaye isore seniñati mu?” yi seniñabiticu gua. ²⁸ Ito yirocati ide gõnaradũ jidi rojocõri cutoju wacõ iso. Cutoju ejacõri, masare ado bajiro gotiyijo iso:

²⁹ —Jeyaro yũ yigore, “Ado bajiro yicu mu”, yi gotigure tirã waya muã cuni. ¿Cristo meje ñaguñjida muaca? yiyijo iso masare.

³⁰ Ito bajiro iso yija tuocõri, Jesure ti ãmorã gua tu ejacã iti cuto gãna. ³¹ Ito bajiroca riti:

—Guare riasogu, jabeto baya maji, yi josa ñacu gua.

³² Ito gua yibojarocati, ado bajiro cudiquĩ Jesũs:

—Muã masibiti, yũ baroti ñacã yũre, yiquĩ Jesũs guare.

³³ Ito bajiro ñ yija tuocõri:

—¿Sĩgũ ñre bare cũgũ ejarũda? yi gãmeri seniñasuocu guamasiti.

³⁴ Ito bajiro gua gãmeri busija tuo masicõri, ado bajiro yiquĩ Jesũs guare:

—Yũre cõarũ ñ ãmoro bajiro yũ yija, ito yicõri iti moare yũ gajanoaja, iti ñna yũ ya bare bajiro bajirise. Masama bare ba wanusotiana. Yũama yũre cõarũ ñ ãmoro bajiro

yicōri wanua yu. ³⁵ “Juararã ũmacañi ruya maji, ote iti bucuaroto”, ote wese ujũ ĩ yiado bajiro yi tuoĩabesa mua. “Masare Dios oca mani riasorijũ ejabea maji”, yi tuoĩabesa mua. Yuaama ado bajiro ya: Ote bucuaocoaju ĩja, adocãta ãmija quena. Tiya, masa jãjarã yure tuorũnũrona ñacãma ĩja. Adocãta ĩnare riasoja quena. ³⁶ No ote miojuguti, waja boca ãmigũ yiguĩji. Itire bajiroti, no yure masa ĩna tuorũnũroca yigure ĩre queno waja yigu yiguja yu. ĩ ñami catitiñare gaye masa ĩna buja masiroca yigu. Ito bajiri yu oca masare riasogu cuni, yure masa ĩna tuorũnũroca yigu cuni corocōti wanurã yirãji ĩna. ³⁷ Riti bajia bucũrã ĩna busigore: “Sigũ ñaguĩji otegu. Gãji ñaguĩji itire miojugũ”, yiyijarã bucũrã. Riti bajia iti. Tũote. Coriarã ñama yu oca masare riasorã. Gãjerã ñama yure masa ĩna tuorũnũroca yirã. ³⁸ Ote wese ujũ ricare mioju rotigu yiguĩji ĩ ya moari masare, otegoana meje ĩna ñabobarocati. Yu cuni ito bajiroti mũare cõa, yure masa ĩna tuorũnũroca mua yi masitoni. Yu oca ĩnare riasosũoana meje ñabobarocati mũare cõa yu. Mua riojua gãjerã ĩnare riasosũoñi. Ito bajiri josari mejeti yure ĩna tuorũnũroca yi masirã yirãji mua, yiquĩ Jesús guare.

³⁹ “Jeyaro yu yigure yure gotiquĩ ĩ”, romio iso yi gotija tuocōri, jãjarã iti cuto gãna Samaria sita gãna Jesure tuorũnũcã ĩna ĩja. ⁴⁰ Ito bajiri iti cuto gãna Jesure ti wanucōri guare tuja roticã ĩna. Ito bajiri ĩna rãca jua rãmũ ñacũ gua. ⁴¹ Jesumasiti ĩ riasoja tuocōri, jãjarã busa ĩre tuorũnũcã ĩna. ⁴² Jesure tuorũnũcōri, ado bajiro busicã ĩna romiore:

—Mũre gua tuogore gaye riti meje, ĩre tuorũnua gua. Adocãta guamasiti ĩre tuocōri, tuorũnua gua ĩja. “ĩti ñami Cristo, adĩ macãrũcũro gãnare masorocũ”, yi ti masia gua ĩja, yicã iti cuto gãna romiore.

Ñasagu macũre Jesús ĩ yisiore gaye

⁴³ Ito yija bero, jua r̄m̄m̄ beroti Samaria sitana ñacōri, Galilea sitaj̄ was̄uoc̄u ḡua m̄acana Jesús r̄aca. ⁴⁴ Riti bajia Jesús ĩ b̄sigore: “Diore goti ĩsiri mas̄ure ĩ ya sita ḡana ĩre queno r̄uc̄abuomenaji”, yi gotiquĩ Jesús ḡuare. ⁴⁵ Galilea sitaj̄ Jesús r̄aca ḡua ejaroca, queno boca āmicā ito ḡana. ĩna c̄uni Jerusalénj̄ pascua basa ti t̄udi ejana ñāni. Ito yicōri iti basa r̄m̄uri jeyaro Jesús ĩ yigore tiana ñari seyoñi ĩna c̄uni.

⁴⁶ Ito yija bero, Galilea sitaj̄ Caná wame c̄utiri c̄utoj̄ t̄udi wac̄u ḡua Jesús r̄aca. Ito ñac̄u idena uyé ide ĩ godo weogoraj̄. Itoj̄ ñaquĩ s̄iḡũ ūj̄ure moa ĩsiri mas̄u ñasaḡu. ĩ mac̄u Capernaum wame c̄utiri c̄utoj̄ cō ñāni. ⁴⁷ “Judea sitana wacōri, Galilea sitaj̄ ejayij̄ Jesús”, yija t̄uocōri, ĩre tiḡu ejaquĩ ūj̄u ya moari mas̄u ñasaḡu. Jesús t̄u ejacōri ado bajiro josaquĩ ĩ ĩre:

—Ȳu ya wij̄u waya. Ȳu mac̄u cō wac̄u yiguĩji. Ȳu mac̄ure yisioḡu waya, yiquĩ ĩ Jesure.

⁴⁸ Ito ĩ yija t̄uocōri, ado bajiro yiquĩ Jesús:

—Tiyamani m̄ua tibeja, ȳure queno t̄uor̄ñ̄bea m̄ua, yiquĩ Jesús ĩre.

⁴⁹ Ito bajiro ĩ yibojarocati:

—Ȳu Ūj̄u coji waya, ȳu mac̄u ĩ godare āmobeja ȳu, yiquĩ moa ĩsiri mas̄u ñasaḡu Jesure.

⁵⁰ Ito ĩ yija t̄uocōri:

—M̄u ya wij̄u t̄udi wasa. M̄u mac̄u catiguĩji, yiquĩ Jesús ĩre.

Ito bajiro Jesús ĩ yija t̄uocōri, “Riti gotiami Jesús”, yi t̄uor̄ñ̄quĩ ĩ. Ito bajiri ĩ ya wij̄u t̄udi wasuoc̄u ĩ ĩja. ⁵¹ ĩ ya wij̄u ejaquĩ waḡu ĩ yiroca ĩre ejabuari masa ado bajiro ĩre goti bocayijarā ĩna:

—M̄u mac̄u caticoami ĩja, yiyijarā ĩna.

⁵² ĩna ito yija t̄uocōri:

—¿Nocāta catis̄uori ȳu mac̄u? yi seniñayij̄u ĩ ĩnare.

—Ñamica, ùmacañi ï juja rûgûrijû, ïre ñiotarobjû, yiyijarã ïna, ïna ûjûre.

⁵³ Ito bajiro ïna yija tuocõri, tuoïa bujayijû ï. “Itocõ ùmacañi ï juja rûgûrijuti, ‘Mû macû catiguïji’, yi gotimida Jesús yûre”, yi tuoïa bujayijû ï. Ito bajiri ï, ï ñarã cûni Jesure tuorûnuyijarã ïna ïja.

⁵⁴ Iti ñacû bero gaye tiyamani Jesús ï ïore, Judea sitana, Galileajû tûdi ejacõri, ï ïore gaye.

5

Cõ ñarûre Jesús ï yisioire gaye

¹ Ito bajija bero mûcana tûdi basa menicã judio masa. Ito bajiri itire tigû waquï Jesús mûcana Jerusalenjû. ï rãca wacû gûa cûni. ² Iti cuto Oveja wame cutiri soje tû ñacû masa ïna guarita. Hebreo ocana Betzata wame cuticû itira. Itira tû co ñujamocõ jûri ñacû ide ñura jûri. ³ Iti roca cõrã jãjarã jacajû cûñacã. Cajea mana, queno wa masimena cûni, ito yicõri ruduana cûni ñacã itojû. “¿Nocãta iti jacûja tiana?” yirona bocati cûñacã ïna. ⁴ Co ramûrea ángel ruji ejacõri, ide jacûroca yiñi. Ito ï yija bero, no itira cajero quedi roasûogureti ï ñarise cutirise rêtacoayijû ïja. ⁵ Itojû cõrã wato sîgû ñaquï treinta y ocho rodori cõ ñarû. ⁶ ï cûñaja ticõri, “Yoariguti cõri seyoñi ñni”, yi tiquï Jesús ïre. Ito bajiri ado bajiro ïre seniñaquï Jesús:

—¿Mûcana tûdi cati quenagû ña ãmoati mû? yiquï Jesús ïre.

⁷ Ito bajiro ï yija tuocõri:

—Yû Újû, sîgûjûa yûre idejû queo roagû mami, iti jacûroca. Coji rûyabeto yû ide cûo ãmobjarocati, gãjerã riti yû riojûa ide cûosotiama, yiquï ï Jesure.

⁸ Ito ï yija:

—Wûmûña, mû ya cama ãmi wasa, yiquï Jesús ïre.

⁹ Ito ï yirocariti, queno cati quenagũ ñacõaquĩ ï mұcana. Ï ya cama ãmicõri, wasuõquĩ ï. Iti rumuti gwa judio masa ya tujacãra rumu ñacu. ¹⁰ Ito bajiri ï ya camare ï gajaja ticõri, ado bajiro yicã judio masa ïre:

—Jane tujacãra rumu ña. Ito bajiri mu ya camare gajare ma mure, yicã judio masa.

¹¹ Ado bajiro cudiquĩ ï cõgoru:

—Mұcana tudi cati quenaroca yure yigu, ado bajiro yimi yure: “Mu ya camare ãmi wasa”, yimi ï yure, yiquĩ ï judio masare.

¹² Ito ï yija tuõcõri:

—¿Ñimu ñari, “Mu ya camare ãmi wasa”, mure yigu? yi seniãcã ñna ïre.

¹³ Ito bajiro ñna seniãbojarocati, “Ï ñami”, yi masibitiquĩ ï. Itoju masa jãjarã ñacã. Ito bajicõri Jesuama masa jãjarã watoju wa godacoaquĩ ï. ¹⁴ Mұcana ito bero Dios ya wiju gwa ñaroca, ti bujaquĩ Jesús mұcana ï yisiorure. ïre ti bujacõri, ado bajiro yiquĩ Jesús ïre:

—Tuõya, queno tudi mұcana catia mu. Mұcana tudi ñeñaro yibeja, buto busa mu tõbujabe, yiquĩ Jesús ïre.

¹⁵ Ito ï yibojarocati mұcana tudi judio masa tu waõõri, “Jesuti ñami, mұcana tudi yu cati quenaroca yigu”, yi judio masare gotiñi ï. ¹⁶ Ito bajiro ï yija tuõcõri, Jesure sãa ãmorã usirio codecã ñna. Tujacãra rumu ñabojarocati cõgũre ï yisioja ticõri, ïre sãa ãmocã ñna. ¹⁷ Gwa tujju ñna ejaja ticõri, ado bajiro yiquĩ Jesús ñnare:

—Moatĩnagũ ñami yu Jacu. Ito bajiri yu cuni moatĩña, yiquĩ Jesús ñnare.

¹⁸ Ito bajiro ï yija tuõcõri, buto busa ïre sãa ãmocã ñna. Tujacãra rumu ñaroca cõgũre ï yisiorena suori meje, ïre junisinicã ñna. “Dios ñami yu Jacu”, Jesús ï yija tuõcõri, “Dios robo bajiro ñasagu ña yu”, yirocu yami ï, yi tuõãcã ñna. Ito bajiri buto busa ïre sãa ãmocã ñna ïja.

Dios Macu ñari ï rotirisena suori Jesús ï ñare gaye

¹⁹ Ito bajiro ñna tũoïaja ti masicõri, ado bajiro yiquï Jesús, ñnare:

—Riti mũare gotia yũ. Yũ, Dios Macu, yũ ãmoro bajiro riti meje ya yũ. Yũ Jacu ï yirise ticõri, ito bajiro ya yũ. Jeyaro yũ Jacu ï yiro bajiroti yũ ï Macu cuni ito bajiroti ya. ²⁰ Yũ Jacu yũre maicõri, jeyaro ï yirise yũre ïoami ï. Ito yicõri buto bũsa ñnarisise yũre ïogũ yiguïji maji. Ito bajiro yũre ï ïoja ticõri, ti ucarã yirãji mũa. ²¹ Godarãre mũcana ñna tũdi catiroca yami yũ Jacu. Ito bajiri yũ, ï Macu cuni ñna catiroca yũ yi ãmoja, ñna catiroca yigu yigũja yũ. ²² Masa ñna ñeñaro yirise cõïagũ meje ñnami yũ Jacu. Yũjũare cũñi ï, masa ñna ñeñaro yirise yũ cõïatoni. ²³ Ito bajiro yiñi yũ Jacu, ïre ñna rũcũbuoro bajiroti yũre cuni ñna rũcũbuotoni. Yũre rũcũbuobicu, yũ Jacu, yũre cõarũre cuni rũcũbubiquïji, yiquï Jesús judio masare.

²⁴ Gaje ado bajiro gotiquï Jesús:

—Riti mũare gotia yũ. No yũ busirisere tuorũnugũ, yũre cõarũre cuni tuorũnugũti catitĩñagũ yiguïji ï. ïocũre ruyuriobicu yiguïji Dios. Godabojaguti catitĩñagũ yiguïji ïocũ. Ito bajiri catitĩñagũ yiguïji ï ïja. ²⁵ Riti mũare gotia yũ. Yũre tuorũnumena godacãna robo bajiro bajirã ñnama ñna. Ija ñnaro yiroja, adocãta cuni ñna, yũ Dios Macu busirisere tuorã yirãji ñna. Yũre ñna tuorũnuja, catitĩñarã yirãji. ²⁶ Catitĩñare gaye rucogu ñnami yũ Jacu. Ito bajiri masa ñna catiroca yi masiami ï. Masa ñna catitĩnaroca yũ yitoni, yũre cũquï Cũna. ²⁷ Masa Rĩjoru, yũ ñajare masare ñna ñeñaro yirise yũ waja senitoni, yũre cũquï Cũna, ya yũ mũare. ²⁸ Ito bajiro yũ yija tuocõri, tuo ucabesa mũa. Ija yũ busirise godana jeyaro tuo jedirã yirãji. ²⁹ Yũ oca tuocõri, masari cuma ñnana budirã yirãji ñna. Queno yigoana, tũdi caticõri, Dios rãca catitĩñarã yirãji ñna. Ñeñaro yigoanama, tũdi ñna catiroca ñnare waja

senigũ yiguĩji Dios. Ito yicõri jeame ãjuroju ãnare cõagũ yiguĩji í, yiquĩ Jesús judio masare.

Í rotirise yure cũñi Dios, Jesús í yire gaye

³⁰ Gaje ado bajiro gotiquĩ Jesús ãnare:

—Yũ ãmoro bajiro riti yirocũ meje wadicũ yũ. Masare ãna ñeñaro yirise waja yũ senija, Dios í rotiro bajiroti ya yũ. Masare ãna ñeñaro yirise yũ waja senija, ñeñaro ãna yiadocõti senia yũ. Yũ ãmoro bajiro meje ya yũ. Yure cõarũ í ãmoro bajirojua ya yũ. ³¹ “Yuti ña Dios í cõarũ”, yũ yibojaja, “Íti ñami”, yi masimenaji gãjerã. ³² “Íti ñami Dios í cõarũ”, yure yi ísigũ ñami gãji. Yure í busi ísirise, oca riojo ñasarise ña. Ito bajiri íre tuorã yirãji masa. ³³ “¿Íti ñati Dios í cõarũ?” yi Juan idé guri masure seniã rotiyija mua. Mũare í cãdire, riti ña. ³⁴ “Riti, Dios í cõarũ ñami Jesús”, Juan idé guri masu yure í busi ísija, í busi ísibeja cuni no yibea, Dios í cõaruti ña yũ. Juan idé guri masu gaye mũare gotia yũ, Dios í masoana mua ñatoni. ³⁵ Mua tuo masijaro yirocũ, busurica yocõri yigure bajiro yiñi Juan. Ito bajiri íre tuocõri, wanuyija mua. ³⁶ Juan yure í busi ísigore rêto busaro ñasarise ña yure. Tiyamani yũ ñorise, iti ña yũ Jacu í rotire. Itire ticõri, “Riti Dios í cõarũ ñami”, yi masirãji mua yure. ³⁷ Yũ Jacu yure cõarũ cuni, “Riti ãni ñami yũ cõarũ”, yi yure busi ísiquĩ. Íreama tuogoana meje, tigoana meje ña mua. ³⁸ Í ocare tuo ãmorã meje ña mua. Yure í cõarure cuni tuorũnubea mua. Ito bajiri mua ya usiju í ocare queno tuo masibea mua. ³⁹ Dios oca tutire queno ticõri rêoariti riasotia mua. Catitĩñare gaye buja ãmorã, itire riasotia mua. Yũ gayereti gotia Dios oca. ⁴⁰ Ito bajibojarocati yure boca ãmi ãmobeã mua. Yure mua boca ãmija, catitĩñare gaye bujarã yirãji mua.

⁴¹ ‘Masa yure ãna rucubutoni meje wadicũ yũ. ⁴² Mũare ti masia yũ. Ito bajiri, “Diore mairã meje ña mua”, yi ti

masia yu muare. ⁴³ Yu Jacu ĩ rotirisena wadiru ña yu. Ito bajibojarocati yure boca ãmibea mua. Sĭgũ ĩ ãmoro bajiro ĩ wadija, ĩreama boca ãmirã yirãji mua. ⁴⁴ Muamasi gãmeri rũcubũorejua ãmoboja mua. Dios sĭgũti ñami mani Uju. Ito bajibojarocati ĩre cudibiticõri muare ĩ wanuroca yibea mua. Ito bajiro bajirã ñari yure cuni tuorũnubea mua. ⁴⁵ Yu Jacu riojo, “Īnare seti ña”, yibicuja yu muare. Moisés ñayoruti ñaguĭji, “Muare seti ña”, yigu. Moisés ñayoru ĩ rotirisena suoriti, “Dios tu ejarã ya mani”, yi tuoĭboja mua. ⁴⁶ Yu gaye ucayoñi Moisés ñayoru. Ī ucarisere mua tuorũnũja, yure cuni tuorũnũboana mua. ⁴⁷ Ī ucagore gaye mua tuorũnũbeja, yure cuni tuorũnũmena yirãji mua, yiquĩ Jesũs judio masare.

6

Cinco mil ñarãre Jesũs ĩ ecare gaye

(Mt 14.13-21; Mr 6.30-44; Lc 9.10-17)

¹ Ito bajiro ĩ yija bero, itajura Galilea wame cutirita siduja jãa wacu gua Jesũs rãca. Tiberias wame cuticu gaje itira wame. ² Cõrãre Jesũs ĩ yisioja ticõri, ito yicõri tiyamani ĩ ĩoja ticõri, jãjarã masa suyacã guare. ³ Gaje dujaju ejacõri, gaje buro maja wacu gua Jesũs rãca. Itoju Jesũs rãca rujicu gua ĩ rãca riasotirã. ⁴ Pascua basa judio masa ĩna meniroti nocõ mejeti ruyacu. ⁵ Jãjarã masa Jesure ĩna suyaja ticõri, ado bajiro yiquĩ ĩ Felipere:

—Ãna masa jeyarore yiari, ¿no bare waja yirã yirãjida mani? yiquĩ Jesũs Felipere.

⁶ “Ado bajiro yigu yiguja yu”, yi masibojaguti, “No bajiro Felipe ĩ cudija, tuocuja”, yirocu seniñari seyoquĩ Jesũs. ⁷ Ito yijare Felipe ado bajiro cudiquĩ:

—Doscientos niyeru cujirina naju yu waja yibojaja cuni, masa jeyarore tĭjabetoja, yiquĩ ĩ Jesure.

⁸ Ito ï yija tuocõri, ado bajiro cudiquĩ gua rãca gagu, Andrés wame cudigu. Ï cuni Jesús rãca riasotiguti ñaquĩ. Ïti ñaquĩ Simón Pedro ocabaji. Ado bajiro yiquĩ ï:

⁹ —Ado ñami sīgũ macuacã, co dujamocõ cebada wame cutirise naju rucogu ito yicõri wai jũarã rucogu. Masa jãjarã ñna ñajare tĩjado ma adi, yiquĩ Andrés.

¹⁰ Ito ï yija:

—Masa jeyarore ruji rotiya, yiquĩ Jesús.

Ta quenarise jaje ñacu itojũ. Ito bajiri cinco milcõ ãmua rujicã ñna. ¹¹ Ñna rujija ticõri, ï ya ãmona naju ãmiquĩ Jesús. “Queno ya Dios mũ”, yicõri, gua ï rãca riasotirãre ïsiquĩ ï. Guajua ito rujirãre batocu ïja. Waire cuni ito bajiroti batocu gua. Masa ñna ãmorocõti ïsicũ gua. ¹² Masa ñna yajija ticõri, ado bajiro yiquĩ Jesús guare:

—Rũyarise miojuya, iti godabe yirona, yiquĩ Jesús guare.

¹³ Cebada wame cutirise naju rũyarise jua gubojeno jiburi dajacu, gua bato ruarise. ¹⁴ Ito bajiro tiyamani Jesús ï ïoja ticõri, ado bajiro yicã masa:

—Riti, Diore busi ïsiri masu ñami ãni, adi macãrucũrojũre mani bocatiru, yicã masa.

¹⁵ “Yũ ãmobitibojarocati yũre ãmi wacõri, cuto uju yũre cũ ãmoama ãna”, yi tuoĩacõri, sigũti turia joeju maja waquĩ Jesús.

Ide joe Jesús ï ware gaye

(Mt 14.22-27; Mr 6.45-52)

¹⁶ Iti rãioja ticõri, gua Jesús rãca riasotirã itajuraju roja wacu. ¹⁷ Iti rãitĩaja tibojaguti gua tu tũdi ejabitiquĩ Jesús maji. Ito bajiri cumaju sãjacõri jãa wasuocu gua, Capernaum wame cutiri cutoju ejarã warã. ¹⁸ Ito bajiro gua jãa waroca bato mino wẽasuocu. Ito yicõri jacũrise bucu, curise jacũcu. ¹⁹ Cinco, seis kilómetrocõ gua wa tũjaroca, ide joe cũda wadicõri cuma tũju Jesús ï wadija

ticu gua. Ito bajijare ti ucacu gua ñja. ²⁰ Gua ti ucaca ticōri, ado bajiro yiquí Jesús:

—Yuti ña. Güibesa, yiquí Jesús guare.

²¹ Ito ñ yija tuocōri, wanure rāca boca āmicu gua ñre ñja. Ito yija bero yoari mejeti gaje daja jēa ejacu gua, gua tuoña waroju.

Jesure masa ñna āmare gaye

²² Ito bero gaje rumu itajura gaje daja tujana, “Ñari cumanati wañi ñna. Ito bajibojarocati Jesuama wabiš ñna rāca”, yicā ñna. ²³ Ito bajiro ñna baji ñaroca Tiberias cuto gāna gaje cumarina ejayjarā ñna tu. “Queno ya Dios mu”, yi Jesús ñ gotiraju tu, ito yicōri masa ñna bagoraju tu ejayjarā ñna. ²⁴ Itiju Jesús ñ manija ticōri, gua ñ rāca riasotirā gua manija ticōri, iti cumarina Capernaumju ñre āmarā wayjarā ñna.

Jesuti ñami catitñare gaye rucogu, yire oca

²⁵ Itajura sidujaju ejacōri guare ti bujacā ñna ñja. Jesure ti bujacōri ado bajiro ñre seniñacā ñna:

—Guare riasogu, ¿nocāta ado ejari mu? yi seniñacā ñna Jesure.

²⁶ Ito bajiro ñna yija tuocōri:

—Riti muare gotia yu. Yaji quenaro babu mua, ito bajiri yure āma mua. Tiyamani yu ñorise gaye ti masicōri meje yure āma mua. ²⁷ Bare jedirise gaye bujarona meje moaña mua. Bare jogarise gaye meje, catitñare gaye bujarona moaña mua. Yu ña Masa Rñjoru, bare jogabiti gaye muare ñsirocū. “Ito bajiro ñ yitoni ñre cūñi Dios”, yure mua yi masiroca yami Dios, yiquí Jesús masare.

²⁸ Ito ñ yija ñre seniñacā ñna:

—¿No bajiro Dios ñ āmoro bajiro yirājida gua? yicā ñna Jesure.

²⁹ ñna ito yija tuocōri, ado bajiro cudiquí Jesús:

—Dios ï cōarure mua tuorūnure āmoami Dios, yiquĩ Jesús masare.

³⁰ Ito ï yijare:

—¿Ñe tiyamani guare ïogũ yigujada mu, itire ticōri mure gua tuorūnutoni? ¿Ñe gaye guare ïogũ yigujada mu?

³¹ Mani ñicūsabatia ñayoana yuca manojū ña ucurā, maná wame cutirise bayijarā ña maji. Itire gotia Dios oca cūni. Tuote: “Ūmacūju gaye naju ñnare ecarocu queoñi Dios”, yi gotia Dios oca, yicā masa Jesure.

³² Ña ito yija tuocōri, cudiquĩ Jesús:

—Riti mware gotia yu. Moisés ñayoru meje ūmacūju gaye naju ñnare ecañi. Yu Jacuti ñañi ūmacūju gaye naju ñnarisise ñnare ecaru. ³³ Naju ūmacūju gaye ñnarisise rucogu ñaguñi Dios ï cōaru. Naju ñnarisise rucocōri, masare catitñare ñsigũ yiguñi ï, yiquĩ Jesús masare.

³⁴ Ito ï yija:

—Gua Ūju, iti naju catitñare gaye riti guare ecasotiya, yicā ña Jesure.

³⁵ Ito ña yija tuocōri, ado bajiro yiquĩ Jesús ñnare:

—Yuti ña naju ñnarisise rucogu, ito yicōri catitñare ñsigũ. No yure boca āmigūti juaji ñiocōbicu yiguñi ï. Najuro babojarāti mucana tūdi ñiocōrā yirāji mua. Ide idi-bojarāti mucana tūdi idi āmorā yirāji mua. No yure boca āmigūti ñe gaje āmobicu yiguñi. No yure tuorūnugūti ñe gaje āmobicōri queno wanu quenagũ yiguñi. ³⁶ “Yure tibojarāti, yure tuorūnubea mua”, yari mware goticu yu.

³⁷ No yure boca āmirāti, ña ñama yu Jacu yure ï ñsiana. No yure boca āmi āmogūre, ñe rēobicuja yu. “Yure boca āmibesa mu”, yibicuja yu. ³⁸ Ūmacūjuna wadicōri, yu āmoro bajiro yigu meje wadicu yu. Yure cōaru ï āmoro bajiro yirocu wadicu yu. ³⁹ Ado bajiro āmoami yu Jacu yure cōaru. Yure ï ñsiana, sīgũ ï godare āmobeami ï. Susari rumu ña tūdi catiroca yu yire āmoami ï. ⁴⁰ No yure boca

ãmicõri, yure tuorũnugũ ã catitĩñare ãmoami yu Jacu Dios. Ito bajiri yure tuorũnrãre ãna tudi catiroca yigu yiguja yu susari rumu, yiquĩ Jesús masare.

⁴¹ Ito ã yija bero, ãre busitusuocã judio masa. “Yu ãa naju ãnasarise rucocõri, ãmacũjuna wadiru”, Jesús ã yija tuocõri, ãre busitusuocã ãna. ⁴² Ito yicõri, ado bajiro gãmeri busicã ãna:

—¿Ãni Jesús, José macu meje ãnati? ã jacure, ã jacore cuni ticu mani. ¿No yija ito bajibojaguti, “Ãmacũju gagu wadiru ãa yu”, yati ã? yicã ãna.

⁴³ Ito bajiro ãna yija masicõri:

—Itocõ busitu jidicãña muu. ⁴⁴ Noa yure boca ãmime-naji, Yu Jacu yure cõaru yure ãna boca ãmiroca ã yibeja. No yure boca ãmirãre susari rumu ãna tudi catiroca yigu yiguja yu. ⁴⁵ Diore goti ãsiri masa ãna ucare ado bajiro gotia: “Masa jeyarore riasogu yiguĩji Dios”, yi gotia iti. Ito bajiri no yu Jacu riasorise gaye tuorũnrã, yure cuni boca ãmirã yirãji, yiquĩ Jesús judio masare.

⁴⁶ Gaje ado bajiro gotiquĩ Jesús:

—No yu Jacure tigu maquĩji. Yu sigũti ã tu wadiru ãnari, ãre tigoru ãa yu. ⁴⁷ Riti muare gotia yu. No yure tuorũnugũti catitĩñagũ yiguĩji. ⁴⁸ Yu ãa naju ãnasarise rucogu, ito yicõri catitĩñare gaye rucogu. ⁴⁹ Mani ãnicus-abatia yucu manojũ manã wame cutirise naju babojarãti goda jediñi ãna. ⁵⁰ Muare yu busiriseama, naju ãmacũju gaye ruji wadirise gaye, muare busia yu. Yu rucorise najure bacõri, godamena yirãji. ⁵¹ Yuti ãa, naju catitĩñare gaye rucocõri, ãmacũjuna ruji wadiru. No iti gaye naju bagu catitĩñagũ yiguĩji. Muare yu naju ãsirise, yu ya rujuti ãa. Masa jeyarore yiarĩ yu ya ruju ãsigũ yiguja yu, yiquĩ Jesús judio masare.

⁵² Ito ã yija tuocõri, ãnamasiti gãmeri busitusuocã judio masa:

—¿No bajiro ï ya rujure manire ecagu yiguñjida ï? yicã ïna.

⁵³ Ado bajiro cudiquï Jesús ïnare:

—Riti mware gotia yu. Yu Masa Rïjorure yu ya rujü mua babeja, ito yicõri yu ya rí mua idibeja, catimena yirãji mua. ⁵⁴ No yu ya rujure bacõri, ito yicõri yu ya ríre idigu catitñagũ yiguñji. Súsari rumu tudi ï catiroca yigu yiguja yu. ⁵⁵ Yu ya rujü iti ña bare ñasarise. Ito yicõri yu ya rí iti ña idire ñasarise. ⁵⁶ Yu ya rujure bagu, ito yicõri yu ya ríre idigu, ï ya usijure ñagũ yiguja yu. Ito bajiri yure bajiroti usi cutigu yiguñji ï. ⁵⁷ Yu Jacu yure cõaru, catire rucogu ñami ï. Ito bajiri ïna suoriti catia yu. Ito bajiroti, no yure boca ãmigũ, yuna suoriti catigu yiguñji ï. ⁵⁸ Ñmacũju gaye naju wadire gaye busia yu. Iti gaye naju maná wame cutirise robo bajirise meje ña. Mani ñicusabatia maná wame cutirisere babojarãti goda jediñi ïna. No naju ñasarisere baguama catitñagũ yiguñji ïocũ, yiquï Jesús judio masare.

⁵⁹ Capernaum wame cutiri cuto minijuara wiju ito bajiro riasoquï Jesús masare.

Jesús ocare mani tuorñnja catitñarã yirãji mani, yire gaye

⁶⁰ Ito bajiro riasore gaye Jesús ï busija tuocõri, jãjarã ïre sýarã ado bajiro gãmeri basicã ïna:

—Ito bajiro ï riasorise josari ña. Itire queno tuo masibea mani. Sïgũju itire boca ãmigũ mami, yicã ïna.

⁶¹ “Yu riasorise tuocõri, tuoïa bujatobeama ïna”, yi masiri seyoquï Jesús. Ito bajiri ado bajiro ïnare yiquï ï:

—¿Ito bajiro mware yu riasorise tuoïa bujatobeati mua? yiquï Jesús ïnare. ⁶² Yu Masa Rïjoru, ñmacũju yu ñagoado mucana yu tudi mña waja, ¿no bajiro tuoïarã yirãjida mua? ⁶³ Espiritu Santo ñami masa ïna catitñaroca yigu. Masama gãjerã ïna catitñaroca yi masimenaji ïna. Jijü

mũare yu gotirise Espírиту Santo riojo ĩ goticãrise ña. Itire mua tuorũnuja, mua catitĩñaroca yigu yiguĩji ĩ. ⁶⁴ Mua coriarã, yure tuorũnumena ñarãji maji, yiquĩ Jesús ĩnare.

Cajerojuti, “Ĩna ñarã yirãji yure tuorũnumena. Ito yicõri ĩ ñagũ yiguĩji, yu wajanare yure ĩna ñiatoni gotiri masu”, yi masi yucãri seyoñi Jesús cajerojuti.

⁶⁵ Ado bajiro masare goti quenoquĩ Jesús:

—Espírиту Santo ñami masa ĩna catitĩñaroca yigu. Itire masicõri jĩju ado bajiro mũare gotibu yu: Noa yure boca ãmimenaji, yu Jacu yure ĩna boca ãmiroca ĩ yibeja, yibu yu, yiquĩ Jesús masare.

⁶⁶ Ito ĩ yija tuocõri, jãjarã ĩre suyabojarã ĩre jidicãcã ĩna. Ito bajiri gua rãca wa ucubiticã ĩna ĩja. ⁶⁷ Ito bajiro ĩna bajija ticõri, gua ĩ rãca riasotirã jua gubojeno ñarãre seniãquĩ Jesús:

—¿Mua cuni yure jidicã ãmoati? yiquĩ Jesús guare.

⁶⁸ Ito ĩ yija tuocõri, ado bajiro cudiquĩ Simón Pedro:

—Gua Uju, mũre gua jidicãja, ¿ñimu tu warã yirãjida gua? Mu ya oca ña catitĩñare oca. ⁶⁹ Mũre tuorũnucãcu gua. “Mu ña Cristo, Dios catitĩñagũ Macu”, yi masia gua mũre, yiquĩ Simón Pedro Jesure.

⁷⁰ Ito ĩ yija tuocõri, ado bajiro yiquĩ Jesús guare:

—Mua jua gubojeno ñarãre besecãcu yu. Ito bajibojaro-cati mua wato sīgũ ñami rãmú yagu, yiquĩ Jesús, guare.

⁷¹ Ito bajiro ĩ busija, Judas Iscariote Simón macure, yi tuoĩa busiquĩ Jesús. Jesús rãca riasotigu ñabojaguti Judas ñaquĩ Jesús wajana ĩre ñiatoni gotiri masu. Gua jua gubojeno ñarã rãca gagu ñabojaquĩ Judas.

7

Jesús ocabajirã ĩre ĩna tuorũnubitire gaye

¹ Ito yija bero mucana Galilea sitaju wa ucucu gua Jesús rãca. Judea sitaju ña ãmobitiquĩ Jesús, iti sita gãna judio

masa ãre ãna sãã ãmojare. ² Chozas basa, judio masa ãna meniroti jabeto ruyacu. ³ Ito bajiri Jesús ocabaji mesa ado bajiro yicã ãre:

—Judea sitaju mure suyarã jãjarã busa ãnarãji. Ito bajiri ado tujabesa. Itoju wasa. Itoju tiyamani gaye mu ãoja, tirã yirãji ãna cuni. ⁴ No masa ãre ti masire ããmoja, yeyoroju tiyamani yi ãbiquãji ã. Masa tiro riojo ãogã yiguãji ã. Tiyamani gaye mu yiado bajiroti masa jeyaro tiro riojo ãoja quena, yicã Jesús ocabaji mesa ãre.

⁵ ã ocabaji mesa cuni queno ãre tuorũnubiticã ãna. ⁶ Ito bajiri ado bajiro yiquã Jesús ãnare:

—Judea sitaju yu waroto ejabea yure maji. Adocãta cuni mua waja quenacãa mureama. ⁷ Adi macãrucũro gãna mure ti tudimenaji. Yureama ti tudirã yirãji. “Ñeñaro yirã ãna mua”, yu yijare, yure ti terã yirãji ãna. ⁸ Basa titẽña mureama. Yureama yu waroto ejabea maji, yiquã Jesús ã ocabajirãre.

⁹ Ito bajiro Jesús ã yija bero Galilea sitaju jabeto tujacu gua ã rãca maji.

ãna basaroca Jesús ã riasore gaye

¹⁰ ã ocabajirã waja bero Jesús cuni basa tigũ waquã. ãre baba cuti wacu gua cuni. Buto masa ãna tiro riojo meje ãna ucuquã Jesús, basa tigũ. ¹¹ Basa rumu ãnaroca Jesure ãmabojacã judio masa. Ado bajiro yicã ãna:

—¿Noju ãnaguãjida ã? yi busicã ãna.

¹² Basa rumu ãnaroca, jãjarã masa Jesús gaye busicã ãna. Coriarã ado bajiro yicã: “Queno yigũ ãnaguãji ã”, yicã coriarã. Gãjerãma ado bajiro yicã: “Queno yigũ meje ãnaguãji ã. Masare ruogu ãnaguãji ã”, yicã gãjerã.

¹³ Judio masa ãjarãre güirã, recoti ã gaye busi joeobiticã ãna.

¹⁴ Basa gudareco iti tujaroca Dios ya wi sājacu gña Jesús rāca. Iti wijñ sājacōri, masare riasosuoquĩ Jesús. ¹⁵ Ī riasoja tuo ucacōri, ado bajiro yicā judio masa ɯjarā:

—Riasotibitigoru ñabojaguti, ¿no yija queno masiati āni? yicā ñna.

¹⁶ Ito bajiro ñna tuoñaja ticōri, ado bajiro yiquĩ Jesús ñnare:

—Yɯ riasorise yɯ ye meje ñna. Yure cōaru gaye ñna iti.

¹⁷ Dios ĩ āmoro bajiro mɯa yi āmoja, “Dios gaye riasoami ĩ, ĩ gayeti riasoami ĩ”, yi masirā yirāji mɯa yure. ¹⁸ No ĩ gayeti ĩ busija, masa ñna ĩre rucubɯore āmoguĩji. No ĩre cōaru gaye ĩ busija, ĩre cōarɯɯare masa ñna rucubɯore āmoguĩji ĩ. ĩ busirise riti ñaroja. Ñejɯa ruore oca manoja ĩre, yiquĩ Jesús masare.

¹⁹ “Moisés ñayoru ĩ rotire gaye mɯare cūñi. Ito bajibojarocati mɯa sīgũjɯa iti rotire gaye cudi jeobea mɯa. ¿No yija yure sĭa āmoati mɯa?” yiquĩ Jesús masare.

²⁰ Ito ĩ yija tuocōri, ado bajiro cudicā masa ĩre:

—Rũmũ sãñagũ ñna mɯ. Ñimɯjɯa mure sĭa āmogũ maquĩji, yicā ñna Jesure.

²¹ ĩna ito yijare:

—Tujacāra rumɯ ñaroca sīgũ cōgũre yɯ yisioja ticōri, itire ti ucabu mɯa. ²² Moisés ñayoru rñacare wirotare gaye mɯare rotiñi ĩ. ĩna suori meje iti rotire ñasuoɯija. ĩ riojɯa gāna cuni ito bajiroti yiyjarā ñna. Iti rotire mɯare ñajare, tujacāra rumɯ ñabojarocati rñacare wirotare ta mɯa. ²³ Moisés ñayoru ĩ rotirise cudirona tujacāra rumɯ ñabojarocati rñacare wirotare ta mɯa. Ito bajiri tujacāra rumɯ ñabojarocati sīgũ cōgũre yɯ yisioja, ¿no yija yure junisiniati mɯa? ²⁴ Rocati queno tuoña jeobitibojarāti, “ĩre seti ñna”, yibesa mɯa. “ĩre seti ñna”, mɯa yi āmoja, cajero queno tuoña jeocōri, “ĩre seti ñna”, yija quena, yiquĩ Jesús masare.

Dios ï cõaru ña yu, Jesús ï yire gaye

²⁵ Ito ï yija tuocõri, Jerusalén gãna ñnamasiti gãmeri seniãshocã:

—¿Ñni meje ñnati sãrona ñna ãmagũ? ²⁶ Ado mani jeyaro tiro riojo busi ñnami ï. Ito bajibojarocati sãgũ ïre rëogũ mami. Ado gãna ujarã mesa, “Cristo Dios ï cõaru ñnaguñji ãni”, ¿yi tuoñarãjida ñna? ²⁷ “Iti cuto gagu wadiñi ï”, yi masia mani. Cristoreama, ï ejaja, “Ito gagu wadiñi ï”, yi masimena yirãji mani.

²⁸ Ñna ito yija tuocõri, Dios ya wiju riaso ñnabojaru, oca sëoro ado bajiro busiquĩ Jesús:

—¿Yure ti masiati mua? “Ito gagu wadiru ñnami ï”, ¿yure yi masiati mua? Yumasi meje wadicu. Dios yure ï cõajare wadicu yu. Riojo gotigu ñnami yure cõaru. Ñre ti masirã meje ña mua maji. ²⁹ Yumama, ïre masia. Ñ cõaru ña yu. Ito yicõri, ï tu wadiru ña yu, yiquĩ Jesús ñnare.

³⁰ Ito ï yija tuocõri, ïre buto ñna ãmocã judio masa ujarã. Ito bajibojarocati sãgũ ïre ñnagũ maniquĩ. Dios ï ñnariotiraju ejabiticu maji. Ito bajiri ñna masibiticã ñna maji. ³¹ Gãjerãma jãjarã ïre tuorũnucã ñna. Ito bajiri ado bajiro yicã ñna:

—Cristo Dios ï cõaru ñnaguñji ãni. Ñ rëtoro tiyamani yigu maquñji, yicã ñna ïre tuorũnurã.

Fariseo gaye tuoñarã Jesure ñna ñna ãmore gaye

³² Jesús gaye masa ñna busija, tuoñi fariseo gaye tuoñarã. Ito bajiri porecia masare, Jesure ñna rotiñi fariseo gaye tuoñarã, ito yicõri paia ujarã cuni. ³³ Ñna ejaja ticõri, ado bajiro yiquĩ Jesús:

—Yure cõaru tu tudĩ wacu yiguja yu. Ito bajiri yoari mejeti masa tu ñnagũ yiguja yu maji. ³⁴ Yure ãmabojarãti tudĩ yure bujamena yirãji mua. Yu ñnaroju wa masimena yirãji mua, yiquĩ Jesús masare.

³⁵ Jesús ito ï yija tuocõri, judio masa ïnamasiti gãmeri seniñacã ïna:

—¿Noju wacu yiguñjida ãni, ïre mani ti bujabetoju? Mani masa sõju wacõri griego masa rãca wusarã tu, wacu yiguñji gajea. Ito yicõri, ïnare riasogu wacu yiguñji gajea.

³⁶ “Yure ãmabojarãti yure bujamena yirãji mua. Ito yicõri yu ñaroju wa masimena yirãji mua”, ito bajiro ï yija, ¿no yireoni ñati iti? yi gãmeri basicã ïna.

No yure senirãti catitiñare bujarã yirãji, yi Jesús ï riasore gaye

³⁷ Basa ñasusari rumu, iti rumu ñacu ñasari rumu. Iti rumu wumu rügücõri, oca sëoro busiqui Jesús:

—Sìgũ ï idi ãmoja, ide senigũ yiguñji. Iti bajiroti, no catitiñare gaye ï buja ãmoja, yu tu wadicõri seni ejagu yiguñji. ³⁸ Ado bajiro gotia Dios oca. Tuote mua: “Sìgũ yure ï tuorũnuja, ï ya usiju ide catitiñare gaye ide goje robo bajiro ï ya usiju ùmabato ñaro yiroja”, yi gotia Dios oca, yi gotiqui Jesús masare.

³⁹ Iti gaye Jesús ï busija, “Yure tuorũnurãre ïna ya usiju, Espiritu Santo queda sãjagũ yiguñji ïnare”, yigu yiqui Jesús, ito bajiro ï busija. Jesús ùmacũju rucuboraju ï tãdi ejabeja, Espiritu Santore adi sitaju cõabisì Dios maji.

Ricati riti masa ïna tuoïare gaye

⁴⁰ Jesús ï busija tuocõri, ado bajiro yicã coriarã:

—Riti Diore goti ïsiri masu wadiru ñami ãni, yicã coriarã.

⁴¹ Gãjerãma ado bajiro yicã ïna:

—Cristo Dios ï cõaru ñami ãni, yicã ïna.

Gãjerãma ado bajiro yicã:

—¿Galilea gagu Cristo no bajiro ñaguñjida? ⁴² Dios oca iti gotija, “David uju ñayoru, janerãbatia janami, ñagũ yiguñji Cristo. Ito yicõri David ñayoru robo bajiro Belén gaguti ñagũ yiguñji ï cãni”, yi gotia Dios oca, yicã ïna.

⁴³ Ito bajiro Jesús gaye ñna busija tuocōri, ricati riti tuoĩacã masa. ⁴⁴ Coriarã ñre ñia ãmbojacã. Ito bajibojarocati sīgũ ñre ñiagũ maniquĩ.

Ujarã Jesure ñna tuorũnubitire gaye

⁴⁵ Jesure ñia masibiticōri, fariseo gaye tuoĩarã ito yicōri paia ujarã tu cuni tudi wacã porecia. Ñe manati ñna ejaja ticōri, ado bajiro ñnare seniĩayijarã ñna:

—¿No yija ñre ãmi wadibiti mua? yiyijarã ñna.

⁴⁶ Ado bajiro cudiyijarã porecia:

—Sīgũjua ñ robo bajiro busirã masa manicã, yiyijarã ñna.

⁴⁷ Ito yijare, fariseo gaye tuoĩarã ado bajiro yiyijarã:

—¿Ñ rorisere ñre tuori mua? ⁴⁸ Mua ujarã ñna gua. Guama sīgũ ñre tuorũnugũ ma. ⁴⁹ Ado gãna masa Moisés ñayoru ñ rotire gaye masibiticōri Jesure tuorũnurãji ñnaõna. Ito bajiro ñna bajijare ñnare ruyuriogu yiguĩji Dios, yiyijarã fariseo gaye tuoĩarã.

⁵⁰ Nicodemo ñamiju Jesure tigu ejaru, fariseo gaye tuoĩagũ ñayiju ñ cuni. Ñ baba mesare ado bajiro yiyiju ñ:

⁵¹ —Ado bajiro baja mani rotirise: Cajero seti cutigure mani seniã tuobeja, “Ñre seti ña”, yi masibea mani, yi gotia mani rotirise, yiyiju Nicodemo ñ baba mesare.

⁵² Ito ñ yijare:

—¿Galilea sita gagu ñnati mu cuni? Dios oca tutire riasotiĩate mu. Itire mu riasotija bero, “Diore goti ñsiri masu Galilea wadiru macu yiguĩji”, yire gaye masigũ yigujaja mu cuni, yiyijarã ñna, Nicodemore tudirã.

⁵³ Ito yija bero atacōri ñna ya wiriju wasosayijarã ñna.

8

Romio gajeo manuju rãca ajegore gaye

¹ Cutoju gua tujaroca Jesuama Olivos wame cutiri buroju maja waquĩ. ² Gaje rumu busuri, Dios ya wiju gua

ñaroca tūdi ejaquĩ Jesús m̄cana. Ī ejaja ticōri, jājarā masa ĩ t̄a minijuacā. Īna minijuaja ticōri, eja rūjūquĩ ĩ ĩnare riasoroc̄u. ³ Ito bajiro ĩ yiroca fariseo gaye t̄uoīarā, b̄ucurā rotirise riasori masa c̄uni ejacā. Sīgō romio gajeo man̄ju rāca ajegorore ĩna b̄ujarore āmi ejacā ĩna. Isore āmi ejacōri, gua riojo isore rojocā ĩna. ⁴ Ito yicōri, ado bajiro Jesure yicā ĩna:

—Riasogu, adio romiore gajeo man̄ju rāca iso ajeroca ti b̄ujabu gua. ⁵ Moisés ñayoru ĩ rotire, ado bajiro rotia: Ito bajiro yigore ḡūtana rea s̄iña, ya iti. ¿M̄uāma no bajiro t̄uoīati? yicā ĩna Jesure.

⁶ “No bajiro manire ĩ c̄udija t̄ona” yirona ito bajiro seniīari seyocā ĩna. “Manire ĩ c̄udi masibeja, ĩre seti ña”, yi masirā yirāji mani, yi t̄uoīari seyocā ĩna. Īna ito yija masicōri, jacaju ñini rūjūcōri, ĩ ya āmo w̄asoana ucas̄oquĩ Jesús. ⁷ ĩre ĩna seniīa ūyam̄cutija t̄uocōri, w̄amu rūḡuquĩ Jesús ĩja. Ito yicōri ado bajiro ĩnare yiquĩ:

—M̄ua sīgū ñeñaro yīīamena ñajama, isore cajero ḡūtana reaja quena, yiquĩ Jesús ĩnare.

⁸ Ito bajiro yi t̄ioḡū ñini rūjūquĩ Jesús m̄cana. Ito yicōri, m̄cana jacaju ucaquĩ ĩ. ⁹ Ito ĩ yija t̄uocōri, “Mani sīgū r̄ayabeto ñeñaro yirā riti ña mani”, yi t̄uoīa masicā ĩna. Ito bajiri b̄ucurā budi wasuocā ĩna. Ito yicōri, ĩna ñarocōti budi jedicoacā ĩna ĩja. Īna budi jedija bero, romio riti ito tujacō Jesús t̄a. ¹⁰ Ito yija Jesús w̄amu rūḡuquĩ m̄cana. Romio sīgōreti ticōri, ado bajiro yiquĩ Jesús isore:

—Nomi, ¿noju ñati, “Isore seti ña”, m̄ure yirā? ¿Sīgūjua, “M̄ure seti ña”, yigu mati? yiquĩ ĩ isore.

¹¹ Ito ĩ yija bero c̄udicō iso:

—Yu Ūju, sīgū mami, “M̄ure seti ña”, yure yigu, yicō iso Jesure.

Iso ito yija t̄uocōri, ado bajiro yiquĩ Jesús:

—Yũ cuni, “Mũre seti ña”, yibea. Wasa, mũcana tũdi ñeñaro yibeja ñja, yiquĩ Jesũs isore.

Yũti ña adi macãrucũrore busurise rucogu, Jesũs ñ yire gaye

¹² Mũcana masare gotigu, ado bajiro bũsiquĩ Jesũs:

—Yũ ña busurise rucogu, ito yicõri, adi macãrucũrore busugu. Busurise rucogu ñari adi macãrucũro gãna ñna tuo masiroca ya yũ. No yũre suyaguti rãitĩaroju wa ucubicu yiguĩji. Ñre sãtitiñagũ yiguja yũ, ñ queno tuo masitoni. Ito bajiri yũre boca ãmicõri catitiñagũ yiguĩji ñ, yiquĩ Jesũs.

¹³ Ito bajiro ñ yija tuocõri, ado bajiro yicã fariseo gaye tuoĩarã:

—“Riti gotia yũ”, ya mũ, masa mũre ñna rũcubũtoni. Ito bajiro mũ yibojaja, ñe waja ma iti. Ruogu ya mũ, yicã ñna Jesure.

¹⁴ Ñna ito yijare ado bajiro cãdiquĩ Jesũs:

—Yũmasiti yũ gotirise ñabobarocati, riti ña yũ gotirise. Iti ña oca riojo ñasarise. Yũ masia yũ wadigoadoju. Ito yicõri yũ warotoju masia yũ. Mũama yũ wadigoadoju masibea. Ito yicõri, yũ warotoju cuni masibea mũa.

¹⁵ “Mũre seti ña”, yũre mũa yija, adi macãrucũro gãna ñna tuoĩado robo bajiro ya mũa. Yũama, “Mũare seti ña”, yibea yũ. ¹⁶ “Mũare seti ña”, yũ yija, riojo mũare gotiboguja yũ. Masare ñna ñeñaro yirise yũ waja senija, yũ sũgũ meje senia yũ. Yũ Jacu yũre seni rotigu, yũ rãcati senigũ yiguĩji ñ. ¹⁷ Mũa bũcurã rotirise ado bajiro ucare ña: “Ñre seti ña”, jũarã ñna yija, ñnare tuorũnũja quena, ya mũa bũcurã rotirise. ¹⁸ “Riti gotia yũ”, ya yũ yũmasi cuni. Yũ Jacu yũre cõarũ cuni, “Riti gotiami ãni”, yi goti ejabũami ñ yũre yiari, yiquĩ Jesũs ñnare.

¹⁹ Ito ñ yija tuocõri, ado bajiro ñre seniñacã ñna:

—¿Noju ñnati mũ Jacu? yicã ñna Jesure.

Ito yijare cūdiqũ Jesús:

—Yũre ti masíbea mũa. Ito yicõri yũ Jacũre cũni ti masíbea mũa. Yũre mũa ti masíja, yũ Jacũre cũni ti masíboana mũa, yíqũ Jesús ñnare.

²⁰ Dios ya wíjũ ñacõri ito bajiro masare riasoqũ Jesús. Masa ñna niyeru sãra jedori tũjũ rũgõcõri ito bajiro masare riasoqũ Jesús. Ñre ñna ñiarotíjũ ejabíticũ maji, ito bajiri sũgũjũa ñre ñiagũ maniquĩ.

Yũ warotojũ wa masímenaji mũa, Jesús ñ yire gaye

²¹ Mũcana masare gotigũ, ado bajiro busíqũ Jesús:

—Wacũ ya yũ. Yũre ãmabojarã yirãji mũa. Mũa ñeñaro yirise jidicãmenati godarã yirãji mũama. Ito bajiri yũ warojũ wa masímena yirãji mũa, yíqũ Jesús ñnare.

²² Ito ñ yija tũocõri, ado bajiro yicã judio masa:

—¿Ñmasiti sĩa godagũ yati ãni? Ito bajiri, “Yũ warotojũ wamena yirãji mũa”, yami ñ, yi gãmeri seniñari seyocã ñna.

²³ Ñna ito yija tũocõri:

—Mũa ado jaca gãna ñna. Yũama ãmacũjũ gagũ ñna. Adi sita gãna ñna mũa. Yũama adi sita gagũ meje ñna.

²⁴ Ito bajiri, “Mũa ñeñaro yirise jidicãmenati godarã yirãji mũa”, yíbũ yũ mũare. “Ñti ñna yũ”, yũ yiro bajiro yũre mũa tũorũnũbeja, mũa ñeñaro yirise jidicãmenati godarã yirãji mũa, yíqũ Jesús ñnare.

²⁵ Ito ñ yija tũocõri, ado bajiro ñre seniñacã ñna:

—Ito yijama, ¿ñimũjũa ñasati mũ? yicã ñna Jesure.

Ñna ito yija:

—“Ñti ñna yũ”, yíari mũare goticãbojabũ yũ. ²⁶ Jaje mũare gotiroti ñaboja yũre. Ito yicõri, “Mũare seti ñna”, yũ yi ãmoja, jaje gotiroti ñaboja yũre. Yũre cõaru ñti ñami riojo gotigũ. Adi sita gãna masare yũ gotirise, ñre tũocõri gotia yũ, yíqũ Jesús ñnare.

²⁷ Ito bajiro ñnare ñ busibojarocati, “Mani Jacu Dios gaye busiami ñ”, yi masibiticã ñna. ²⁸ Ito bajiri ado bajiro ñnare gotiquí ñ:

—Yu ña Masa Rijoru. Yucutẽona yure mua mwoja, “Dios Macu ña yu”, yu yiado bajiroti yure ti masirã yirãji mua. “Ímasirio tuoñacõri meje busiñi. Í Jacu ñ riasoado bajiro riti busiñi”, yi masirã yirãji mua yure. ²⁹ Yure cõaru yu rãcati ñami. Yu Jacu ñ wanarise gaye riti ya yu. Ito bajiri yure wagobitisotiami ñ, yiquí Jesús masare.

³⁰ Ito bajiro Jesús ñ yija tuocõri, jãjarã masa ñre tuorũncã.

Dios ña meje ñama ñeñaro yirã, yire gaye

³¹ Ito bajiri, ado bajiro gotiquí Jesús, judio masare ñre tuorũnrãre:

—Yu busirise mua jidicãbeja, riti yu rãca riasotirã ñarã yirãji mua. ³² Ito bajiro yicõri, oca riojo ñasarise masirã yirãji mua. Oca riojo ñasarise tuocõri, mua ñeñaro yirisere jidicãrã yirãji mua. Ito bajiri rãmure moa ñsiri masa meje ñarã yirãji mua ñja, yiquí Jesús.

³³ Ito ñ yija tuocõri:

—Abraham ñayoru janerãbatia ña gua. Rãmure moa ñsiri masa ñabiti wadicu gua. ¿No yija, “Rãmure moa ñsiri masa meje ñarã yirãji mua”, yati mæ guare? yicã ñna Jesure.

³⁴ ñna ito yija tuocõri:

—Riti muare gotia yu. No ñeñaro yirã rãmua ujure moa ñsiri masa ñama ñnaõna. ³⁵ Sīgũ macuacã ñ jacusabatia rãca ñaguñji. Sīgũ ñre moa ñsiri masuama, ñ rãca ñagũ meje ñaguñji. Sīgũ macu ñ jacu robo bajiro roti masigũ yiguñji. ³⁶ Dios Macu ñari roti masigũ ña yu. Ito bajiri rãmua ujure moa ñsiri masa ñabitiroca muare yu yija, riti ñre moa ñsiri masa meje ñarã yirãji mua. ³⁷ “Abraham ñayoru janerãbatia ña mua”, yi masia yu muare. Í janerãbatia

ñabojarãti yu busirise tuorũnubiticõri, yure sã ãmoa mua. ³⁸ Cuna yure ã ïogore muare busia yu. Mua jacu ã rotiado bajiro riti ya muama, yiquĩ Jesús ñnare.

³⁹ Ito ã yija tuocõri, ado bajiro cudicã ñna:

—Gua ñicusabatia ñicu ñayoñi Abraham, yicã ñna, Jesure.

Ñna ito yija:

—Riti Abraham janerãbatia mua ñajama, ã yiado bajiro yiboana mua. ⁴⁰ Oca riojo ñasarise, Dios yure ã riasoado bajiroti muare yu riasobojarocati, yure sã ãmoa mua. Abraham ñayoruama ito bajiro yibitiyoñi. ⁴¹ Yure mua sã ãmoja, mua jacu ã rotiado bajiroti ya mua, yiquĩ Jesús ñnare.

Ito ã yija tuocõri:

—Jacu manoti gua jacosaromia bujana meje ña gua. Sīgũ ñami gua jacu. Ñ ñami Dios, yicã ñna Jesure.

⁴² Ñna ito yija tuocõri, ado bajiro cudiquĩ Jesús:

—Dios tu wadicõri ado ña yu. Riti mua jacu Dios ã ñaja, yure maiboana mua. Yumasi meje wadicu yu. Dios yure ã cõajare wadicu yu. ⁴³ ¿No yija yu busirise tuo masibeati mua? Yu busirise tuo ãmobeas mua. Ito bajiro itire tuo masibeas mua. ⁴⁴ Mua jacu rãmúa uju ñami ã. Ito yicõri ã rã ña mua. Ito bajiro ã ãmoro bajiroti yi ãmoa mua. Cajerojuti masare sãari masu ña ñi rãmú. Oca riojo gotire wanugũ meje ñami ã. Ito yicõri, cojirea riojo gotigu meje ñami ã. Ruore oca ã gotija socagu ñari, ito bajiroti ruo gotiguji ã. Ñ ñami ruore jaigu, ito yicõri ruore jacu. ⁴⁵ Mua jacu ã ñajare, oca riojo ñasarise yu muare gotibojaja, yure tuorũnubea mua. ⁴⁶ “Ado bajiro ñeñaro yicu mu”, yure yigu sīgũ mami mua rãca. Oca riojo ñasarise muare yu gotibojaja, ¿no yija yure tuorũnubeati mua? ⁴⁷ Dios ñarã mua ñaja, recoti Dios ocare tuorũnurã yirãji mua. Dios ñarã meje ñari, yure tuo ãmobeas mua, yiquĩ Jesús ñnare.

Abraham ñayoru riojuajuti Cristo ï ñacäre gaye

⁴⁸ Ito yija ado bajiro cudicã judio masa:

—“Samaria sita gagu, rûmú sãñagũ ña mu”, mure gna yija, riti ya gna, yicã judio masa Jesure.

⁴⁹ Ñna ito yija tucõri:

—Ñejua rûmú sãñagũ meje ña yu. Yu Jacu Diore rûcubuo yu. Muama yure rûcubuo bea. ⁵⁰ Masa ñna yure rûcubuo toni wadiru meje ña yu. Sîgũ ñami masa ñna yure rûcubuo are ãmogũ. Ñ ñami yure rûcubuo enare ti masigũ, ito yicõri ñna ñeñaro yirise waja senigũ. ⁵¹ Riti muare gotia yu. No yu busirise tuorũnugũ godabicu yiguïji. Dios rãca catitĩñagũ yiguïji, yiquĩ Jesús.

⁵² Ito ï yija tucõri, ado bajiro yicã judio masa:

—Iti mure gna tuoja, “Riti rûmú sãñagũ ñami”, yi masia gna, mure ñja. Abraham ñayoru, Diore goti ñsiri masa ñayoana cuni goda jediñi ñna. “Yure tuorũnurã godame-naji”, yiboja mu. ⁵³ ¿Gna ñicusabatia ñicu, Abraham ñayoru rëtoro ñasagu ñati mu? Ñ cuni, Diore goti ñsiri masa cuni goda jedicoañi ñna. ¿Ñimu ña yu yati muãma? yicã ñna Jesure.

⁵⁴ Ñna ito yija tucõri:

—Yumasiti, “Masa ñna rûcubuo gu ña yu”, yu yibojaja, ñe waja ma iti. Yu Jacu ñami yure rûcubuo gu, “Ñti ñami gna yagu Dios”, mu yibojagu. ⁵⁵ Ñre queno masibebe mu. Yuama ñre queno masia. “Ñre masibebe yu”, yu yibojaja, mu robo bajiroti socagu ñaboruja yu cuni. Yuama, queno masisacõa ñre. Ñ yiro bajiroti cudia yu. ⁵⁶ Mu ñicusabatia ñicu Abraham ñayoru, “Co gumu ejagu yiguïji Cristo”, yirocu wanu yuñi. Adi sitaju yu ejaja ticõri, wanusacõqui ñ, yiquĩ Jesús judio masare.

⁵⁷ Ito ï yija tucõri, ado bajiro yicã ñna Jesure:

—Bucugũ meje ña mũ maji. Cincuenta rodori tujabea mũ maji. Ito bajibojarocati, ¿no yija, “Abraham ñayorure ticũ yũ”, yati mũ? yicã ña.

⁵⁸ Ña ito yijare:

—Riti mũare gotia yũ. Abraham ñayorũ ñ naroto rio-juajũ, ñacãcũ yũ, yiquĩ Jesús ñnare.

⁵⁹ Ito ñ yija tucõri, gũta ãmicã ñre rearona. Ña ito yijare, “Ito baja”, yi masia manoti ña watoti budicoaquĩ Jesús, Dios ya wire budigo wacũ.

9

Cajea macũ rujeaurẽ Jesús ñ yisiore gaye

¹ Ito yija bero busa Jesús rãca gũa rũgõ ucuroca sũgũ cajea macũ rujeaurẽ ti bujaquĩ Jesús. ² Gũa Jesús rãca riasotirã ado bajiro seniĩacũ Jesure:

—Gũare riasogũ, ¿no yija cajea macũ rujeayijari ãni? ¿Ñ jacusabatia ña ñeñaro yire waja ito bajiro rujeayijari ñ? ¿Ñmasi ñeñaro yire wajati bajiyijarite? yicũ gũa Jesure.

³ Ito bajiro gũa yijare:

—Ñmasi ñeñaro yire waja meje, ito yicõri ñ jacusabatia ña ñeñaro yire waja meje ito bajiro rujeañi ãni. Dios ñ masirise masa ña titoni, ito bajiro rujeañi ãni. ⁴ Ñmũa ña maji. Ito bajiri yũre cõarũ ñ rotiado bajiroti moagũ ya yũ. Yoari mejeti rãioro yiroja. Noajũa moa masimena yirãji itocõ. ⁵ Busurise rucogũ ña yũ. Ito bajiri adi macãrucãro yũ ñaroca, masa ña tuo masiroca ya yũ maji, yiquĩ Jesús.

⁶ Ito bajiro yi tũocõri, jacajũ go eocũquĩ ñ. Sitare jabeto ide yiquĩ ñ itina. Ito yicõri, cajea macũre itina tuquĩ ñ, ñ ya cajearẽ. ⁷ Ito bajiro yi tũocõri, ado bajiro rotiquĩ cajea macũre:

—Siloé wame cutirita masa ña guaritajũ wasa. Itojũ ejacõri, mũ ya cajearẽ gõna coeba, yiquĩ Jesús cajea macũre. “Cõarũ”, yireoni ña Siloé wame.

Jesús ï gotija tucõri, ï gotiro bajiroti coegũ waquĩ cajea macũ. Ï coe tïoja bero tũdi ejagũ ticoaquĩ ï ïja. ⁸ Ï ñarã, ïre tigoana cũni ado bajiro yicã ïna:

—“Yũre ti maicõri, yũre jabeto ïsiña”, ¿yi rujicacũ meje ñati ãni? yicã ïna.

⁹ —Ïti ñami, yicã coriarã.

—Ï meje ñami. Ï robo bajiguti ñami ñarea, yicã gãjerã.

Ïna ito yija tucõri, ïmasiti ado bajiro yiquĩ:

—Ïti ña yũ, yiquĩ ï.

¹⁰ Ito ï yijare, ado bajiro ïre seniãacã masa:

—¿No bajiro yicõri, cajea tiati mũ? yicã ïna ïre.

¹¹ Ïna ito yijare:

—Sĩgũ Jesús wame cutigũ ï ya go idena sita ide yicõri, yũre cajea tumi ï. Iti tucõri, ado bajiro rotimi yũre: “Siloé wame cutirita wacõri, coeba”, yimi yũre. Itira ejacõri yũ ya cajea gõna coebũ yũ. Ito bajiro yũ yirocati ruyucoajũ yũre, yiquĩ ï.

¹² Ito ï yija tucõri, ado bajiro ïre seniãacã masa:

—¿Nojũ ñaguĩjida mũre ito bajiro yirũ? yicã ïna.

Ïna ito yija tucõri:

—Ba, masibea yũ, yiquĩ cajea macũ ñagorũ.

Cajea macũre ïna seniãa josare gaye

¹³ Ito ï yija tucõri, fariseo gaye tuoĩarã tũre cajea macũ ñabojarũre ãmi wacã ïna. ¹⁴ Ï ya go idena cajea macũre Jesús ï yisiora rũmũ, tujacãra rũmũ ñacũ. ¹⁵ Cajea macũ ñabojarũre ïna ãmi ejaja ticõri, ado bajiro ïre seniãayijarã fariseo gaye tuoĩarã:

—¿No yicõri cajea tiati mũ mũcana? yiyijarã fariseo gaye tuoĩarã.

Ito bajiro ïna seniãaja tucõri:

—Go idena sitare ide yicõri, yũ ya cajeare tuquĩ ï. Iti yũ coeja bero tia yũ ïja, yiyijũ ï.

¹⁶ Ito ï yija:

—Mure ito bajiro yiru, Dios yagu meje ñaani. Tujacãra rumure rucubobisi ï, yiyijarã ina.

Gãjerãma ado bajiro yiyijarã:

—Ñeñaro yigu ï ñaja, tiyamani yibitiboru ï, yiyijarã gãjerã.

Ito bajiri ricati riti tuoïayijarã ina fariseo gaye tuoïarã.

¹⁷ Ito yijare mucana tãdi seniïayijarã ina, cajea macu ñagorure:

—¿Muãma no bajiro tuoïati, mu cajea tiroca yirure? yiyijarã ina.

Ïna ito yija tuocõri:

—Diore goti ïsiri masu ñaguïji, ya yuama, yiyiju ï.

¹⁸ “Cajea macu rujearu mucana tãdi cajea tiru ñami”, yi amobisijarã ina judio masa ujarã. Ito bajiri cajea macu jacusabatiare ji ñucayijarã ina. ¹⁹ Ïna ejaja ticõri, ado bajiro ñnare seniïayijarã ina:

—¿Mu macuti ñati ãni, cajea macu rujearu? ¿No yija cajea macu ñabojaruti adocãta tiati? yiyijarã ina, ï jacusabatiare.

²⁰ Ïna ito yija tuocõri, ado bajiro cudiyijarã ina:

—Gua macu, cajea macu rujearuti ñami ãni. ²¹ Ito bajiro ï tija, ito yicõri ïre cajea tiroca yirure masibea gua. Ïre seniïaite mua. Bucugu ñami ïja, ïmasiti gotiguõcũ ñami, yiyijarã ï jacusabatia.

²² Judio masa ujarãre güirã, ito bajiro yiyijarã ï jacusabatia. “Jesús ñami Cristo, Dios ï cõaru”, yirãre rëorã ya mani mucana minijuara wiju ñna sãjame yirona, yi tuoïa yucãyijarã judio masa. ²³ Ito bajiri ñnare güirã, “Bucugu ñami, muamasiti ïre seniïaïa”, yiyijarã cajea macu ñabojaru jacusabatia.

²⁴ Ïna ito yija tuocõri, cajea macu ñabojarure ji ñucayijarã judio masa ujarã mucana:

—Dios ï tiro riojo, riojo guare gotiya. “Mũre yisiorũ, ñeñaro yi jaigu ñañi”, yi masia gua, yiyijarã ñna.

²⁵ Ñna ito yija tuocõri:

—“Ñeñaro yigu, ñeñaro yigu meje ñaguñji”, yi masibea yũ. Adi riti masia yũ, cajea macũ ñacũ yũ maji. Adocãtama yũ cajea tia ñja, yiyijũ ï.

²⁶ Ito ï yija tuobojarãti mucana tũdi seniñayijarã ñna:

—¿No bajiro mũre yicati ï, mũ titoni? yiyijarã ñna ñre.

²⁷ Ñna ito yijare:

—Mũare goticãbojabũ yũ. Yũre tuorũnubea mũa. ¿No yija mucana tũdi gotire ãmoati mũa? ¿Mũa cuni ñre oca tuo sũya ãmoati? yiyijũ ï judio masa wjarãre.

²⁸ Ito bajiro ï yija tuocõri, ñre bũsi tudiyijarã ñna:

—Ñre oca sũyagu ya mũ. Moisés ñayoru ocare sũya guama. ²⁹ “Moisés ñayorũre bũsiñi Dios”, yi tuoĩa gua. Mũre yisiorũreama masibea gua. “Ito gagũ ñaguñji ï”, yi masibea gua ñreama, yiyijarã ñna.

³⁰ Ñna ito yija tuocõri, cãdiyijũ ï:

—Yũ ya cajea ï yisiorũ ñabojarocati, “Ito wadirũ ñaguñji ï”, yi masibea mũa. Mũa ñre ti masibeja bujatobea yũ. ¿No yija ñre ti masibeati mũa? Mũa ñre ti masibeja queno tuo masire ma yũre. ³¹ “Ñeñaro yirãre tuobiquñji Dios. Ñre rũcũtuocõri, ï ãmoro bajiro yirãre riti tuogu yiguñji Dios”, yi tuoĩa mani. ³² “Cajea macũ rujeare ï tiroca yĩñi sũgũ”, yire gaye tuoya manicũ. ³³ Ñni yũre yisiorũ, Dios tu wadirũ meje ï ñaja, yũre no yibitiborũ, yiyijũ ï.

³⁴ Ito ï yijare:

—Ñeñaro yi jaigu rujeare ña mũ. “Ñnare riasocũja yũ”, ¿yi tuoĩati mũ, guare? yiyijarã ñna cajea macũ ñabojarũre.

Ito yicõri, ñre bucõayijarã ñna, ñna minijuari wijũ ñagũre.

“Dios oca tuorũnũmena cajea mana robo bajirã ñama”, yire gaye

³⁵ Cajea macu ñabojarure ñna bucõare gaye tuo bujacu gua Jesús rãca. Ito bajiri ñre ti bujacõri, ado bajiro ñre yiquĩ Jesús:

—¿Dios Macure tuorũnũati mu? yiquĩ Jesús ñre.

³⁶ Ito ñ yija:

—Yu Ñju, yure gotiya. “Ñ ñami”, yiya yure, ñre tuorũnũrocũ ya, yiquĩ ñ Jesure.

³⁷ Ito ñ yija, ado bajiro ñre cudiquĩ Jesús:

—Ñre ticãcu mu. Adocãta mu rãca busigu, ñti ñna yu, yiquĩ Jesús ñre.

³⁸ Ito ñ yija tuocõri, Jesús riojo rijomunigãna ñini rũjũquĩ ñ, ñre rũcũbuogu. Ito bajiro yicõri:

—Mure tuorũnũa yu Ñju yu, yiquĩ ñ.

³⁹ Ito yija bero, ado bajiro yiquĩ Jesús masare:

—“Ñna ñama yure cudirã. Ñna ñama yure cudimena”, yi busirocu wadirũ ñna yu. Cajea mana robo bajirã ñama Dios oca tuo masimena. Ito bajiri ñnare ñna tuo masiroca yigu yiguja yu. “Queno masirã ñna gua”, yibojarãreama, ñna tuo masibitiroca yigu yiguja yu. Ito bajiri tuo masibiticõri, cajea manare bajiro bajirã ñnarã yirãji ñna, yiquĩ Jesús ñnare.

⁴⁰ Ito ñ yija tuocõri, ito ñnarã coriarã fariseo gaye tuoĩarã seniĩacã ñna Jesure:

—“Tuo masibiticõri, cajea manare bajiro bajirã ñna mu”, ¿yati mu guare? yicã ñna Jesure.

⁴¹ Ñna ito yija:

—Tuo masimena mu ñaja, seti cutirã meje ñaboana mu. “Queno masirã ñna gua”, mu yire waja, seti cutirã ñna mu, yiquĩ Jesús ñnare.

10

Ovejare coderi masa oca

¹ Mucana masare riasosugogü ado bajiro yiquĩ Jesús:
 —Riti muare gotia yu. No oveja ñna ñari sãnimu ñna ya soje sãjabicu, gaje duja jore sãjagũ ruocõri rinigũ ñami ñocũ.
² Ñna ya soje sãjagũama, ñnare tirũnucõri codegu ñami.
³ Ovejare tirũnuri masu ñ sãjatoni ñre soje jana ñsigũ yiguĩji soje coderi masu. Ñ sãjaroca ñ ya ocare tuo masirã yirãji ñ ya oveja. Ñ ya ovejajuare ti masicõri, wamena ñnare ji bucõagũ yiguĩji ñ. ⁴ Ñnare bucõa jeocõri, ñna riojua ñnare tũa ũmatãgũ yiguĩji ñ. Ñ ya ocare tuo masicõri, ñre suyará yirãji ñna. ⁵ Ñ oca ñna tuo godo weobejama ñre suyamena yirãji ñna. Ñ ya ocare tuo masibiticõri, ñre rudirã yirãji ñna, yiquĩ Jesús masare.

⁶ Riasore oca ñnare goti masioquĩ Jesús. Ito bajibojarocati itire tuo masibiticã ñna.

Buto masare codegu ñami Jesús, yire gaye

⁷ Ito yija mucana tũdi gotiquĩ Jesús ñnare:
 —Riti muare gotia yu. Yu ñna soje, oveja ñna sãjari soje bajiro bajigu. ⁸ Yu riojua wadiana ñnarcõti, ruori masa ito yicõri riniri masa cuni ñaĩ ñna. Ito bajiri yu ya oveja mesare tuorũnubisjarã. ⁹ Yu ñna soje bajiro bajigu. No yuna suoriti sãjagũ, ñre masogũ yiguja yu. Ado bajiro bajigu yiguĩji ñocũ: Oveja ñna ñari sãnimuju sãjacõri, mucana tũdi, budi, yi ñagũ, ñagũ yiguĩji ñocũ. Queno wanu quenagũ yiguĩji ñ. Ito yicõri, quenari wese ñ baroti bujagu yiguĩji ñ. Ito bajiro bajirã ñarã yirãji yure boca ãmirã. Ñnare tirũnugũ yiguja yu.

¹⁰ Riniri masu ñ ejaja, rinicõri sãgũti ejagu yiguĩji ñ. Ito yicõri, ruyurioguti ejagu yiguĩji ñocũ. Yumama masa ñna catitĩñaroca yigu wadiru ñna yu. Ito yicõri, ñe ruyabeto queno ñna ñaroca yigu wadiru ñna yu. ¹¹ Yu ñna ovejare

queno coderi masu. Yure tuorũnrãma yu ya oveja bajiro bajirã ñarã yirãji. Yu ya oveja bajiro bajirãre goda ñsirocũ ñacã yu. ¹² Sîgũ waja bujarocũ ï moaja, queno oveja coderi masu meje ñaguĩji ïocũ. Buyairo ï ejaja ticõri, ovejare wagogu yiguĩji ï. ï ya oveja meje ñna ñajare, ñnare wagogu yiguĩji ï. Ito bajiri buyairo ejacõri, ovejare ñnagũ yiguĩji, ito yicõri ñnare ïo bategu yiguĩji ï. ¹³ Waja bujarocũ riti sîgũ ï moaja, ovejare wagogu yiguĩji ï, ï ñarã meje ñna ñajare. ñnare maigũ meje ñnari ñnare ï wagoja no yimenaji ñre, yi riasoquĩ Jesús masare.

¹⁴⁻¹⁵ 'Yu ña ovejare queno coderi masu. Yu Jacu yure ï masiro bajiroti, yu cuni ito bajiroti ñre masia. Ito bajiroti yu ya ovejare ti masia yu. ñnajua cuni ito bajiroti yure ti masiama ñna. Yu ya ovejare goda ñsirocũ ñacã yu. ¹⁶ Adi sãnimu gãna meje ñnama gãjerã yu ya oveja. ñna ñnama gãjerã masa. ñnare cuni ñmigũ yiguja yu. ñna cuni yure cudirã ñnama ñna. Co rumu co sãnimuti ñarã yirãji ñna. Ito yicõri, yu sîgũti ñagũ yiguja ñnare coderi masu, yiquĩ Jesús masare.

¹⁷ 'Godagu yiguja yu, mucana tũdi catirocu. Ito bajiro yu yijare yu ñarã catitĩñarã yirãji Dios rãca. Ito bajiri yu Jacu buto yure maiami. ¹⁸ Masama yure sïamena yirãji. Yumasiti yu ñmoro bajiroti masare yiari goda ñsigũ yiguja yu. Masare yiari yu goda ñsi ñmoja, iti ña yu ñmoro bajiro yu yiroti. Ito yicõri, mucana tũdi yu cati ñmoja cati masigũ ña yu. Ito bajiro yu yi masitoni yure cũquĩ yu Jacu, yiquĩ Jesús masare.

¹⁹ Ito bajiro ï yija tuocõri, judio masa ujarã ricati riti tuoĩacã ñna ñja. ²⁰ Coriarã jãjarã ado bajiro yicã:

—Rũmũ sãñagũ, mecuri masu ï ñabojarocati, ¿no yija masa ñre tuorũnuati? yicã ñna.

²¹ Gãjerãma ado bajiro yicã ñna:

—Rũmú sãñagũ ĩ ñaja, ito bajiro busibitiborũ ĩ. Ito yicõri, rũmú sãñagũ ĩ ñaja, cajea mana ĩna tiroca yibitiborũ, yicã ĩna.

Jesure judio masa ĩna ãmobitire gaye

²²Iti rũmũri juebũcũ ñacũ. Jerusalénjũ Dios ya wi cajero ĩna cũdabiare basa, mũcana tũdi tuoĩarã basa menicã ĩna. ²³Ide ñurajũ roca, Salomón wame cõtiri dũjajũare Dios ya wijũ sãja wacũ gũa Jesús rãca. ²⁴Ito bajiro gũa baji ñaroca Jesure gãni biacõri, ĩre seniĩacã judio masa:

—¿Nocãta, “Ĩ meje ñami ĩ. ĩti ñami”, mũre yi masirã yirãjida gũa? Cristo Dios ĩ cõarũ mũ ñaja, adocãtati riojo gũare gotiya, yicã ĩna Jesure.

²⁵Ĩna ito yija tũocõri, ado bajiro cũdiquĩ Jesús:

—Mũare goticãbojacũ yũ. Ito bajibojarocati yũre tũorũnũbiticũ mũa. Yũ Jacũ ĩ rotirisena jaje mũare ĩobojacũ yũ. Itire ticõri, “Ĩti ñami”, yi masirũjabojacũ mũare. ²⁶Yũ ya oveja meje ñari, yũre tũorũnũbea mũa. Canũ mũare yũ goticato bajiroti bajia. Yũ ñarã meje ñari, yũre tũorũnũbea mũa, ya yũ mũare. ²⁷Oveja ĩna ỹjũ ocare ĩna tũo masiro robo bajiro, yũ ñarã yũre tũo masiama ĩna. Yũ cũni ĩnare ti masia. Ito yicõri yũre sũyarã yirãji ĩna. ²⁸Ĩna catitĩñaroca ya yũ. Ito bajiri coji godacoa yimenaji ĩna. Sĩgũjũa yũ rũcorãre ĩmabicũ yiguĩji. ²⁹Ĩnare yũ rũcotoni yũre cũquĩ Cũna. Nijũa ĩ rẽtoro sẽogũ maquĩji. Ito bajiri sĩgũjũa yũ rũcorãre ĩma masigũ maquĩji ĩja. ³⁰Yũ, ito yicõri yũ Jacũ rãca riti ña gũa, yiquĩ Jesús judio masare.

³¹Ito yija mũcana ĩre rearona gũta ãmicã ĩna. ³²Ĩna ito yija ticõri, ado bajiro yiquĩ Jesús ĩnare:

—Yũ Jacũ ĩ masirisena sũoriti jaje mũa tiro riojo quenarise yibojacũ yũ. ¿Disejũa queno yũ yire waja yũre gũta rearã yirãjida mũa? yiquĩ Jesús ĩnare.

³³Ĩ ito yijare ado bajiro cũdicã judio masa:

—Mũ queno yire wajare meje mure gũta rearã yirãji gua. Mũ ya ocana Diore mũ busiture waja mure rearã yirãji gua. Gua robo ãmugũ ñabojaguti, “Dios ña yu”, yiboja mũ, yicã ñna Jesure.

³⁴ Ñna ito yijare Jesús ado bajiro yiquĩ:

—“Yu bajiroti bajirã ña mua cuni”, yiñi Dios, yi ucare ña mua ñicusabatia ñna rotire. ³⁵ “Dios oca riojo ñasarise ña”, yi tuoia mani. Ñ oca tuorũnuanare, “Yu bajiroti bajirã ña mua cuni”, yiñi Dios ñ oca tutina. ³⁶ Yure besecõri adi sitaju yure cõaquĩ Dios. Ito bajiri, “Dios Macu ña yu”, yu yijare, ¿no yija, “Diore busitua mũ”, yati mua yure? ³⁷ Yu Jacu ñ yiro bajiro yu yibeja, yure tuobesa. ³⁸ Yu Jacu ñ yiro bajiro yu yija, yure tuorũnabitibojarãti, yu yigore ticõri, “Riti gotiami”, yi tuoiaruja muare. Ito bajiri, “Yure bajiroti usi cutigu ñami yu Jacu. Yu cuni ñre bajiroti usi cutia”, yu yija, “Riti gotiami”, yi masiruja muare coji busati, yiquĩ Jesús ñnare.

³⁹ Ito ñ yija tuocõri, mucana ñre ñna ãmobjacã ñna. Jesujama rudicoaquĩ.

⁴⁰ Rudi wacõri, Jordán wame cutirisa siduja waquĩ Jesús mucana. Ñre baba cuti wacu gua cuni. Itoju ejacõri, Juan ñ idé gu ñacatiju tujaquĩ Jesús. ⁴¹ Jãjarã masa ñre tirã ejacã. Ñre ticõri, ado bajiro yicã ñna:

—Tiyamani ñobitibojaguti, ãni gaye ñ gotire gaye, riti gotiñi Juan, yicã masa.

⁴² Itoju Jesús ñaroca jãjarã ñre tuorũnucã masa.

11

Lázaro ñ godare gaye

¹ Sígũ ñañi ñarise cõgũ. Ñ wame cutiquĩ Lázaro. Ñ ñarã romia ñacã María, gajeo Marta. Ñna ñacã Betania gãna.

² Iso María ñacõ Jesús ya gubore queno suti quenarise jio gugoro. Jiocõri iso ya joana weja carogoro ñacõ iso, Lázaro

ocabajio. ³ Lázaro ï cōja ticōri, ï ñarã romia Jesure oca cōañi ñna:

—Gua Uju, mu baba Lázaro cō ñami, yi oca cōañi ñna Jesure.

⁴ Iti oca tuocōri ado bajiro yiquĩ Jesús guare:

—Adi ñarise ñre ruyuriobetoja. Godarocu meje cō ñaguĩji ï. Ado robojua baja. “Rētoro ñasagu ñami Dios, ito bajiroti rētoro ñasagu ñami Dios Macu cuni”, masa ñna yi rucubotoni, cō ñaguĩji Lázaro, yiquĩ Jesús.

⁵ Lázaro, ï ocabajirã romia María, Martare cuni tuo maiñi Jesús. ⁶ “Cō ñami Lázaro”, yire oca tuobojaguti wabitiquĩ Jesús maji. Gua ñariju jua rumu ñacōacu gua Jesús rãca maji. ⁷ Jua rumu bero gua ï rãca riasotirãre ado bajiro yiquĩ Jesús:

—Ita mucana Judea sitaju. Lázaro ï ñaroju wato mani, yiquĩ Jesús guare.

⁸ Ito ï yija tuocōri:

—Canu busati itoju gãna judio masa mure gũtana rea sã amobojañi ñna. ¿Itoju tudi ware tuoĩati, guare riasogu mu? yi seniãacu gua Jesure.

⁹ “Yure ñna sãrotiju ejabea maji”, yirocu ado bajiro cadiquĩ Jesús guare:

—Ûmua co ùmua doce hora busurise ña. Ito bajiri sigũ ï wa ucuja juatabiquĩji iti busujare. Macãrucuro busurise iti ñajare ti masigũ yiguĩji. Ito bajiri juatabiquĩji ï ùmua ñajare. ¹⁰ Ñami ï wa ucuja juatagu yiguĩji, busurise iti manijare, yiquĩ Jesús guare.

¹¹ Itire goticōri mucana gaje gotiquĩ Jesús guare:

—Mani baba Lázaro canicoaguĩji. Ito bajiri ñre yujiogu waju yu, yiquĩ Jesús.

¹² Ito ï yija tuocōri:

—Gua Uju, ï canija quena ña ñre. Tujacoagu yiguĩji ï, yicu gua Jesure.

¹³ “Canigũ yiguĩji”, Jesús ï yija, “Wujore, yiguĩji Jesús”, yire masicũ gua. Ito bajiro gua tuoñabobarocati, Jesuama, “Godacoami”, yireoni yigũ yini ï. ¹⁴ “Yure queno tuo masibeama ïna”, yi tuoñacõri, riojo guare gotiquĩ Jesús ïja:

—Lázaro godacoami ïja. ¹⁵ Queno yiguti ï tujũ ñabisija yu. Ito bajicõri yure tuorũnurã yirãji mua. “Riti Dios Macu ña mu”, yure yi rucubũorã yirãji mua. ï tu ita ïja, yiquĩ Jesús guare.

¹⁶ Sīgũ Jesús rãca riasotigu, gua rãca gagu Tomás wame cutiquĩ. “Sũrũaru”, yicũ gua ïre. Ado bajiro yiquĩ ï, guajũare:

—Ita mani cuni. Jesús rãcati godana mani cuni, yiquĩ Tomás gua ï baba mesare.

Yu ña masa tũdi catiroca yigũ, Jesús ï yire gaye

¹⁷ Betaniaju gua ejaroca, “Juaria rumuri tujã Lázarore ïna yujeja bero”, yicã masa, guare gotirã. ¹⁸ Jerusalén rocajua busa ñacu Betania. Coji cõre gudarecocõ ñacu Betania. ¹⁹ Ito bajiri jãjarã Jerusalén gãna judio masa ejacã Lázaro ï godaja otirã. “Bujato bajaia, mua rĩjoru ï godaja”, yi María, Martare cuni guañagõ otirã ejacã ïna. ²⁰ “Wadiami Jesús”, yire oca tuocõri, ïre bocago ejacõ Marta. Maríama ejabiticõ. Wiju ñacõãni iso. ²¹ Jesús tujũ ejacõri ado bajiro yicõ Marta:

—Yu Uju, mu iti rumu busa ado mu ñajama, bai godabitiboru ï. ²² “Ï godaja bero ñabobarocati, no Diore mu senija, ito bajiroti mure ïsigũ yiguĩji Dios”, yi tuoña yu, yicõ Marta Jesure.

²³ Iso ito yija tuocõri:

—Mu rĩjoru tũdi catigu yiguĩji, yiquĩ Jesús isore.

²⁴ Ito ï yija:

—Riti gotia mu. Sũsari rumu masare tũdi ïna catiroca Dios ï yiri rumu, tũdi catigu yiguĩji bai, yi tuoña yu, yicõ Marta Jesure.

²⁵ Iso ito yija tʉocõri, ado bajiro yiquĩ Jesús:

—Yũ ña tʉdi masa ña catiroca yigũ. Ito yicõri yʉti ña catitĩñare rucogu. No yʉre tʉorũnugũti catitĩñagũ yiguĩji. Godabojaguti tʉdi catigũ yiguĩji iocũ ija, yiquĩ Jesús isore.

²⁶ Mucana tʉdi yũ ejari rumũ, yʉre tʉorũnu ña yucãrã catitĩñarã yirãji ña. Godamenaji ña. ¿Itire tʉorũnʉati mũ cuni? yi seniñaquĩ Jesús Martare.

²⁷ Ito i yija tʉocõri:

—Yũ Uju, mũ yiro bajiroti bajia. Mʉti ña Cristo, Dios i cõarũ. Mʉti ña Dios Macũ, adi macãrucũroju wadirũ. Itire tʉorũnũa yũ, yicõ iso Jesure.

Lázaro ya masari cuma tũ Jesús i otire gaye

²⁸ Iso ito yija bero iso rĩjoro Maríare jigo wacõ Marta. Iso tũ ejacõri, ado bajiro Maríare goti rudiyijo iso:

—Manire riasori masũ ito ñami. “Wadijaro”, yimi mũre, yiyijo Marta iso rĩjorore.

²⁹ Iso ito yiroca riti wũmucõri, Jesure tigo wadiñi María.

³⁰ Cutoju ejabiticu gũa Jesús rãca maji. Marta iso bocacatojuti ñacu gũa maji. ³¹ María rãca ñañi judio masa, iso yagu godajare otirã. Ejori iso wũmũ waja ticõri, isore sũya wadiñi ña cuni. “Masari cumaju otigo wagõji”, yi tʉoĩari seyoñi ña.

³² Gũa tũ ejacõri Jesús riojo rijomunigãna ñini rũjũcõ María. Ito yicõri ado bajiro iʉre basicõ iso:

—Yũ Uju, mũ iti rumũ busa mũ ado ñajama, bai godabitiborũ, yicõ iso Jesure.

³³ María iso otija ticõri, iso rãca wadiana judio masa ña otija ticõri, bojori bũjaquĩ Jesús cuni. Ito bajiri i ya usiju bũto bojori bũja ña quĩ Jesús. ³⁴ Ado bajiro ñnare seniñaquĩ Jesús:

—¿Noju iʉre yujeri mũa? yi seniñaquĩ Jesús.

Ito i yija tʉocõri:

—Adojua tigũ waya mũ, yicã ña Jesure.

³⁵ Ìna ito yija tuocõri, otiquĩ Jesús ìja. ³⁶ Jesús ì otija ticõri, ado bajiro yicã judio masa:

—Tite m̄a. Lázaro**re** buto tuo mairi seyoami ì, yicã ìna.

³⁷ Gãjerã coriarãma ado bajiro yicã ìna:

—Cajea tibicure yisiogu ñabojaguti, ¿no yija Lázaro ì godabitiroca yibisijari ì? yicã ìna coriarã.

*Lázaro**re*** t̄adi ì catiroca Jesús ì yire gaye

³⁸ M̄cana Jesús bojori b̄ajaguti eja r̄uḡquĩ, masari cuma t̄aju. Ḡta toti ñacu godarure ìna c̄uraju. Iti soje ḡtana biare cuticu. ³⁹ Ito yija ado bajiro rotiquĩ Jesús:

—Itiga ḡtagã ãmigoya, yiquĩ Jesús.

Ito ì yija tuocõri, ado bajiro yicõ Marta, godaru ocabajio:

—Juaria rumuri t̄aja ì godaja bero. Buoro ãniguĩji ìja, yicõ iso Jesure.

⁴⁰ Iso ito yibojarocati:

—Yure m̄ tuor̄un̄ja, r̄etoro ñasarise Dios gaye tigo yigoja m̄, m̄re gotib̄u ȳ, yiquĩ Jesús isore.

⁴¹ “Ḡtagã ãmicãña”, Jesús ì yija tuocõri, ḡtagãre ãmigocã masa. Ito yija mac̄aruc̄urojuare ti m̄ocõri, ado bajiro yiquĩ Jesús:

—Cuna, queno ya m̄. Yure tuo**a** m̄. ⁴² Yu masia, coji r̄yabeto yure tuosotia m̄. Ito bajibojarocati adi sita ḡna m̄re ìna tuor̄un̄toni, ìna tiro riojo m̄ r̄aca busia ȳ. “Dios ì c̄aru ñami ãni”, ìna yitoni, m̄ r̄aca busia ȳ, yiquĩ Jesús, Diore busigu.

⁴³ Iti goti t̄ioḡti awasãquĩ Jesús ìja:

—Lázaro, budi waya adojua, yiquĩ Jesús.

⁴⁴ Ìna yujebojaruti budiquĩ Lázaro ìja. Ì ya ricari, ito yicõri ì ya rujare c̄uni sayana d̄rea biar̄u ñaquĩ ì. Ḡbori c̄uni, ì ya rijoga c̄uni saya werona biar̄u ñaquĩ. Ruyubicu ñaquĩ ì. Ito bajiri ado bajiro masare rotiquĩ Jesús:

—Ìre õjaña, ì watoni, yiquĩ Jesús.

*Jesure ñiarona ñna cuníre gaye
(Mt 26.1-5; Mr 14.1-2; Lc 22.1-2)*

⁴⁵ Ito bajiro Jesús ñ yija ticōri, jājarā judio masa Maríare baba cutiana Jesure tuorūnucā ñna ñja. “Riti Dios ñ cōaru ñami ñni”, yi tuorūnucā ñna ñja. ⁴⁶ Gājerāma fariseo gaye tuoīarāre tirā wacā ñna. ñna tujū ejacōri, Jesús ñ ñogore ñnare gotiyijarā ñna. ⁴⁷ ñna ito yijare, fariseo gaye tuoīarā, paia ujarā rāca, ujarā ñasarā rāca minijuayijarā. Ito yicōri ado bajiro busiyijarā ñna:

—¿No bajiro yirujati mani? Jaje tiyamani ñogū ñami ñni. ⁴⁸ ñre mani camotabeja, masa jeyaro ñre tuorūnurā yirāji. ñna ito yija ticōri, mani ya minijuara wire ruyuriorā wadirā yirāji romano masa. Ito yicōri manire cuni ruyuriorā wadirā yirāji ñna, yi gāmeri busiyijarā ñna.

⁴⁹ Iti rodore paia uju Caifás wame cutigu ñnaquī. ñnare ado bajiro gotiyijū ñ:

—Masirā meje ñna mua. ⁵⁰ Sīgū mani jeyarore yiari ñ goda ñsija quena. Mani jeyarore ñna ruyurioja quenabetoja, yiyijū Caifás.

⁵¹ Paia uju ñnari, ñmasirio tuoīacōri meje yiyijū Caifás. ñ masia mani ito bajiro ñ busiroca yiyijū Dios ñre. Ito bajiro ñ busija, ijaju bajiroti gaye busiyijū ñ. “Judio masa ñajedirore goda ñsigū yiguñji Jesús. ⁵² ñnare riti meje goda ñsigū yiguñji ñ. Dios ñ beseana di sita gāna ruyabeto manire goda ñsigū yiguñji ñ. Sīgū rñare bajiro mani ñatoni manire goda ñsigū yiguñji Jesús”, yigu bajiro yiyijū ñ Caifás. ⁵³ Iti rumurinati, “¿No bajiro Jesure sñarujati mani?” yi busi ñayijarā judio masa ujarā.

⁵⁴ Ito bajiri masa ñna tiro riojo wa ucubitiquī Jesús ñja. Judea sita Jesús ñ wagoja, ñre snya wacu gua cuni. Efraín wame cutiri cuto wacu gua. Yucu mano tujū ñacu iti cuto. Itoju tujacu gua Jesús rāca.

⁵⁵ Yũ ñarã judio masa pascua basa ñna menirototo jabeto ruyayijũ. Ito bajiri masa jãjarã wayijarã Jerusalénjũ. Pascua basa riojua ñna ñeñaro yirise coe rotirã ejayijarã ñna. ⁵⁶ Itojũ ejacõri, Jesure ãmabojayijarã ñna. Dios ya wijũ ejacõri ado bajiro gãmeri seniñayijarã ñna:

—¿No bajiro tuoĩati mũa? ¿Basa tigũ ejagũ yiguĩjida mũaca? Ejabicũ yiguĩji gajea, yi gãmeri bũsiyijarã ñna.

⁵⁷ Fariseo gaye tuoĩarã, paia ujarã cuni, “Jesure mũa ti bujaja, guare gotiba. Ñre ñiarona ya gua”, yi gotiyijarã ñna masare.

12

Jesús ya gubore sutirise María iso jio gure gaye

(Mt 26.6-13; Mr 14.3-9)

¹ Coga ãmojeno rãmuri pascua basa ñna menirototo riojua Betania wame cutiri cutojũ wacũ gua Jesús rãca. Iti cuto ñacũ Lázaro ñ ñaro. Ito ñacũ Lázaro mũcana tũdi ñ catiroca Jesús ñ yirajũ. ² Jesús ñ ejaja ticõri, ñre rũcũbuorã ñre bare meni ñsicã Lázaro ñ ocabajirã romia. Marta ñacõ guare bare jeogo. Lázaro cuni gua rãca ba rujiqũ ñ. ³ Gua baroca úye queno sũti quenarise nardo wame cutirise ãmi ejacõ María. Co coacõ ñacũ iti. Bũto waja cutirise ñacũ. Itina Jesús ya gubore jio gucõ iso. Ito yicõri iso ya joana weja carocõ iso. Wi dajaroti sũti dajacoacũ iti sutirise. ⁴ Itojũ ñaquĩ Judas Iscariote. Ñ cuni guare bajiroti Jesús rãca riasotigũ ñabojaquĩ. Ñ ñaquĩ Jesús wajana ñre ñiatoni gotiri masũ. Jesús ya gubore iso jio guja ticõri, ado bajiro yiquĩ Judas:

⁵ —Iti úye queno sũti quenarise ñsicõri, trescientos niyeru cujiri ãmirũjaboyija mũ. Iti waja bujacõri bojoro bujarãre ejabũarũjaboyija mũ, yiquĩ Judas.

⁶ Bojoro bujarãre tuo maigũ meje yiquĩ ñ, ito ñ yirise. Riniri masũ ñari ito bajiro yiquĩ ñ. Ñ ñaquĩ gua ya niyeru

awiruca seori masu. Iti awiruca gua sãrisere ãmisotiñi ï.
⁷ Ito yija ado bajiro yiquĩ Jesús ïre:

—Usirio codebesa isore. Yure ïna yujerotire tuoĩa yugo ito bajiro yamo iso. ⁸ Mũa rãca riti ñatĩñarã yirãji bojoro bujarã. Ito bajiri ïnare ejabuatiñarã yirãji mũa. Yũama mũa rãca ñatĩñabicu yigũja. Ito bajiri mũa rãca yu ñaroca maji yũjuare ejabuaja quena, yiquĩ Jesús ïre.

Lázarore sĩa ãmorã ïna cunĩre gaye

⁹ “Betaniaju ñaguĩji Jesús”, yire oca, jãjarã tuoñi judio masa. Jesure riti tirã meje ejacã ïna. Lázarore tũdi ï catiroca Jesús ï yirũre tirã rãcati wadiñi ïna. ¹⁰ Ito bajiro masa ïna yija ticõri, Lázarore cunĩ sĩare cunícã paia ujarã. ¹¹ Lázaro ï tũdi catija ticõri, paia ujarãre jidicã wacã masa. Ito yicõri Jesure tuorũnucã ïna ïja. Ito bajijare Lázarore cunĩ sĩa ãmoñi paia ujarã.

Jerusalénju Jesús ï ejare gaye

(Mt 21.1-11; Mr 11.1-11; Lc 19.28-40)

¹² Ito bero gaje rumu, “Ado ejagu yiguĩji Jesús”, yire oca tuo jedicã masa. ïna ñacã Jerusalénju pascua basa tirã ejana. ¹³ Ito bajiri Jesure boca ãmirona rujaño caeri ãmicã ïna. Ito yicõri ado bajiro awasãcã ïna, ïre wanurã:

—Rẽtoro ñasagu ñami Dios. ï cõarure queno yijaro Dios. Gua Israel gãna Uju ñarocure queno yijaro Dios, yi awasãcã ïna, ïre wanurã.

¹⁴ Burro wame cutigure bujacõri, mũa jeaquĩ Jesús. Ito bajiroti yi gotia Dios oca cunĩ. Tuote mũa:

¹⁵ Mũa Sion cuto gãna, guibesã. Mũa Uju ñarocu burro joe jesa wadiami, yi gotia Dios oca.

¹⁶ Cajero queno tuo masibiticu gua Jesús rãca riasotirã maji. Umacũju Jesure rucuboraju ï mujaja bero, “Riti gotia Dios oca. Jeyaro iti gotiado bajiroti rẽtacu”, yi masicu gua ïja.

¹⁷ Masa jājarã ticã masari cumaju ñagũ Lázarore tũdi ĩ catiroca Jesús ĩ yija. ĩ catija tigoana ñari masa jeyarore goti batoñi ĩna. ¹⁸ Ito bajiri, “Tiyamani gaye, ĩoami Jesús”, yire oca tũocõri, Jesure tirã masa jājarã ejacã. ¹⁹ Ito bajiro masa ĩna yija ticõri, fariseo gaye tũoĩarã ĩnamasiti gãmeri busiyijarã:

—Tiya, masa jeyaro ĩ ocare tũo sũya wama ĩja. No yiado ma manire, yiyijarã fariseo gaye tũoĩarã.

Griego masa Jesure ĩna ãmare gaye

²⁰ Basa ñaroca Jerusalénju Diore rũcubũorã wana rãca wũsayijarã coriarã griego masa. ²¹ Felipere oca seniĩarã wayijarã ĩna. Galilea sita Betsaida wame cutiri cuto gagũ ñaquĩ Felipe. Ado bajiro Felipere yiyijarã ĩna:

—Jesure ti ãmosacõa gũa, yi josayijarã ĩna Felipere.

²² ĩna ito yija tũocõri, Andrésre gotigu wayiju Felipe. Ito bajiri ĩna jũarã Jesure gotirã ejacã gũa tũju. ²³ ĩna oca gotija tũocõri, ado bajiro yiquĩ Jesús ĩnare:

—Yũ ña Masa Rĩjoru. Ũmacũju rũcubũoraju yu tũdi mũjarotiju ejacoaju ĩja. Yũre ĩna sĩarotiju ejacoaju ĩja. ²⁴ Riti mũare gotia yũ. Trigo aje queno carabetoti jacaju iti quedija, judibetoja. Queno caracõri iti quedija, jaje judiro yiroja mũcana. Godacõri mũcana tũdi catiado bajiro baja iti. ²⁵ No ĩ catirise maibojagũti godagu yiguĩji. Ito yicõri Dios tũ ejabiquĩji ĩ. No adi macãrucũroju ĩ ñarise maibicũama godabicu yiguĩji. Catitiñare gaye bũjagu yiguĩji ĩocũama. ²⁶ No yũre moa ĩsi ãmogũ, yũre suyaja quena. No yũ ñaroti, ito ñagũ yiguĩji yũre moa ĩsigũ cũni. No yũre moa ĩsigũre rũcubũogu yiguĩji yũ Jacu, yiquĩ Jesús ĩnare.

Yũre sĩarã yirãji, Jesús ĩ yi gotire gaye

²⁷ ĩ Jacure busigu ado bajiro yiquĩ Jesús:

—Buto tuoña oca jaia yu. “Cuna adocãta yure rëtaroti gaye, iti yure rërame yirocu yure masoña”, ¿yirujati yu? Meje ito bajiro yibicuja yu. Itire tōbujarocu wadiru ña yu. ²⁸ Cuna, mu amoro bajiroti rëtajaro, masa mure ña rucubnotoni, yiqui Jesús, Diore busigu.

Ito i yirocati, ũmacuju oca ruyucu:

—Masa yure ña rucubnoroca yicacu yu. Mucana tudi ña rucubnoroca yigu ya yu, yire oca ruyucu ũmacuju.

²⁹ Gna iti oca tuocōri:

—Bujō ñarū, yicu gna coriarã. Gãjerãma:

—Ángel busiru, yicã ña.

³⁰ Ito bajiro masa ña yija tuocōri, ado bajiro yiqui Jesús:

—Yure yiari meje oca ruyubu. Muare yiari, mua tuotoni oca ruyubu. ³¹ Adocãta adi macãrucuro gãnare Dios i beserotiju ejacoaju ña. Ito yicōri, adi macãrucuro gãnare ñeñaro yi rotigure, ñe bucōagũ yiguñi Dios. ³² Masa yucutēoju yure ña muo rügōja, jãjarã yure ña boca amiroca yigu yiguja yu, yiqui Jesús masare.

³³ “Ito bajiro godagu yiguñi”, masa ña yi tuo masitoni, ito bajiro gotiqui Jesús ñare. ³⁴ Ito i yijare, ado bajiro cudicã masa:

—Gna masa bucurã papera tuti iti gotija, “Catitñagũ yiguñi Cristo”, yi gotia iti. ¿No yija, “Masa Rijorure muorã yirãji ña”, yati mu? ¿Ñimu ñati Masa Rijoru? yicã ña Jesure.

³⁵ Ña ito yijare ado bajiro cudiqui Jesús:

—Yu ña busurise rucogu, mua tuo masiroca, mua ti masiroca cuni yigu. Yoari mejeti muare wagogu yiguja yu. Yu waroto riojua muare riasogu ya yu maji. Ito bajiri mua rãca yu ñaroca riti queno riasotiya mua. Ito bajiro mua yija queno tuo masirã yirãji mua. Ito yicōri ñeñaro yimenaji mua. No rãitãroju wacu, “Ito waguja yu”, yi masibicu yiguñi. Ito bajiro yibojama ñeñaro yirã.

³⁶ Yu ña busurise rucogu. Yure tuorñuña mua, mua

rãca yu ñaroca riti maji. Yure mua tuorũnũja, queno tuo masirã yirãji. Ito yicõri yu ñarã ñatĩñarã yirãji, yiquĩ Jesús masare.

Ito bajiro masare ã gotija bero, gua masibetoju wa godacoaquĩ Jesús ãja.

Judio masa Jesure ãna tuorũnũbitire gaye

³⁷ Jaje tiyamani masa ãna tiro riojo ã ãbojarocati, ãre tuorũnũbiticã masa. ³⁸ ãna Jesure tuorũnũbeja, Isaías ñayoru ã ucado bajiroti rãtacu. Ado bajiro ucayoñi ã:

Gua ãju, gua gotirise sãgũ tuorũnũgũ mami. Ito yicõri, mu ãorisere sãgũ tuorũnũgũ mami, yi ucañi Isaías ñayoru.

³⁹ “Dios ã cõarure tuorũnũmena yirãji masa”, yirocu ado bajiro ucañi Isaías ñayoru:

⁴⁰ ãna tibitiroca yigu yiguñi Dios. Ito yicõri ãna ya usiju ãna tuo masibitiroca yigu yiguñi Dios. Ito bajiri ãna ya cajeana ti masimena yirãji ãna. ãna ya usina queno tuo masimena yirãji ãna. Ito yicõri, Dios ã cõarure tãdi yisio rotimena yirãji ãna, yi ucañi Isaías ñayoru.

⁴¹ Isaías ã cãiroju, buto Cristo ã ñasarise tiyiju ã. Ito bajiri iti gaye ucayoñi ã.

⁴² “Ito bajiro bajarã yirãji”, Isaías ã yire ñabobarocati jãjarã judio masa Jesure tuorũnũcã. ãna ujarã cuni coriarã Jesure tuorũnũcã. Masa ãna tuoro riojo, “Jesure tuorũnũgũ ña yu cuni”, yibiticã ãna. “Fariseo gaye tuoãrã manire bucõarã yirãji ãna”, yirona gotibiticã ãna. ⁴³ Dios gaye rãto busaro, masa gaye rũcũbuore ãmocã ãna.

Yu ocare tuorũnũbitianare ruyuriogu yiguñi Dios, Jesús ã yire gaye

⁴⁴ Gua tu tãdi ejacõri, ado bajiro masare oca sãoro busiquĩ Jesús:

—Yure tuorünurã, yure riti meje tuorünurã yirãji. Yũ Jacũ yure cõarure cuni tuorünurã yirãji. ⁴⁵ Yure mua tija, yure cõarure cuni tia mua. ⁴⁶ Yũ ña busurise rucogũ. Yure tuorünurã rãitfaroju ña ñame yirocũ, adi macãrucũrojũre wadicũ yũ. ⁴⁷ Yũ ocare tuobojaguti, yure ñ tuorünubeja, yũ meje ña ñre ruyuriorocũ. Adi macãrucũro gãnare ruyuriorocũ meje wadicũ yũ. Masare masorocũjua wadicũ yũ. ⁴⁸ Yure rucũbuobiticõri, yũ ocare tuorünubicure, ruyuriorocũ sīgũ ñacãguĩji. Yũ ocare ñ tuorünubiti waja sũsari rũmũ ñre ruyuriogu yiguĩji Dios. ⁴⁹ Yũmasirio meje busia yũ. Yũ Jacũ yure cõarũ, yũ busiroti, yũ riasoroti cuni yure cũcãquĩ ñ. ⁵⁰ “Yũ Jacũ ñ rotirise gaye ña tuorünũja, catitĩnarã yirãji ña”, yi tuoña yũ. Yũ busija, yũ Jacũ ñ rotiado bajiroti busia yũ, yiquĩ Jesús masare.

13

Ñ rãca riasotirã ya gũbori Jesús ñ coere gaye

¹ Pascua basa ñaroto riojua, “Yũ adi macãrucũrore wagicõri yũ Jacũ tu yũ waroto ejacoaju ñja”, yi tuoñari seyoñi Jesús. Adi macãrucũro gãnare ñ ñarãre maisotiquĩ Jesús. “Riti mũare buto maisacõa yũ”, yi ñorocũ, goda ñsirocũ ñacãñi Jesús.

² Gũa basusaroca Judas Iscariote Simón macure ñ ya usijũ ñacãri seyoñi rũmũ. Judas ya usijũ ñacõri, “Jesús wajana ñre ña ñiatoni gotiba”, yi ñari seyoñi rũmũ Judasre. ³ Ado bajiro yi tuoñari seyoñi Jesús, “Dios yagu wadirũ ña yũ, ito yicõri ñ tu tũdi wacũ yiguja yũ. Yũ roti masitoni yũ Jacũ ñ cũrũ ña yũ”, yi tuoñari seyoñi Jesús. ⁴ Gũa basusa ñaroca bare jeoado tu rujigu wũmũ rũgũquĩ Jesús. Joegado ñ sãñaro ruacõri, toallana ñ ya jeragaju wẽo taquĩ. ⁵ Ito yicõri rujatẽroju ide jioquĩ. Ito yicõri gũa ya gũbori coesũoquĩ Jesús. Coe tĩocõri toalla ñ wẽo tarona gũa ya gũbori caroquĩ ñ.

⁶ Simón Pedore gũbo ã coegu wagu yiroca ado bajiro yiquĩ Simón Pedro ãre:

—¿Yũ Ʋju, yũ ya gũbore coegu yati mũ? yiquĩ Pedro.

⁷ Ito ã yijare cãdiquĩ Jesús:

—Adocãta mũa ya gũbori yũ coerise queno tuo masibea mũa maji. Ija co rũmũ masirã yirãji mũa itire, yiquĩ Jesús.

⁸ Ito ã yibojarocati:

—Yũ ya gũbore coebicũ yigũja mũ, yiquĩ Pedro Jesure.

Ito ã yijare:

—Mũ ya gũbori yũ coebeja yũ rãca gagũ meje ñagũ yigũja mũ, yiquĩ Jesús Pedore.

⁹ Ito ã yija tuocõri, cãdiquĩ Pedro:

—Mũ ito yija, yũ ya gũbori riti meje coeya. Yũ ya ãmo cãni, yũ ya rijoga cãni coeya, yiquĩ Pedro Jesure.

¹⁰ Ito ã yija tuocõri, ado bajiro cãdiquĩ Jesús:

—Gua tãocãrũre jeyaro rujuri coere ma. Gũbori riti coeja quena. Ʋeri mana bajiro bajirã ña mũa. Ito bajibojarocati sãgũ ñami mũa rãca gagũ Ʋeri jaigu bajiro bajigu, yiquĩ Jesús gũare.

¹¹ “Í ñami yũre ãna ñiatoni gotiri masũ”, yi masicõri, “Mũa jeyaro meje Ʋeri mana ña mũa”, yiquĩ Jesús gũare.

¹² Gũa ya gũbori coe tãogũ joe ã sãñaro sãñaquĩ Jesús mũcana. Bare jeoado tũ rujicõri ado bajiro yiquĩ ã mũcana gũare:

—¿Mũare gũbori yũ coerise tuo masiati mũa? ¹³ “Gũare riasogu, gũa Ʋju”, ya mũa yũre. Íti ña yũ. Ito bajiro yũre mũa yija quena ña. Riojo ya mũa. ¹⁴ Yũ mũa Ʋju, mũare riasogu ñabojaguti mũa ya gũbori yũ coeja, mũamasi cãni gãmeri gũbori coeja quena. ¹⁵ Yũ yiro bajiro mũa yitoni mũare ãocãmu yũ. ¹⁶ Riti mũare gotia yũ. Sãgũ moa ãsiri masũ ã Ʋju rãtoro ñasabiquĩji ã. Sãgũ gãji cõaru ã ñaja ãre cõaru rãtoro ñasabiquĩji ã. ¹⁷ Iti yũ busirise tuocõri, ito

yicōri itire mua queno cūdija, wanu quenarã yirãji mua, yiquĩ Jesús, guare.

¹⁸ Mucana gaje ado bajiro gotiquĩ Jesús guare:

—Mua jeyarore tuoĩagũ meje busia yu. “Ĩna ñama yu beseana”, yi masia yu. Dios ĩ busigore rētarō ya. Ado bajiro gotia iti ĩ oca tutina: “Yu rãca bagu ñabojaguti yure jidicãgũ yiguĩji”, yi gotia Dios oca. ¹⁹ Iti rētaroto riojua muare gotia yu. Ito bajiri iti rētaja ticōri, “Dios cōaru ña yu”, yu yiro bajiroti yure tuorũnrã yirãji mua. ²⁰ Riti muare gotia yu, Yu cōanare boca ãmirã yure cuni boca ãmirã yirãji. Noa yure boca ãmirã yure cōarure cuni boca ãmirã ñama ĩnaõna, yiquĩ Jesús guare.

Yure ĩna ñiatoni yu wajanare gotigu yiguĩji Judas, Jesús ĩ yire gaye

(Mt 26.20-25; Mr 14.17-21; Lc 22.21-23)

²¹ Ito bajiro ĩ yija bero, ĩ ya usiju buto tuoĩa bojori bujaquĩ Jesús. Queno riojo guare gotigu ado bajiro yiquĩ ĩ:

—Riti muare gotia yu. Yure ĩna ñiatoni yu wajanare gotigu yiguĩji mua rãca gagu, yiquĩ Jesús guare.

²² Ito ĩ yija tuocōri, gua ĩ rãca riasotirã guamasiti gãmeri ticu. “Ĩre busiguĩji”, yi masibiticu gua. ²³ Yu ĩ rãca riasotigure buto maiquĩ Jesús. Ito bajiri gua basusacati rumu ĩ tu ba rujicu yu. ²⁴ ¿Ñimure tuoĩagũ busiati mu? yi Jesure yu seniĩatoni yure ti ñucaquĩ Simón Pedro. ²⁵ Ito ĩ yija ticōri, Jesús tu busa eja rũjũcōri, ĩre seniĩacu yu:

—Yu Uju, ¿ñimujua ñati mure oca menirocu? yicu yu Jesure.

²⁶ Ado bajiro cūdiquĩ Jesús yure:

—Najuro yosecōri, yu ĩsigũ, ĩ ñagũ yiguĩji, yiquĩ Jesús yure.

Ito bajiro ĩ yija bero, Judas Iscariote Simón macure ĩsiquĩ ĩ. ²⁷ Iti naju ĩ boca ãmirocati rũmúa ujju Satanás

sājacoari seyoquĩ Judas ya usijũ. Ito bajijare ado bajiro yiquĩ Jesús ĩre:

—Yũre mũ oca meni ãmorise cojisiti wacõri oca meniña, yiquĩ Jesús Judasre.

²⁸ ĩ rãca ba rujicãna gũa sīgũjũa ito bajiro ĩ busirisere tũo masibiticũ gũa. ²⁹ Gũa ya niyeru awirucare tirũnugũ ñaquĩ Judas. Ito bajiri, “Basa rãmũ ñaroca mani baroti waja yitẽña”, yiguĩji Jesús, yire masicũ gũa. “Bojoro bũjarãre niyeru ĩsitẽña”, yiguĩji gajea, yire masicũ gũa.

³⁰ Naju Jesús ĩ ĩsirise boca bacõri, wacoaquĩ ĩ ĩja. Ito bajiro ĩ yiroca ñamijũ ñacoacũ ĩja.

Mame rotire gaye

³¹ Judas ĩ wagoja bero ado bajiro yiquĩ Jesús gũare:

—Ūmacũjũ, yũ Masa Rĩjorũ, yũre rũcũbuorojũ ware ejacoajũ ĩja. Yũre rẽtaroti gaye ticõri, Diore rũcũbuorã yirãji masa. ³² Diore masa ĩna rũcũbuoroca yũ yija, yũre cũni ĩna rũcũbuoroca yigũ yiguĩji Dios. Yoari mejeti ito bajiro yigũ yiguĩji Dios. ³³ Yũ rĩa robo bajirã ña mũa. Mũa rãca yoari ñabicũja yũ ĩja. Yũre ãmabojarã yirãji mũa. Canũ gãjerã judio masare yũ goticato bajiroti adocãta mũare cũni gotia yũ. “Yũ waroto wa masimenaji mũa”, ya yũ mũare cũni. ³⁴ Adocãta mame rotire gaye mũare gotigũ ya yũ. Ado bajiro baja ito. Gãmeri ti maima mũa. Mũare yũ ti mairo bajiroti mũa cũni gãmeri ti maija quena. ³⁵ Mũa gãmeri ti maija ticõri, “Jesús rãca riasotirã ñama ĩna”, yirã yirãji masa jeyaro.

“*Jesure masibea yũ*”, yigũ yigũja mũ, Pedrore Jesús ĩ yire gaye

(Mt 26.31-35; Mr 14.27-31; Lc 22.31-34)

³⁶ Ito ĩ yija tũocõri, Jesure seniñaquĩ Simón Pedro:

—Yũ Ūjũ, ĩnoju wacũ yati mũ? yiquĩ Pedro ĩre.

Ito bajiro ĩ yijare:

—Adocãta yu warotoju wa masibicuja muáma maji. Ija yure suyagu yiguja mucana, yiquí Jesús Pedrore.

³⁷ Ito í yija tuocõri:

—Yu Uju, ¿no yija adocãta mu rãca wa masibicujada yu? Gãjerã yure ñna sãbojarocati mure jidicãbicuja yu. Mure goda ñsirocũ ñacã yu, yiquí Pedro Jesure.

³⁸ Ito í yijare cudiquí Jesús:

—¿Riti yure goda ñsirocũ ñacãti mu? Riti mure gotia yu. Cara í yujiroto riojua udiaji, “Jesure masibea yu”, yigu yiguja mu, yiquí Jesús Pedrore.

14

Yuna suoriti mani Jacu tu ejarã yirãji mua, Jesús í yire gaye

¹ Mucana gaje ado bajiro gotiquí Jesús guare:

—Buto tuoia usirio yibeja mua. Diore tuorũnucõri, yure cuni tuorũnuña. ² Cuna ya wi mua ñarotijuri jaje ñaroja. Ito bajiro iti bajibeja muare gotibitiboa yu. Itoju mua ñarotiju queno yugu waju yu. ³ Ito wacõri mua ñarotijuri queno tĩogũ mucana tũdi wadigu yiguja yu. Ito yicõri yu ñaroju mua ñatoni muare ãmigũ ejagu yiguja yu. ⁴ Yu warotiju masia mua. Ito yicõri itoju wara mare masia mua, yiquí Jesús guare.

⁵ Ito í yibojarocati ado bajiro yiquí Tomás:

—Gua Uju, mu warotore masibea gua. ¿No bajiro ito wara mare masirã yirãjida gua? yiquí Tomás Jesure.

⁶ Ito í yijare ado bajiro cudiquí Jesús:

—Yu ña ito wara ma bajiro bajigu. Yuti ña riojo gotigu. Yuti ña catitĩñare rucogu. Yu sīgũna suoriti yu Jacu tu ejare ñaro yiroja. ⁷ Yure mua ti masija yu Jacure cuni ti masirã yirãji mua. Yure ticõri ñre ticã mua. Ito bajiri ñre ti masirã ña mua ñja, yiquí Jesús guare.

⁸ Ito í yijare ado bajiro yiquí Felipe ñre:

—Gua ʘju, mu Jacure gua tiroca yija. Ito bajiro mu yija quena ñaroja guare. “Riti gotia mu”, yi masirã yirãji gua ñja, yiquĩ Felipe Jesure.

⁹ Ito ñ yijare:

—Iti ramuju mua rãca ñasucũ Felipe yu. ¿No yija ito bajibojarocati yure ti masibeati mu maji? Noa yure tigoana yu Jacure cuni tirã ñama. Ito bajiri, ¿no yija ñre tigoana ñabojarãti, “Mu Jacure gua tiroca yija”, yati mua yure? ¹⁰ “Yu Jacu rãca ña yu. Í cuni yu rãca ñami”, yu yija, ¿yure tuorũnubeati mua? Yu muare busirise yumasi tuoĩa rujeocõri meje busia yu. Yu Jacu yu rãca ñagũ, yuna suoriti ñ moarise yami ñ. ¹¹ “Yu Jacu rãca ña yu. Í cuni yu rãca ñami”, yu yija yure tuorũnũña. Yu busirise mua tuorũnu ãmobeja, tiyamani yu ñorise ticõri, yure tuorũnũña. ¹² Riti muare gotia yu. No yure tuorũnugũ, yu yiro bajiroti yigu yiguĩji. Yu Jacu tu wacu ya yu. Dios tu yu tudĩ wajare, tiyamani yu ñogore rẽto busaro tiyamani ñorãji mua cuni. ¹³ Yure mua tuorũnũja, no mua seniro bajiroti muare ñsigũ yiguja yu. Ito bajiro yu yijare, yu Jacure rucuborã yirãji masa. ¹⁴ Yure mua tuorũnũja, no mua seniro bajiroti cudigu yiguja yu, yiquĩ Jesús guare.

Espíritu Santore cõagũ yiguĩji Dios, Jesús ñ yire gaye

¹⁵ Yure mua maija yu rotirisere cudirã yirãji mua. ¹⁶ Ito bajiro mua yija yu Jacure senigũ yiguja yu, yure wasoarocũ ñ cõatoni. Í cõarocũ ñ ñagũ yiguĩji Espiritu Santo riojo gotigu. Mua rãca ñatĩñagũ yiguĩji muare ejabuarocũ. Ito yicõri mua bojori bujaja muare baba cutigu yiguĩji. ¹⁷ Adi macãrucũro gãna ñre ti masibeama ñna. Ito bajiri ñre boca ãmi masimenaji ñna. Mua rãca ñ ñajare, ñre masirã ña muama. Mua ya usiju ñatĩñagũ yiguĩji ñ. ¹⁸ Muare jidicãbicu yiguja yu. Mucana mua rãca ñarocũ ejagu yiguja yu. ¹⁹ Yoari mejeti wacu ya yu ñja. Ito bajiri yure tuorũnumenama yure timenaji ñja. Muama

tudi yure tirã yirãji. Tudi catigu yiguja yu. Ito bajiri mua cuni catirã yirãji. ²⁰ “Yu Jacu rãca ña yu. Ito yicõri mua rãca ña yu, muaña cuni yu rãca ña”, yu yicato bajiro, tudi yu catiri rumu, “Riti gotiñi Jesús”, yi tuoïarã yirãji mua. ²¹ Yu rotirise masicõri cudigu ïocüti ñami yure maigũ. Yure maigũre maigũ yiguïji yu Jacu cuni. Yu cuni ïre maigũ yiguja. Ito yicõri yure ï ti masiroca yigu yiguja yu, yiquï Jesús guare.

²² Ito ï yija tuocõri, Judas Iscariote meje, gãji Judas wame cutigu ado bajiro ïre cadiquï:

—Gua Uju, ¿no yija adi macãrucãro gãnare ïobicuti, guare riti goaïogũ yigujada mu? yi seniïaquï ï Jesure.

²³ Ito ï yijare:

—No yure mairã, yu busirise tuorũnurã yirãji. Ito bajiri yu Jacu ïnare maigũ yiguïji. Ito bajiri yu cuni yu Jacu rãca ïna tu ñarã wadirã yirãji gua. ²⁴ No yure ti maibicu yu busirise tuorũnubiquïji. Yu busija mua tuorise yumasi tuoïa rujeocõri busire meje ña.

²⁵ ‘Mua rãca yu ñarijugoti itire muare gotia yu. ²⁶ Yure wasoarocure Espiritu Santo cõagũ yiguïji yu Jacu. Muare ejabuagu yiguïji ï. Ito yicõri mua bojori bujaja muare baba cutigu yiguïji ï. Jeyaro muare riasogu yiguïji ï. Jeyaro muare yu gotirise mua tuoïa bujaroca yigu yiguïji ï, yiquï Jesús guare.

²⁷ Gaje ado bajiro gotiquï Jesús guare:

—Muare ware gotigu, “Ñe oca mano queno ñama mua”, ya yu muare. Mua queno ñaroca ya yu. Adi macãrucãro gãnama queno mua ñaroca yi masimenaji. Yu ña mua tuoïa usiriobeto ñaroca yigu. Ito bajiri tuoïa usirio yibesa. Ito yicõri güibesa. ²⁸ “Wacu ya yu, ito bajibojarocati mua rãca ñagũ ejagu yiguja mucana”, yu yija tuobu mua. Riti yure mua maija, “Yu Jacu tu wacu ya yu”, yu yija, queno wanu quenaboa mua. ï ñami yu rëto busaro ñagũ.

²⁹ Jeyaro iti rêtaroto riojua iti mware gotia yu. Ito bajiri iti rêtaja ticõri, yure tuorũnurã yirãji mua.

³⁰ Yoari mejeti mware busigu ya yu. Adi macãrucãro gãnare ñeñaro yi rotigu wadicõaguĩji rãmúa uju. Yure roti masigũ meje ñami ã. ³¹ Yu Jacu ã rotiado bajiroti ya yu. Ito bajiro yu yija ticõri, “Ï Jacure maigũ ñami ã”, yi yirãji adi macãrucãro gãna, yiquĩ Jesús guare. Ito bajiro ã yija bero:
—Ita, adijure wagoto mani, yiquĩ Jesús guare.

15

Uyegu ñasaricu robo bajigu ña yu, Jesús ã yire gaye

¹ Mucana gaje ado bajiro gotiquĩ Jesús guare:

—Uyegu ñasaricu robo bajigu ña yu. Uyegure tirũnugũ robo bajiro bajigu ñami yu Jacu. ² Yu ya rujuri iti rica manija jatagu yiguĩji ã. Yu ya rujuri iti rica cutija, queno tirũnugũ yiguĩji, jai busaro iti rica cutitoni. Yu ya rujuri gaja iti siniaja itire bejagu yiguĩji ã. Ito yicõri gajeoni iti judija itire ãmicãgũ yiguĩji, jai busaro iti rica cutitoni. ³ Yu riasorise tuorũnucõri queno ña mua. Ueri mana bajiro bajia mua. ⁴ Yure bajiroti usi cutisotiya mua cani. Ito bajiro mua yija, mua rãca ñatĩñagũ yiguja yu. Yucu ruju rujagure iti wãñabeja rica mano yiroja. Iti bajiroti yure mua tuorũnubeja yure queno moa ãsimenaji mua. Yure moa ãsibiticõri, uyegu rica manigũ bajiro bajirã yirãji mua, yiquĩ Jesús guare.

⁵ Gaje guare ado bajiro riasoquĩ ã:

—Yu ña rujagu robo bajigu. Yu ya rujuri robo bajirã ña mua. No yure bajiro usi cutirã ãna rãca yu ñajare, yure queno moa ãsirã yirãji ãna. Ito yicõri rica cutirã bajiro bajirã yirãji ãna. Yu manija no yi masimenaji ãna. ⁶ No yu rãca sãgũre bajiro usi cutibicure ãre cõagũ yiguĩji yu Jacu. Siniara rujurire ãmicõri, jeameju soeado bajiro yigu yiguĩji yu Jacu ãocũre.

⁷ Yure bajiro usi cūtisoticōri yu riasorise ācabo-jabiticōri mua āmoro bajiro mua senija, mua āmoro bajiroti cūdigu yiguja yu. ⁸ Yure mua queno moa īsija ticōri, yu Jacure queno rūcubūorā yirāji masa. Ito yicōri, “Riti Jesús rāca queno riasotiana ñama āna”, yi masirā yirāji masa muare. ⁹ Yu Jacu yure ī mairo bajiroti muare maia yu. Yu mairā ña mua. Ito bajiri ito bajiroti ñaña mua. ¹⁰ Yu rotirise mua cūdi ñasotija, yu mairā ñatīñarā yirāji mua. Ito bajiroti yu Jacu ī rotirise cūdisotia yu cūni. Ito bajiri yure maisotiami Cūna.

¹¹ Yū rāca mua wanu quenatoni itire muare gotia yu. Ito yicōri mua ya usiju queno mua wanu quenatoni, itire muare gotia yu. ¹² Ado bajiro baja yu rotirise: Yu muare mairo bajiroti, mua gāmeri ti maija quena. ¹³ Sīgū ī baba mesare maigū, ñnare ī goda īsija iti ña buto maire gaye. ¹⁴ Yu rotiro bajiroti mua cūdija, yu baba mesa ñarā yirāji mua. ¹⁵ Ito bajiri, “Yure moa īsirā ña mua”, yibe a yu īja muare. Moa īsiri masama ña űju yirisere masimenaji ña. “Yu baba mesa ña mua”, ya yu muare adocāta. Jeyaro yu Jacu yure ī gotire mua masiroca yicācu yu. Ito bajiri yu baba mesa ña mua. ¹⁶ Mua meje ña yure beseana. Yujua muare besecu. Muare cūa yu, yu ocare gājerāre mua riasotoni. Ito bajiro mua yija coriarā queno yure tūorūnūstirā yirāji ña. Iti ña rica jogabiti robo bajirise. Ito bajiro masare mua riasoja ticōri, yure mua seniro bajiroti īsigū yiguji yu Jacu. ¹⁷ Ado robojua ña muare yu rotirise: “Gāmeri ti maiña mua”, yi rotia yu muare, yiquí Jesús guare.

Adi macārucūro gāna manire ti tudirā yirāji, Jesús ī yire gaye

¹⁸ Gaje guare ado bajiro riasoquí Jesús:

—Adi macārucūro gāna muare ña ti tudija, “Manire ña ti tudiroto riojua Jesure ti tudisuoñi ña”, yi tūoīarā yirāji

mua. ¹⁹ Adi macãrucũro gãna ñna ñarãre mairãji. Adi macãrucũro gãna ñna tũoĩaro bajiro mua tũoĩaja, mũare cuni maiboana ñna. Adi macãrucũro gãna wato ñarãre mũare besecu yũ. Adocãta ñna bajiro tũoĩarã meje ña mua. Ito bajiri mũare ti tudiana ñna. ²⁰ Yũ busirise tũote mua: “Moa ñsiri masa ñna uju rẽto busaro ñasarã meje ñama ñna”, yari mũare gotibu yũ. Adi macãrucũro gãna yũre usirio codeama. Ito bajiri mũare cuni usirio coderã yirãji ñna. Yũ riasorisere cudibiticã ñna. Ito bajiri mũare cuni cudimena yirãji ñna. ²¹ Yũre cõarure masibeama adi macãrucũro gãna. Ito bajiri yũ ñarã mua ñajare, mũare usirio coderã yirãji ñna, yiquĩ Jesús guare.

²² Gaje guare ado bajiro riasoquĩ Jesús:

—Adi macãrucũro gãnare busirocu yũ wadibeja ñnare seti maniboadoja. Yũ ñnare gotija bero ñajare, “Guare seti ma”, yi masibeama ñna ñja. ²³ No yũre ti tudirã yũ Jacure cuni ti tudirã ñama ñna. ²⁴ Ñna tiro riojo tiyamani yũ ñobeja seti maniboadoja ñnare. Tiyamani yũ ñoja tigoana ñama ñna. Tigoana ñabojarãti yũre ti tudiana ñna. Ito yicõri yũ Jacure cuni ti tudiana ñna. ²⁵ Ñna ya papera tuti ucare gaye iti gotiado bajiroti rẽta adocãta. Ado bajiro gotia iti: “Ñe manoti yũre ti tudiana ñna”, yi gotia iti oca.

²⁶ Espiritu Santo riojo gotigure mua tu cõagũ yiguja yũ. Mũare ejabuagu yiguĩji ñ. Ito yicõri mua bojori bujaja mũare baba cutigu yiguĩji. Yũ Jacu tu wadiru ñagũ yiguĩji ñ. Yũ gaye mũare gotigu yiguĩji ñ. ²⁷ Cajerojuti yũ riasosũorocajuti yũ rãca ñasũocu mua. Ito bajiri masare mua riasoja mua cuni yũ gaye busirã yirãji mua, yiquĩ Jesús guare.

16

¹ Gaje guare ado bajiro gotiquĩ Jesús:

—Adi oca muare gotia yu, ija iti rëtaroca yure mua jidicãme yirocu. ² Ija ñna ya minijuara wiju mua ñaroca muare bucõarã yirãji ñna. Ito yicõri muare ñna sñaja, “Diore cudirã sña mani”, yi tuoïabojarã yirãji ñna. ³ Ito bajiro yirã yirãji ñna, yure cuni yu Jacure cuni masimena ñari. ⁴ Iti oca muare gotia yu. Ija ito bajiro iti rëtaroca, “Ito bajirogo yiquïda Jesús”, yi mua tuoïa bujatoni, muare gotia yu.

Espíritu Santo ï moarise

’Cajero muare riasogu iti oca gotibiticu yu maji. “Ïna rãca ñagũ yiguja yu maji”, yi tuoïagũ iti oca muare gotibiticu yu maji. ⁵ Yure cõaru tu ñagũ wacu ya yu adocãta. Ito bajibojarocati, “¿No wati mu?” yi seniãbea mua yure. ⁶ Iti oca muare yu gotijare mua ya usiju bojori buja mua. ⁷ Riti muare gotia yu. Yu waja quena ñaro yiroja muare. Yu wabeja, muare ejabuaroçu, mua bojori bujaja muare baba cutiroçu mua rãca ñagũ wadibiquïji Espiritu Santo. Yu wajama ïre cõagũ yiguja yu. ⁸ Ï wadija, “Ñeñaro yirã ña mani”, adi macãrucũro gãna yi ñna tuoïaroca yigu yiguïji ï. “Quenarise mani yija, Diore cudirãji mani”, ñna yi masiroca yigu yiguïji Espiritu Santo. “Diore mani cudibeja manire waja senigũ yiguïji”, ñna yi masiroca yigu yiguïji Espiritu Santo. ⁹ Adi macãrucũro gãna yure tuorũnubitiana ñari seti cutirã ñama ñna ïja. ¹⁰ Yu Jacu ï ñaroju yu wajare, “Quenarise mani yija, Diore cudirãji mani”, yi masirã yirãji masa. Yu Jacu tu yu wajare, yure timena yirãji mua. ¹¹ Adi macãrucũro gãnare ñeñaro yi rotigu Satanásre ruyuriogu yiguïji Dios. Ito bajiri, “Diore mani tuorũnũja ï yiro bajiroti jeame ñjuroju cõabicu yiguïji Dios, manire”, masa ñna yi masiroca yigu yiguïji Espiritu Santo.

¹² Jaje gotiroti ñaboja yure maji. Ito bajibojarocati adocãta yu goti jeoja itire tuo masimenaji mua maji.

¹³ Espíritu Santo riojo gotigu ï ejaroca riojo oca ñasarise muare riasogu yiguñji ï. Ímasirio meje busigu yiguñji. ï tuogore muare gotigu yiguñji. Ija rëtaroti gaye mua masiroca yigu yiguñji ï. ¹⁴ Yu riasorise gaye boca ãmicõri mua masiroca yigu yiguñji Espíritu Santo. Ito bajiro yicõri masa yure ñna rûcuboroca yigu yiguñji Espíritu Santo. ¹⁵ Ñarocõti yu Jacu ï gotiro bajiroti gotia yu cuni. Ito bajiri, “Yu riasorise boca ãmicõri, mua masiroca yigu yiguñji Espíritu Santo”, yibu yu muare, yiquí Jesús guare.

¹⁶ Gaje guare ado bajiro gotiquí Jesús:

—Yu Jacu tu wacu ya yu. Ito bajiri nocõ mejeti yure timena wana ya mua. Ito bajibojarocati mucana yoari mejeti tûdi yure tirã yirãji mua, yiquí Jesús gua ï rãca riasotirãre.

Bojori bujabojana tûdi wanu quenarã yirãji mua mucana, Jesús ï yire gaye

¹⁷ Ito ï yija tuocõri, gua coriarã ado bajiro gãmeri seniãacu gua:

—¿No yireoni ñati iti? yicu gua. “Yu Jacu tu wacu ya yu, ito bajiri yure timena wana ya mua. Ito bajibojarocati mucana yoari mejeti yure tirã wana ya mua”, yami manire. ¿No yireoni ñati iti? yicu gua. ¹⁸ “Yoari mejeti”, manire ï yija, ¿no yireoni ñarojada? “Iti gaye busiguñji, yi masibea mani”, yi gãmeri basicu gua Jesús rãca riasotirã.

¹⁹ “Yure seniãa ãmoama ãna”, yi tuoñari seyoquí Jesús. Ito bajiri ado bajiro yiquí ï guare:

—Yoari mejeti yure timena wana ya mua. Ito bajibojarocati mucana nocõ mejeti yure tirã wana ya mua, yibu yu muare. Ito bajiro yu yirise, ¿muamasiti gãmeri seniãati mua? ²⁰ Riti muare gotia yu. Oticõri, buto bojori bujarã yirãji mua. Adi macãrucãro gãnama wanurã yirãji ñna. Bojori bujarã ñabojarãti yoari mejeti mucana tûdi wanurã yirãji mua. ²¹ Ado bajiro baja: Sîgõ romio macu rucogo

wago iso yija, t̄oĩa oca jaigo yigōji, “Ȳre juniro yiroja”, yiroco. Iso mac̄u r̄ucoja bero junirise gaye t̄udi t̄oĩabeco yigōji iso. Adi mac̄ar̄uc̄uroj̄ure mac̄uac̄ã ĩ rujeajare b̄uto wan̄u quenagō yigōji iso. ²² Ito bajiroti m̄ua c̄uni adoc̄ãta t̄oĩa oca jaia. M̄ucana m̄uare tigu ejagu yiguj̄a ȳu. Ȳre m̄ua tija m̄ua ya ̄sij̄u b̄uto wan̄urã yirãji m̄ua. Ito bajiro m̄ua wan̄uja, ñimuj̄ua m̄uare camota masibiquĩji.

²³ Iti r̄am̄u iti ejaja ñejua ȳre senimena yirãji m̄ua. Riti m̄uare gotia ȳu. Ȳre t̄uor̄ũn̄uc̄õri, ȳu wamena ȳu Jac̄ure m̄ua senija, m̄ua seniro bajiroti ĩsigũ yiguj̄i ĩ. ²⁴ Adi rioj̄ua ȳu wamena senibitic̄u m̄ua maji. Adi r̄am̄una ȳu wamena senis̄uorã ya m̄ua. Ito bajiri queno m̄ua wan̄u quenatoni m̄ua boca ãmiroca yiḡu yiguj̄i Dios, yiquĩ Jesús guare.

Adi mac̄ar̄uc̄uro ñeñaro yirã ̄j̄ure r̄etoc̄uc̄u ȳu, Jesús ĩ yire gaye

²⁵ Gaje guare ado bajiro gotiquĩ Jesús:

—Iti m̄uare ȳu gotirise goti masiore ocana gotib̄u ȳu. Ija ñaro yiroja goti masiore ocana meje m̄uare ȳu b̄usiri r̄am̄u. Recoti m̄ua t̄uoro riojo ȳu Jac̄u gaye m̄uare b̄usigu yiguj̄a ȳu. ²⁶ Iti r̄am̄uri ȳu wamena ȳu Jac̄ure senirã yirãji m̄ua. Ito bajiri m̄uare yiari ȳu Jac̄ure b̄usi ĩsire mano yiroja. M̄uamasiti b̄usirã yirãji ĩja. ²⁷ M̄uare yiari ȳu Jac̄ure b̄usi ĩsibic̄uja ȳu ĩja. Ȳu Jac̄umasiti m̄uare maicãmi. Ȳre m̄ua maijare ȳu Jac̄u m̄uare maicãmi. “Dios yagu wadir̄u ñami Jesús”, m̄ua yijare m̄uare maicãmi ĩ. ²⁸ Ȳu Jac̄u t̄u wadic̄õri, adi mac̄ar̄uc̄uroj̄u ejacu ȳu. Adi mac̄ar̄uc̄uro ḡanare wagoc̄õri, ȳu Jac̄u t̄u wacu ya ȳu m̄ucana, yiquĩ Jesús ḡua ĩ r̄ãca riasotirãre.

²⁹ Ito ĩ yija t̄uoc̄õri, c̄udicu ḡua:

—Goti masiore ocana meje, queno riojo gotia m̄u adoc̄ãta. ³⁰ “Jeyaro masigũ ña m̄u”, yi ti masia ḡua ĩja. “¿Riti gotiati m̄u?” yi seniñare ma ĩja. “Dios t̄u wadir̄u ña m̄u”, yi t̄uor̄ũn̄ua ḡua m̄ure ĩja, yicu ḡua Jesure.

³¹ Għa ito yijare, ado bajiro ċadiqui Jesús:

—¿Riti adocāta yure t̄wor̄ñuati m̄a? ³² Batacōri, yure m̄a wagoroto ejacoaju. Riti gotia yu. Yure m̄a wagoroto ejacoaju ija. Ito bajibojarocati siḡu meje ña yu. Yu Jacu yu rācati ñami. ³³ Iti jeyaro m̄are gotia yu, yure t̄wor̄ñucōri, m̄a ya usiju usiriore mano m̄a ñatoni. Adi macāruc̄roju m̄a ñaja, jeyaro tōbujarã yirãji m̄a. Oca sēoña m̄a, adi macāruc̄ro gānare ñeñaro yi rotigure rētocūcu yu, yiqui Jesús għa i rāca riasotirāre.

17

Ī rāca riasotirāre yiari Jesús Diore Ī seni ĩsire gaye

¹ Ito bajiro ĩ yija bero macāruc̄roju ti m̄ocōri, ado bajiro yiqui Jesús:

—Cuna m̄ tu yu t̄di ejaroti ejacoaju ija. Yu ña m̄ Macu. Masa yure ña r̄uc̄buoroca yiya. Ito bajiroti yu c̄ni m̄re ña r̄uc̄buoroca yigu yiguja. ² Yu ña m̄ Macu. Masare yu roti masitoni yure c̄yija m̄. Yure m̄ ĩsiana ña catitĩnaroca yu yi masitoni yure c̄yija m̄. ³ Ado bajiro bajia catitĩñare gaye: M̄ siḡuti riojo oca ñasarise gotigure masicōri, ito yicōri yu Jesucristo m̄ cōarure t̄wor̄ñucōri, catitĩñarã yirãji masa. Ito bajiro bajia catitĩñare gaye.

⁴ 'Adi macāruc̄ro yu ñaja m̄re masa ña r̄uc̄buoroca yicu yu. Yure m̄ roti ñucacato bajiroti itire gajanoa yu.

⁵ Adi macāruc̄ro iti ñaroto riojuaju m̄ rāca r̄uc̄buogu ñacu yu. Cuna, ito bajiroti adocāta m̄ tiro riojo masa yure ña r̄uc̄buoroca yiya.

⁶ 'Yu rāca riasotirã adi macāruc̄ro gāna wato m̄ beseana ñama. Īnare besecōri, yure ĩsiyija m̄. M̄re ña masiroca yicu yu. M̄ ñarã ñañi ña. Īnare yure ĩsiyija m̄. M̄ ocare ċadisotirã ñama ña. ⁷ No yure m̄ ĩsirise, “Dios ye wadire ña”, yi t̄o masiama ña. ⁸ M̄ ocare yure m̄

goticato bajiroti ñnare goticu yu. Iti ocare tuoõõri, boca ãmicã ñna. “Dios tu wadiru ñnami ãni”, yi masiama ñna, yure ñja. “Dios ñ cõaru ñnami ãni”, yi yure tuoõõnãama ñna ñja.

⁹ Ñnare yiari mure busia yu. Adi macãrucũro gãnare yiari meje mure busia yu. Yure mu ñsiana, mu ñarã ñna ñajare, ñnare yiari busia yu. ¹⁰ Yu ñarã jeyaro mu ñarãti ñnama ñna. Ito yicõri mu ñarã yu ñarãti ñnama ñna. Yu rãca riasotirã mu ñarã ñnama. Ñna queno yirise ticõri, yure rucubõorã yirãji masa.

¹¹ Mu rãca ñagũ wacu ya yu. Ito bajiri adi macãrucũrore wagogu ya yu ñja. Yu rãca riasotirãma adi macãrucũroju tujarã yama. Cuna, ñeñarise yĩabicu ña mu. Ñna yure mu ñsianare mu masirisena ñnare tirũnuma. Mani sũgũre bajiro tuoõarã ña. Manire bajiroti ñna cuni sũgũre bajiro ñna tuoõatoni ñnare tirũnuma. ¹² Adi macãrucũroju yure mu ñsiana rãca yu ñaroca mu masirisena queno ñnare tirũnucy yu. Sũgũ yure godagobe yirocy queno ñnare tirũnucy yu. Ito bajibojarocati sũgũ ñnaquĩ yure godagocacy. Ñ ñnaquĩ jeame õjuroju warocy. Mu oca iti gotiro bajiroti iti rõtatonu yure godagoquĩ ñ.

¹³ Adocãta mu tu wacu ya yu. Adi macãrucũroju ñagũ maji adi oca ñnare gotia yu. Yu wanõro bajiroti ñna cuni wanõ quena jeditoni iti oca ñnare gotia yu. ¹⁴ Mu ocare ñnare goticu yu. Adi macãrucũro gãna bajiro meje tuoõa yu. Yu rãca riasotirã cuni adi macãrucũro gãna bajiro tuoõarã meje ñnama ñna. Ito bajiri adi macãrucũro gãna ñnare ti tudiamu. ¹⁵ Adi macãrucũrojure ñnare mure ãmigo rotibea yu. Ado bajirojua mure senia yu: “Ñnare camotaya rũmũ usirioro ñnare yibe yirocy”, ya yu mure. ¹⁶ Adi macãrucũro gãna bajiro tuoõagũ meje ñna yu. Ito bajiri yu rãca riasotirã cuni adi macãrucũro gãna bajiro tuoõarã meje ñnama ñna. ¹⁷ Mu oca ña oca riojo ñasarise. Mu

ñarã queno yirã riti ñna ñatĩñatoni mũ oca ñasarisere ñna masiroca yiya. ¹⁸ Adi macãrucũro gãna wato yũre cõayija mũ. Yũ cuni ito bajiroti adi macãrucũro gãna wato yũ rãca riasotirãre cõa yũ. ¹⁹ Ñnare yiari, mũre riti cũdigũ yigũja yũ. Ito yicõri mũ yagũ riti ñagũ yigũja yũ. Ito bajiro yũ yija ticõri, mũ oca riojo ñasarise cũdicõri, mũ ñarã riti ñarã yirãji ñna cuni, yiquĩ Jesús Diore bũsigũ.

²⁰ Gaje Diore ado bajiro gotiquĩ Jesús:

—Ñnare riti yiari meje mũre bũsia yũ. Ñna riasorise tuoõõri, yũre tuorũnurã yirãji gãjerã. Ñnare yiari cuni mũre bũsia yũ. ²¹ Ñna jeyaro sũgũre bajiro ñna usi cutitoni mũre bũsia yũ. Manire bajiroti ñna usi cutire ãmoa yũ. Cuna yũre bajiroti usi cutigũ ña mũ. Yũ cuni mũre bajiro usi cutia. Ito bajiro manire bajiro sũgũ bajiro riti ñna usi cutire ãmoa yũ. Ito bajiro ñna bajija ticõri, “Riti Dios ĩ cõarũ ñañi Jesús”, yirã yirãji adi macãrucũro gãna. ²² Yũre masa ñna rũcũbuoroca mũ yiado bajiroti ñnare masa rũcũbuoroca yicũ yũ cuni. Sũgũre bajiro usi cutirã ñna ñatoni ito bajiro ñnare yicũ yũ. Mani cuni ito bajiroti sũgũre bajiro bajaia mani. ²³ Yũ bajiroti usi cutirã ñama ñna. Yũ cuni mũ bajiroti usi cutigũ ña yũ. Ito bajiri sũgũ bajiro riti tuoĩa jedirã yirãji ñna. Ito bajiro ñna bajija ticõri, “Dios ĩ cõarũti ñañi Jesús”, yi masirã yirãji adi macãrucũro gãna. “Ĩ Macũre ĩ mairo bajiroti ñnare cuni maiami Dios”, yi masirã yirãji adi macãrucũro gãna.

²⁴ Cuna, yũ rãca riasotirã yũre mũ ĩsiana ñama ñna. No yũ ñaroju yũ rãca ñna ñnare ãmoa yũ. Ito bajicõri, masa ñna yũre rũcũbuoroca mũ yire ti masirã yirãji ñna. Ito yicõri, “Adi macãrucũro iti ñaroto riojuajũ Jesure maiñi Dios”, ñna yi masire ãmoa yũ. ²⁵ Cuna ñeñarise macũ ña mũ. Adi macãrucũro gãna mũre ti masibeama ñna. Yũama mũre ti masia. Ñna yũ rãca riasotirã, “Dios ĩ cõarũ ña mũ”, yi masiama ñna, yũre. ²⁶ Mũre ñna ti masiroca yicũ yũ. Ito

bajicōri, mure ñna masitñaroca yigũ yigũja yũ. Ito bajiro yigũ yigũja yũ, yũre mũ mairo bajiro ñna gãmeri maitoni. Ito yicōri ñna rãca ñatñagũ yigũja yũ, yiquĩ Jesús Diore bũsigũ.

18

Jesure ñna ñiare gaye

(Mt 26.47-56; Mr 14.43-50; Lc 22.47-53)

¹ Ito bajiro Jesús ñ bũsija bero Cedrón wame cõtiri jaribu sidujaju wacu gũa ñ rãca. Ito wacōri ote wese wijacu gũa, Jesús rãca. ² Coji meje iti ote wesejũ minijuasoticũ gũa. Ito bajiri Judas, Jesure oca menirocũ cũni tisotiquĩ iti wesere. ³ Ito bajiri iti wesere masicōri, surarare, porecia masare cũni ãmi ejaquĩ Judas. Paia ɸjarã, fariseo gaye tuoĩarã cũni ñna cõana ñãni ñna. Sarera jãirina bisu cõtĩcã ñna. Sĩabusuoragari, ito yicōri mujura jãiri cũni rucocã ñna. ⁴ “Ado bajiro yũre rētarõ yiroja”, yigũ ñnare boca ãmigũ waquĩ Jesús. Ñnare boca ãmicōri, ado bajiro ñnare seniĩaquĩ ñ:

—¿Ñimure ãmati mũa? yiquĩ Jesús ñnare.

⁵ Ito ñ yijare:

—Jesús Nazaret gagũre ãma gũa, yicã ñna.

Ñna ito yija tũocōri:

—Ñti ña yũ, yi cãdiquĩ Jesús.

Ñna rãca ñnaquĩ Judas, Jesure oca menirũ cũni. ⁶ “Ñti ña yũ”, Jesús ñ yirocati judojuana juja quedicoacã ñna. ⁷ Ito yi mũcãna tũdi ñnare seniĩaquĩ Jesús:

—¿Ñimure ãmasati mũa? yiquĩ ñ ñnare.

Ito ñ yija tũocōri:

—Jesús Nazaret gagũre ãma gũa, yicã ñna.

⁸ Ñna ito yija tũocōri:

—“Ñti ña yũ”, yicãmũ yũ, mũare. Yũre riti mũa ãma-jama, yũ rãca gãnama wacoajaro, yiquĩ Jesús ñnare.

⁹ Ito bajiro yiquĩ Jesús, iti rúmujũ ã gotigoado bajiro iti rētatoni. Iti rúmujũ ado bajiro gotiquĩ ã: “Yũ Jacũ yũre ã ãsicãna sīgũjũa yũre godabiticã”, yiquĩ Jesús iti rúmujũ. ¹⁰ Ito bajiro Jesure ãna ãña ãmoja ticõri, ã ya sarera jãĩ ãmiquĩ Simón Pedro. Iti jãina paia ujure moa ãsiri masũ, Malco wame cutigure ã ya gãmorõ riojocadujare jataquĩ Pedro. ¹¹ Ito ã yijare:

—Mũ ya sarera jãire seoya mũcana. Yũ tõbujaroti Dios ã ãmoja, camotabicũja yũ. “Itire camotagũ yiguĩji”, ¿yire masiati mũ? yiquĩ Jesús Pedrõre.

*Anás tũ Jesure ãna ãmi ejare gaye
(Mt 26.57-58; Mr 14.53-54; Lc 22.54)*

¹² Ito yija surara ãna uju rãca, judio masa porecia cuni Jesure ãnacã ãna. ãre ãnacõri, ã ya ãmori siacã ãna. ¹³ Ito yicõri Anás ya wiju ãmicoacã ãna, ãre ãja. Caifás mañicu ãnayiju Anás. Iti rodori paia uju ãnayiju Caifás. ¹⁴ ã Caifás ãnayiju, “Mani ãnarocõti godaja quenabetõja. Manire yiarĩ sīgũ ã goda ãsija quena”, yi ã ãnarã judio masare gotigorũ ãnayiju ã.

*Jesure masibea yũ, Pedro ã yire gaye
(Mt 26.69-70; Mr 14.66-68; Lc 22.55-57)*

¹⁵ Simón Pedro, gãji gũa rãca gagũ, Jesure ãna ãmi waja sũya wacã ãna. Simón Pedro rãca wacacũ paia ujure baba cutigu ãsotiyiju ã. Ito bajiri josari mejeti paia uju ya wi sabiara cunĩ rēta sãjacoayiju ã. ¹⁶ Pedroama sabiara cunĩ judõjũa sãjabicuti tujacoayiju. Ito bajiri gãji Jesús rãca riasotirũ paia uju baba sabiara cunĩ coderi masõ rãca busigu wayiju. Ito yicõri Pedrõre jisõyiju ã baba. ¹⁷ Iti cunĩ coderi masõ ado bajiro seniãayijo Pedrõre:

—¿Jesús rãca riasotigorũ meje ãnati mũ cuni? yiyijo iso Pedrõre.

Iso ito yijare:

—Meje ña yu, yiyiju Pedro.

¹⁸ Iti usajare moa isiri masa, porecia masa cuni jea riocōri, suma ñayijarã ña. Pedro cuni ña rãca suma ñayiju.

Paia uju Jesure i seniãare gaye

(Mt 26.59-66; Mr 14.55-64; Lc 22.66-71)

¹⁹ Jesure ña ami ejaja ticōri, paia uju Anás wame cutigu Jesure ado bajiro seniãasoyiju:

—¿Noa ñati mu rãca riasotiana? Ito yicōri, ¿ñe gaye ñnare riasocati mu? yiyiju i Jesure. ²⁰ Ito i yija tuocōri, ado bajiro cudiyiju Jesús:

—Masa jeyaro tiro riojo busisoticu yu. Dios ya wiju, mani masa judio masa minijuara wiju cuni masare riasocu yu. Ito bajiri yu goti rudire ma. ²¹ ¿No yija yure itire seniãati mu? Yure tuogoanare seniãate mu. Yu busigore gaye mure gotirã yirãji ña. Yu busigore masirãji ña, yiqui Jesús paia ujure.

²² Jesús ito bajiro i yija tuocōri, sīgũ porecia masu, Jesús ya rioju jayiju.

—¿Paia ujure, no yija ito bajiro cudiati mu? yiyiju i Jesure.

²³ Ito i yija cudiyiju Jesús:

—Riojo meje yu gotija, “Ado bajiro ruo gotia mu”, yija yure. Yu gotirise riojo gotia yu. Ito yibojarocati, ¿no yija yure jati mu? yiyiju Jesús ire.

²⁴ Ito i yija bero paia uju Caifás wame cutigu tu Jesure siarureti cōayiju Anás maji.

Jesure masibea yu, mucana Pedro i yire gaye

(Mt 26.71-75; Mr 14.69-72; Lc 22.58-62)

²⁵ Ito baji ñaroca jea suma ñayiju Pedro maji. I rãca jea suma ñarã ado bajiro ire seniãayijarã:

—¿I rãca riasotigoru meje ñati mu cuni? yiyijarã ña Pedre.

Ĩna ito yijare:

—Meje, ĩ rāca riasotigoru meje ña yu, yiyiju Pedro.

²⁶ Ito ĩ yija, sīgũ paia uju moa ĩsiri masu ado bajiro seniñayiju Pedroro:

—Ote wese ĩ rāca mu ñaroca, ¿tibiticati yu mure? yiyiju ĩ Pedroro. Pedro gāmoro ĩ jataru oca busigu ñayiju ĩ.

²⁷ Ito bajiro ĩ seniñaja tuocōri: “Jesure masíbea yu”, yiyiju Pedro mucana. Ito bajiro ĩ yirocati, cara yujicoayiju ĩja.

Pilato tuju Jesure ĩna āmi ejare gaye

(*Mt 27.1-2,11-14; Mr 15.1-5; Lc 23.1-5*)

²⁸ Ito yija bero Caifás ya wina romano masa uju ya wiju Jesure āmi wayijarā ĩre ñiana. Ito ĩna yiroca riti busu mija wadicoayiju ĩja. ĩna judio masa romano masa uju ya wiju sājabisijarā ĩna. “Gaje masa ya wi mani sājaja pascua basa bare bamenaji mani”, yi tuoĩarā sājabisijarā ĩna. ²⁹ Ito bajiri Pilato ĩmasiti ĩnare busirocu budi wayiju:

—¿Ñe seti cutiati āni, mua tija? yiyiju Pilato judio masare.

³⁰ Ito ĩ yijare cūdiyijarā ĩna:

—Ĩ seti macu ñaja, mu tu ĩre āmi ejabitiboana gua, yiyijarā ĩna Pilatore.

³¹ ĩna ito yijare:

—Ĩre āmi wasa mua. Mua masa bucūrā rotirena, “Ado bajiro seti cutia mu”, yiba mua ĩre, yiyiju Pilato judio masare.

Ito ĩ yija tuocōri, ado bajiro cūdiyijarā ĩna:

—Ĩre sĩa āmoboja gua. Ito bajibojarocati gua judio masa bucūrā rotirena ĩre sĩa masíbea gua, yiyijarā ĩna Pilatore.

³² “Yucutēoju yure jaju sīarā yirāji masa”, Jesús ĩ yicādo bajiroti rētayiju ito bajiro ĩna yija. ³³ Mucana ĩ ya wi tūdi sājacōri, ado bajiro Jesure seniñayiju Pilato:

—¿Judio masa uju ñati mu? yiyiju Pilato Jesure.

SAN JUAN 18:34 79 SAN JUAN 18:40

³⁴ Ito ï yijare, ado bajiro cüdiyijü Jesús:

—¿Mamasí tsoĩacõri, ito bajiro yí senĩĩati mü? ¿Gãjerã müre ïna gotijare ito bajiro yüre senĩĩati mü? yiyijü Jesús Pilatore.

³⁵ Ito ï yijare:

—¿Judío masü ñati yü, mü tija? Mü ñarãti, paia ujarã cüni yü tü ãmi ejama ïna müre. ¿No bajiro yicati mü? yiyijü Pilato Jesure.

³⁶ Ito ï yija cüdiyijü Jesús:

—Adi macãrucüro üjü meje ña yü. Adi macãrucüro üjü yü ñaja yüre süyari masa gãmeri jaboana judío masa yüre ñiame yirona. Adi macãrucüro üjü meje ña yü. Adi macãrucüroju meje ña yü rotiroto, yiyijü Jesús Pilatore.

³⁷ Ito ï yijare:

—¿Ito yicõri, üjü ñati mü? yiyijü Pilato.

Ito ï yija cüdiyijü Jesús:

—Mü yiro bajiroti üjü ña yü cüni. Adi macãrucüroju wadicõri, rujeacü yü, riojo oca ñasarise gotirocü. Riojo oca ñasarise cüdirã ïna ñama yüre tuorünurã, yiyijü Jesús Pilatore.

³⁸ Ito ï yija:

—¿Ñe ñati oca riojo ñasarise? yiyijü Pilato Jesure.

*Jesure sïar*üja mani, ïna yire gaye

(Mt 27.15-31; Mr 15.6-20; Lc 23.13-25)

Ito bajiro Jesure senĩĩacõri, ï ya wi budi wacõri, judío masare busigü wayijü Pilato mücana:

—Yü tija ñe seti macü ñami ãni. ³⁹ Co rodo ruyabeto pascua basa müa menija sïgũ tubiarüre bucõasotia yü müare yiarí. ¿Müa judío masa üjüre yü bucõare ãmoati müa? yiyijü Pilato judío masare.

⁴⁰ Ito ï yijare, ado bajiro awasã cüdiyijarã ïna:

—Ïre meje bucõaña mü. Barrabásjüare bucõaña, yiyijarã ïna Pilatore.

Riniri masu ñayiju Barrabás.

19

¹ Ìna ito yija tuocõri, Jesure baje rotiyiju Pilato ìja.

² Jesús ya rijoga joe jota bedo seara bedo jeoyijarã surara. Ito yicõri ñjarã ìna sãñaro bajiro sũaro sãyijarã ìna Jesure.

³ Ito yija bero ì tu busa eja rügũcõri, ado bajiro yiyijarã ìna:

—Judio masa ñju catijaro, yi aja tudiyijarã ìna Jesure.

Ito yicõri rioju ìre jayijarã ìna.

⁴ Mucana budi wacõri, judio masare gotigu ejayiju Pilato:

—Tiya mua. Ì seti manijare ìre bucõagũ ya yu, yiyiju Pilato judio masare.

⁵ Ito ì yija, jota bedo jesaru, sũaro sãñaru budiyiju Jesús. Ito yija ado bajiro yiyiju Pilato masare:

—Tiya, ãni ñami ùmugũ, yiyiju Pilato.

⁶ Jesús ì budija ticõri, ado bajiro awasãsoyijarã paia ñjarã, porecia cuni:

—Yucutõoju ìre jaju sĩaña, ìre sĩaña, yi awasãyijarã ìna.

Ìna ito yija tuocõri:

—Muamasi ìre ãmi wacõri, yucutõoju jaju siatẽña mua.

Yu tijama, ñe seti ma ìre, yiyiju Pilato judio masare.

⁷ Ito ì yijare ado bajiro cudiyijarã judio masa:

—Gua bucurã masa ìna rotirena ì godaja quena. “Dios Macu ña yu”, ì yire waja ì godaja quena, yiyijarã ìna Pilatore.

⁸ Ito bajiro ìna yija tuocõri, buto busa güiyiju Pilato.

⁹ Tudi wi toti Jesure ãmi sãcõri, ado bajiro seniñayiju Pilato ìre:

—¿Noju gagu ñati mu? yiyiju Pilato ìre.

Ito bajiro ì yibojarocati ìre cudibisiju Jesús.

¹⁰ Mucana tudi ìre seniñayiju Pilato:

—¿Yure cūdibeati mu? Gājerã mure yucutēojū yū jaju roti āmoja jaju roti masia yū. Mure yū bucōa āmoja, bucōa masia yū. ¿Itire masibeati mu? yiyijū Pilato Jesure.

¹¹ Ito ī yijare:

—Mu rotiroca Dios ī mure yibeja, yure roti masibitiboa mu. Mu rēto busaro seti cutigū ñami yure ñna ñiatoni gotirū, yiyijū Jesús Pilatore.

¹² Ito ī yija tucōri, “¿No bajiro yicōri Jesure bucōarūjati yū?” yi tūoīayijū Pilato. Ito bajiro ī tūoīabojarocati judio masa ado bajiro awasāyijarã:

—Īre mu bucōaja mūa romano masa ūjū ñasagū baba meje ñagū yigūja mu. No, “Ūjū ñagū yigūja yū”, yigū, ī ñami masa ūjū wjacū, yiyijarã ñna Pilatore.

¹³ Īna ito yija tucōri, Jesure āmi rotiyijū Pilato ĩja. Ito yicōri ūjarã ñna rujirijū rujiyijū Pilato ĩja. Itijū Gabata wame cutiyijū hebreo ocana. “Gūtana buorajū”, yireoni ñayijū itijū. ¹⁴ Pascua basa riojūa ūmūa gūdareco ñayijū iti rāmū. Ito yija Pilato ado bajiro yiyijū judio masare:

—Āni ñami mūa ūjū, yiyijū Pilato.

¹⁵ Ito bajiro ī yibojarocati bato awasāyijarã ñna:

—Sīacōrūja ĩre. Sīacōrūja ĩre. Yucutēojū ĩre jaju sīaña, yiyijarã ñna Pilatore.

Īna ito yijare:

—¿Mūa ūjūre jaju sīagū yigūjada yū? yiyijū Pilato ĩnare. Ito ī yijare, ado bajiro cūdiyijarã paia ūjarã:

—Romano masa ūjū riti ñami gūa ūjū. Ñimūjūa gāji mami, yiyijarã ñna Pilatore.

¹⁶ Ito bajiro ñna yija tucōri, yucutēojū Jesure ñna jaju sīatoni ĩnare ĩsiyijū Pilato. Ito bajiri Jesure āmicoayijarã ñna ĩja.

*Yucutēojū Jesure ñna jaju sīare gaye
(Mt 27.32-44; Mr 15.21-32; Lc 23.26-43)*

¹⁷ Īre ĩna āmi waja, s̄uya wac̄u ḡua c̄uni. Īre āmi wac̄ōri, yuc̄t̄ēo ĩre gaja rotic̄ā ĩna. Hebreo ocana Gólgota wame c̄utiri buroju ĩre āmi wac̄ā ĩna. “Rijoga ḡōari ñaro”, yireoni ñac̄u itij̄u. ¹⁸ Itoju āmi ejac̄ōri, Jesure yuc̄t̄ēoj̄u jajuc̄ā ĩna. Gājerā j̄uarā jūa d̄uja ḡāna yuc̄t̄ēoj̄u yosac̄ā ĩna. ĩna ḡudareco ñaquĩ Jesús. ¹⁹ Jesús ĩ wãñarit̄ēoj̄u ĩ ya rijoga weca wame w̄o rotiquĩ Pilato. Ado bajiro gotic̄u iti: “Jesús Nazaret gaḡu, judio masa ̄uju”, yi wãñac̄u iti. ²⁰ Judio masa j̄ajarā tic̄ā iti ucarere. Jesure yuc̄t̄ēoj̄u ĩna jajucati c̄uto t̄uti ñac̄u. ĩ ya rijoga weca wame wãñarise griego oca, hebreo oca, latín oca c̄uni ñac̄u iti. ²¹ Ito bajiri judio masa paia ̄ujarā ado bajiro yic̄ā Pilatore:

—“Judio masa ̄uju ñami”, yi ucabesa. “Judio masa ̄uju ña ȳu”, yibojar̄u, yi ucaja quena, yic̄ā ĩna Pilatore.

²² Ito bajiro ĩna yibojarocati ado bajiro c̄udiquĩ Pilato:

—Ȳu ucare ito bajiroti tujaro ya, yiquĩ Pilato ĩnare.

²³ Surara yuc̄t̄ēoj̄u Jesure jaju t̄iorā ĩ ya yutabujurire āmic̄ā ĩna. Itire āmic̄ōri, jūariarori batoc̄ā ĩna. Ito yic̄ōri ĩnac̄ōti ḡāji coro, ḡāji coro āmic̄ā ĩna. Jesús ĩ s̄ãñado joegadoama jioya mano ñac̄u. Riojoti sua m̄uja, gajanoado ñac̄u. ²⁴ Ito bajiri ado bajiro yic̄ā surara:

—Itore ñigãmena mani. Ñim̄uj̄ua itore ĩ bujaja tiana yirona, ḡūtana rea ajec̄ā ĩna.

Ito bajiro ĩna yija Dios oca tuti iti gotiado bajiroti r̄ētac̄u. Ado bajiro gotia ĩ oca: “Ȳu ya yutabujurire batoc̄ā ĩna. Ñim̄uj̄ua adore ĩ bujaja tiana yirona, ḡūta ajerā yir̄āji”, yi gotia Dios oca. Ito bajiroti yic̄ā surara.

²⁵ Jesús ĩ yuc̄t̄ēoj̄u wãñaro roca adoc̄ō j̄ajarā ñac̄u ḡua. ĩ jaco, Cleofas manojo María, María Magdalena, ito yic̄ōri ȳu c̄uni ñac̄u ĩna r̄āca. ²⁶ Jesús ĩ jacore, ito yic̄ōri ȳu ĩ maiḡure tic̄ōri, ado bajiro yiquĩ Jesús ĩ jacore:

—Cana ĩ ñaḡũ yiguĩji m̄u mac̄u, yiquĩ Jesús ĩ jacore.

²⁷ Ito yic̄ōri ȳujuare ado bajiro yiquĩ:

—Iso ñagõ yigõji mũ jaco, yiquĩ Jesús yure.

Ito ï yija bero isore boca ãmicõri, yu ya wiju isore codecu yu ïja.

Jesús ï usi jedire gaye

(Mt 27.45-56; Mr 15.33-41; Lc 23.44-49)

²⁸ Ito ï yija bero, “Dios ï ãmoro bajiroti yure rêta jedicoaju ïja”, yi tuoiaquĩ Jesús. Dios oca tuti iti gotiro bajiroti iti rêtatoni:

—Idi ãmoa yu, yiquĩ Jesús.

²⁹ Ito ñacu uyé ide jiaradu. Ide udi ãmirisena itire udi ãmicã ïna surara. Ito yicõri hisopo wame cutiricu raju gaja siacã ïna itire. Ito yicõri Jesús ya rise tu ñutucã ïna.

³⁰ Uyé ide jiare weroiãcõri, ado bajiro yiquĩ Jesús:

—Dios ï goticãdo bajiroti rêta jedicoaju ïja. Itocõ ña, yiquĩ Jesús.

Ito yija ï ya rijoga queo yocõri, usi jedicoaquĩ Jesús ïja.

Jesús ya warubu surara ï sare cudare gaye

³¹ Iti rumbu pascua basa riojua ñacu. Busuri gua judio masa ya tujacãra rumbu ñaro yicu. Ito bajiri yucutẽojũ godana ya rujũ wãñare ãmobicã ïna tujacãri rumbu ñajare. Tujacãra rumbu guijori rumbu ñacu gua judio masare. Ito bajiri Pilatore ado bajiro senicã ïna: “Yucutẽojũ wãñarãre sagaro gõare jajea rotiya. Ito yicõri ïna ya rujuri rujio rotiya”, yicã ïna Pilatore. ³² Pilato ï rotija tuocõri, ï ya surara wacõri, yucutẽojũ wãñarãre ïna ya sagaro gõarire jajeacã ïna. Jesús tu jũarã yucutẽojũ wãñarãre ïna ya gõarire jajeacã ïna. ³³ Jesús tujũ eja rügücõri, “Usi jedicoañi ãni”, yi ti masicã ïna. Ito bajiri ï ya sagaro gõare jajeabiticã ïna.

³⁴ Ito bajibojarocati Jesús ya warubu sare cadaquĩ sīgũ surara masu. Ito ï yirocati rí ide wusarise budicu. ³⁵ Yu itire gotigu, itire tigorũ ña yu. “Riti gotia yu itire”, ya

ya. Maa cuni itire tuorũnutoni, riojo itire gotia ya. ³⁶ Iti jeyaro rētacu Dios oca tuti iti goticato bajiroti. T̄ote. Ado bajiro gotia Dios oca: “Īre co gōa jajeamena yirāji ĩna”, yi gotia Dios oca. ³⁷ Gajeju Dios oca iti gotija ado bajiro gotia: “Sare cuda ecorure tirā yirāji masa”, yi gotia Dios oca.

Jesure ĩna yujere gaye

(Mt 27.57-61; Mr 15.42-47; Lc 23.50-56)

³⁸ Ito bajija bero José Arimatea gagu Jesús ya rujure ãmirocu Pilatore seniyiju ĩ. Jesús ocare tuo s̄yagoru ñayiju ĩ, ito bajibojaguti gājerāre goti batobisiju ĩ, judio masare güigu. “Āmiña”, Pilato ĩ yija tuocōri, Jesús ya rujure rujiogu wayiju José. ³⁹ Nicodemo ñamiju Jesús rāca busigu ejagoru cuni ejayiju. Treinta kilos r̄curisecō queno suti quenarise ãmi ejayiju ĩ. Mirra wame cutirise, āloes wame cutirise wuore ñayiju iti sutirise. ⁴⁰ Ito bajiri José, Nicodemo rāca Jesús ya rujū āmicōri saya botirona sutirise tucōri, ĩre gūmayjarā ĩna. Judio masa, masa yujerā ĩna yisotirise ñayiju iti. ⁴¹ Jesure yucutēoju ĩna jaju s̄iaraju ote wese tu ñayiju. Iti weseju masari cuma mama goje ñayiju. Gājerāre yujeñaña mani goje ñayiju iti goje. ⁴² Jabeto r̄yayiju tujacāra rumu iti busuroto. Ito bajiri iti gojeju Jesús ya rujure s̄ayijarā ĩna, sōju meje iti goje ñajare.

20

Jesús ĩ t̄udi catire gaye

(Mt 28.1-10; Mr 16.1-8; Lc 24.1-12)

¹ Ḡua masa ya moasura rumu busuri jiju r̄aitia busaroca wayijo María Magdalena. Jesús ya masari cuma tu ejacōri, iso tija gūta biaraga mañiju. ² Ito iti bajija ticōri, ũmaquedi wacōri, gua tu ejacō iso. Simón Pedro, ito yicōri ya Juan Jesús ĩ buto maicana ñacu gua. Gua tu ejacōri, ado bajiro yicō iso:

—Mani Uju ya rujure ãmicoañi ñna. “Itoju ñ ya rujure cūana ñna”, yi masibea yu, yicō iso guare.

³ Iso ito yija tuocōri, yu Pedro rāca masari cumaju tirā wacu gua. ⁴ Gua jūarā cocati ũmaquedi wacu. Pedro rēto busaro ũmaquedicu yu. Ito bajiri yujua cajero masari cuma ejasnocu. ⁵ Muqueacōri, ito tisōcu yu. Īre ñna gūmagore riti ticu yu. Itoju sājabiticu yu maji. ⁶ Yu bero ejaquĩ Simón Pedro. Īama masari cumaju sājacoaquĩ ĩja. Ī cūni Jesure ñna gūmagore riti tiquĩ. ⁷ Jesús ya rijoga gūmado gajeroju iti jesaja tiquĩ. Dureare rujajucu gajeroju iti jesaja tiquĩ ĩ. ⁸ Ito yija yu cajero ejacacu cūni sājacoacu. Iti rētare ticōri, “Tudi caticoañi Jesús”, yi tuoīacu yu ĩja. ⁹ Iti riojua, “Godabojaguti tudi catigu yiguĩji Jesús”, Dios oca iti yire gaye tuo masibiticu gua maji. ¹⁰ Ito yija bero gua ya wiju tudi wacu gua.

María Magdalenare Jesús ĩ goaĩore gaye

(Mr 16.9-11)

¹¹ María Magdalenama masari cuma tu oti tujacō. Otigoti masari cumaju tisōyijo iso. ¹² Ito iso tisōja jūarā ángel mesa botirise sãñarā rujiyijarā. Sīgũ Jesús ya rijoga ñagadojua rujiyijũ. Gãji ĩ ya gubori ñagadojua rujiyijũ.

¹³ Ito yija ado bajiro seniñayijarā ñna María Magdalenare:

—¿No yija otiati mu? yiyijarā ángel mesa isore.

Ñna ito yija:

—Yu Uju ya rujure ãmicoañi ñna. “Itoju ñ ya rujure cūana ñna”, yi masibea yu, yiyijo iso ángel mesare.

¹⁴ Ito bajiro yigoti, Jesure juda ti bujayijo iso. Ito bajibojarocati, “Jesuti ñami añi”, yi masibisijo iso. ¹⁵ Ito yija ado bajiro seniñayijũ ĩjua isore:

—¿No yija otiati romio mu? ¿Ñimure ãmati mu? yiyijũ Jesús isore.

“Adi wese coderi masu ñaguñji”, yire masiyijo iso. Ito bajiri ado bajiro ñre yiyijo iso:

—Ñ ya rujure mu cūja, “Ito cūmu yu”, yiya yure. Ñmigō waroco ya yu, yiyijo ñre.

¹⁶ Iso ito bajiro yija tuocōri, ado bajiro yiyiju Jesús isore:

—María, yiyiju Jesús isore.

Ito ñ yija tuocōri, ado bajiro yiyijo iso hebreo ocana:

—Rabuni, yiyijo iso. “Yure riasogu”, yireoni ñayiju iti.

¹⁷ Ito yija ado bajiro cudiyiju Jesús:

—Yure moañabesa maji. Yu Jacu tu mujabea yu maji.

Wasa yu ñaräre ado bajiro gotitēña: “Dios sīgūti ñami mani Jacu. Ito yicōri ñ sīgūti ñami mani Uju. Ñ ñaroju wacu wagu ya yu”, yi gotitēña, yimi Jesús yure, yi rotiyiju Jesús María Magdalenare.

¹⁸ Ito yija guare gotigo ejacō iso. “Mani Ujure tibū yu”, yicō iso. Ito yicōri Jesús ñ gotiado bajiro guare goticō iso.

Ñ rāca riasotigoanare Jesús ñ goañore gaye

(Mt 28.16-20; Mr 16.14-18; Lc 24.36-49)

¹⁹ Gua masa ya moaswora rumu ñacu iti rumu. Iti ñami gua Jesús rāca riasotigoana wiju minijua ñacu. Gua ñarā judio masare güirā soje biacōri, ñacu gua. Ñajasaroti gua wato goa rügūquĩ Jesús.

—Ñati mua, ñe oca mano queno ñaña mua, yiquĩ Jesús guare.

²⁰ Ito ñ yija bero ñ ya ñmori, ito yicōri ñ ya warubū ñoquĩ guare. Gua ñ rāca riasotigoana gua Ujure ticōri, bato wanacu gua. ²¹ Mucana tudí ado bajiro gotiquĩ Jesús guare:

—Ñe oca manoti queno ñaña mua. Yu Jacu yure ñ cōado bajiroti yu cūni muare cōa yu ñja, yiquĩ Jesús guare.

²² Ito yija guare juti jeocōri, ado bajiro yiquĩ ñ:

—Mua ya usiju Espíritu Santo ñ quedi sãjaroca ya yu.

²³ Ñre boca ñmicōri, gãjerã ñna ñeñaro yirise mua ñcaboja,

ĩnare seti mano yiroja. Īna ñeñaro yirise mũa ĩcabojabeja, seti cutirãti ñarã yirãji ĩnaõna, yiquĩ Jesús guare.

Tũdi Jesús ĩ catija bero Tomás ĩ tire gaye

²⁴ Ito bajiro guare Jesús ĩ goãioroca Tomás gũa rãca gagũ maniquĩ. Ī ñaquĩ “Sũrũarũ”, gũa yicacũ. ²⁵ Tomásre ti bajacõri:

—Mani Ujũre tibu gũa, yibojacũ gũa ĩre.

Ito bajiro gũa yibojarocati Tomás ado bajiro yiquĩ:

—Ī ya ãmo ĩna ja cudarajũ yũ tibeja, ito yicõri ĩre ĩna ja cudarajũ yũ ya ãmo wãsoana yũ ñusõĩabeja, ito yicõri ĩ ya warubu ĩre ĩna sare cudadojũ yũ ya ãmona yũ moaĩabeja, “Īti ñami”, yi masibicũja yũ, yiquĩ Tomás guare.

²⁶ Udia ãmojeno rumũri bero mũcana tũdi minijuacũ gũa. Iti rumũ gũa minijuacati rumũ Tomás cũni ñaquĩ ĩja. Soje biado ñabojarocati gũa wato goa rũgũquĩ Jesús.

—Ñati mũa, ñe oca mano queno ñaña mũa, yiquĩ Jesús guare.

²⁷ Ito yicõri Tomásre ado bajiro yiquĩ ĩ:

—Yũ ya ãmore ticõri, mũa ya ãmo wãsoana yũre ñusõĩaña. Mũa ya ãmona yũ ya warubu susuro yũre moaĩaña. “Ī meje ñaguĩji”, yibeja ĩja. “Īti ñami”, yi masiña mũa ĩja, yiquĩ Jesús ĩre.

²⁸ Ito ĩ yijare:

—Yũ Ujũ, Dioti ña mũa, yiquĩ Tomás Jesure.

²⁹ Ito ĩ yijare Jesús cãdiquĩ:

—Tomás yũre ticõri, yũre tũorũnũa mũa. Gãjerãma yũre tibitibojarãti yũre ĩna tũorũnũaja, queno wanũ quenarã yirãji ĩna, yiquĩ Jesús Tomásre.

Cristore tũorũnũaña mũa cũni, yirocũ adi uca yũ, San Juan ĩ gotire gaye

³⁰ Gaje jaje tiyamani ĩoquĩ Jesús gũa ĩ rãca riasotirã tiro riojo. Iti ñarocõti ña jedibea adi papera tutijũ. ³¹ Adi yũ

ucarise, “Jesuti ñañi Cristo, ito yicōri Dios Macu ñañi”, yi mua tuorūnūtoni uca yu. Īre tuorūnucōri, catitñare mua bujatoni itire uca yu.

21

Jua ãmojeno ĩ rāca riasotigoanare Jesús ĩ goaïore gaye

¹ Ito bajija bero mucana tūdi goaïoquĩ Jesús, guare ĩ rāca riasotigoanare. Tiberias wame cutirita tunimaju guare goaïoquĩ Jesús. Ado bajiro bajicu ĩ goaïoja. ² Adocō jājarā ñacu gua minijuacana, Simón Pedro, Tomás “Sūrūaru”, gua yigu, Natanael Galilea sita Caná wame cutiri cuto gagu, gua Zebedeo rīa, ito yicōri gājerā jūarā Jesús rāca riasotigoana ñacu gua. ³ Gua ito baji ñaroca ado bajiro yiquĩ Simón Pedro:

—Wai jogu wacu ya yu, yiquĩ Pedro.

Ito ĩ yijare:

—Gua cuni mu rāca waju, yicu gua.

Ito yicōri wacu ĩja. Cumaju sājacōri, ñamiasaro wai jobojacu gua. ⁴ Iti busu mūja wadiroca itajura tunima guare goaïoquĩ Jesús. Ito bajibojarocati, “Īti ñaguĩji”, yi masibiticu gua. ⁵ Ado bajiro guare yi ruyuquĩ ĩ:

—¿Wai sīabeani mua? yiquĩ Jesús guare.

Ito ĩ yijare:

—Sīabea, joboja gua, yicu gua ĩre.

⁶ Gua ito yijare:

—Cuma riojadajare yorigu cōa roaya mua. Ito bajiro mua yija wai sīarā yirāji mua, yiquĩ Jesús guare.

Ī roticato bajiroti yicu gua. Wai jājarā ĩna ñajare, yorigure mosā masibiticu gua, wai jājarā ĩna ñajare. ⁷ Ito baji ñaroca, yu Jesús ĩ maigū ado bajiro yicu yu Pedrorre:

—Mani Ūjuti ñami ĩ, yicu yu Pedrorre.

“Mani Ūju ñami”, yu yija tuocōri, wasoro yosagu ñari joegado sãñaquĩ ĩ. Ito yicōri itajuraju quedi roacoquĩ ĩ.

Ito yicōri Jesús tujū bati waquĩ. ⁸ Cien metrocō tunima sōjua jayacu gua. Ito warāti jaju tunima ejacu gua. Wai yorigu rāca weja jājā ejacu gua. ⁹ Cuma majacōri, jeame weca wai jūoana ti ejacu gua. Ito yicōri naju cuni iti ñaja ti ejacu gua. ¹⁰ Gua ejaja ticōri, ado bajiro yiquĩ Jesús, guare:

—Wai jane mua sīana udiarācō āmi waya, yiquĩ Jesús guare.

¹¹ Ito ĩ yija tuocōri, cumaju mūja sājaquĩ Simón Pedro, ito yicōri wai curā yorigujū ñarā jajujū waire weja mocūquĩ ĩ. Ciento cincuenta y tres ñarā ñacā wai jeyaro. Jājarā ĩna ñabojarcoti cudubiticu yorigu. ¹² Ito yija Jesús ado bajiro yiquĩ guare:

—Ba yujirā waya maji, yiquĩ Jesús guare.

“¿Ñimū ñati mū?” yi seniābiticu gua, “Mani Ujuti ñami”, yi masicōri. ¹³ Ito yicōri gua tujū eja rūgūcōri, naju guare batoquĩ ĩ. Waire cuni ito bajiroti yiquĩ.

¹⁴ Itina udiaji goañoquĩ Jesús guare, godacōri tūdi ĩ catija bero.

Simón Pedro rāca Jesús ĩ busire gaye

¹⁵ Gua ba yuji tíoja bero ado bajiro seniāquĩ Jesús Simón Pedre:

—¿Mū rāca gāna rētoro yure maiati Simón, Jonás macu mū? yiquĩ Jesús Simón Pedre.

Ito ĩ yijare:

—Mure maia yu Ujū yu. “Yure maiami”, yi masia mū, yiquĩ Pedro Jesure.

Ito ĩ yijare:

—Oveja rīare ĩna ecasotiado bajiro yure yiari yu ñarāre riaso ĩsima mū, yiquĩ Jesús ĩre.

¹⁶ Mucana tūdi juaji seniāquĩ Jesús Simón Pedre:

—¿Yure maiati Simón, Jonás macu mū? yiquĩ Jesús Pedre.

—Mure maia yu ʘju yu. “Yure maiami”, yi masia mu yiquĩ Pedro Jesure.

Ito ĩ yijare:

—Ovejare ĩna codeado bajiro yure yiari yu ñarãre code ĩsima mu, yiquĩ Jesús Pedrose.

¹⁷ Ito yija mucana tãdi udiãji seniãa quenoquĩ Jesús ĩre:

—¿Yure maiati Simón, Jonás macu mu? yiquĩ Jesús Pedrose.

ʘdiãjiyu, “¿Yure maiati mu?” Jesús ĩ yija tuocõri, bojori bujaquĩ Pedro. Ito bajiri ado bajiro yiquĩ ĩ Jesure:

—Jeyaro masigũ ña, yu ʘju mu. Yu mure mairise masia mu, yiquĩ Pedro Jesure.

Ito ĩ yijare:

—Ovejare ĩna ecasotiado bajiro yure yiari yu ñarãre riaso ĩsima mu. ¹⁸ Riti mure gotia yu. Iti rumuju mamu mu ñaja yutabuju sãnacõri, mu amoro bajiroti wa ucusotiyija mu maji. Mu bucugu ñaja mu ya amõ siacõri, mu wa amobetoju mure amõ warã yirãji ĩna, yiquĩ Jesús Pedrose.

¹⁹ “Ito bajiro mu godaja ticõri, Diore rucubworã yirãji masa”, yirocu ito bajiro gotiquĩ Jesús Pedrose. Ito ĩ yija bero:

—Waya yu rãca. Yu oca tuo suyagu waya, yiquĩ Jesús ĩre.

Yu Juan ĩ rãca riasotigorure Jesús ĩ buto maire gaye

²⁰ Jũda ticõri, ĩnare yu suyaja tiquĩ Pedro. Yu ña Jesús rãca riasotigoru buto ĩ maicacu. Yu ña Jesús rãca basusacati rumu ĩ tu rujicacu. Yu ña Jesure seniãacacu, “¿Ñimu ñati mure ĩna ñiatoni gotiri masu?” yi seniãacacu ña yu. ²¹ Yure ticõri, ado bajiro Jesure seniãaquĩ Pedro:

—Yu ʘju, ¿ãniama no bajiro godagu yiguũjida? yiquĩ Pedro Jesure.

²² Ito ĩ yija ado bajiro cudiquĩ Jesús:

—Mucana tãdi yu ejarijaju ã catire yu ãmoja, catigu yiguĩji maji. Iti mu masibeja, no yibea mre. Muãma yure sayaba, yiquĩ Jesús Pedre.

²³ Ito ã yija tuocõri: “Juan godabicu yiguĩji”, yire masicã ãna. Jesuama, “Godabicu yiguĩji”, yibitiquĩ. Ado bajirojua yiquĩ ã: “Yu tãdi ejarijaju ã catire yu ãmoja, catigu yiguĩji maji. Iti mu masibeja, no yibea mre”, yigu yiquĩ Jesús. Iti oca queno tuo masibiticõri, “Godabicu yiguĩji Juan”, yire oca batobojañi ãna.

²⁴ Yu ãna Juan, Jesús rãca riasotigoru. Yuti ãna adi paperare ucaru. “Riojo gotiami”, yi masia mu yure.

²⁵ Gaje jaje ãna Jesús ã yigore. Jeyaro Jesús ã yigore mani uca jebojaja cuni, adi macãrucãrore daja rãtacoabodoja papera tutiri. Itocõ ãna.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06
